

**Владимир ТИМИН**



**мича ема**



Владимир Тимин

# мича ёма



- \* КЫВБУРЪЯС
- \* ВУДЖӨДӨМЪЯС

Сыктывкар  
Коми книжнӧй издательство  
1996

**Тимин В.В.**

Т 41 Мича Ёма: кывбурьяс, вуджөдөмьяс. —  
Сыктывкар: Коми книжнӧй издательство,  
1996. — 208 л. б.

ISBN 5-7555-0574-8

Пӧшти 30 во сайын нималана коми поэт Иван Вавилин гижліс: «Владимир Тимин радейтӧ, позьӧ кӧ тадзсӧ шуны, луасьыштны морт чувствояслӧн да переживаниееяслӧн медся вӧсныд да тыдавтӧм сіяс костын. Сійӧс, пӧжалуй, он сорав некодкӧд сыкӧд ӧттшӧтшья поэтыяс пӧвстын».

Индӧм кадсяньыс Владимир Тиминлӧн петавліс кывбурьяса нель сборник, бӧрьяыс — 1987 воын.

Ӧні ми вӧзьям сылысь виль поэтической гижӧд чукӧр. Сэтчӧ бӧрйӧм кывбурьясысь бура тыдалӧ олӧм вылас поэтлӧн ашӧр видзӧдласыс.

84.2 Рос—Коми

Т  $\frac{4702310200 - 010}{M 128 (03) - 96}$  26 — 96 м

ISBN 5-7555-0574-8

© Тимин В.В., 1996

© Гаранин А. М., оформление, 1996

© Коми книжнӧй издательство, 1996



**КОМИ МУ**





## 1386-өд ВО

*«Мöскуаса великöй князь Дмит-  
рий Донской могмөдiс Стефан Перм-  
скийлысь корöмсö — ыстiс ратникъ-  
ясöс Новгородса разбой вöчысь ушкуй-  
никъяслы паныд. Совдор гөгöртасын  
пансис тыш. Ратникъяс венiсны.»*

*«Вычегодско-Вымскöй летопись»  
серти*

### 1

Лөддза-номъя...

Öнiя ног — июнь.

Совдор<sup>1</sup> гөгөр жөдзöны ушкуйникъяс<sup>2</sup>,

Чургөдöны асывланьö чунь:

Сэн — зыряна,

Нöшта лун-мөд уйны кө.

Вылысаныс зелякылö көрт,

Сьökыд кийн дзирдыштöны черьясныс.

Водзсась, парма войтыр, а эн бөрд,

А то ставсö мырддяласны-перьясны.

<sup>1</sup> Совдор — öнiя Сольвычегодск.

<sup>2</sup> Ушкуйникъяс — Новгородысь рөзбойөн промышляйтись йöз.

Чернеч Степö¹  
Вылын кутö крест.  
Мылышты², владыко, —  
Йöзыс шуöны.  
Енвевтсянь кöть виччысьöны мезд,  
Кабыръяссö топöдöмön жуöны.  
А владыко тöдö асьыс мог,  
Коми кывйöн велöдöмсö восьталö:  
«Кевмысьöй,  
Эз сибав медым лёк,  
Христос туйöд олём чöжныд  
Восьлалöй.»

Войтыр эськö сөнйöра,  
Да рам,  
Мый тшöктасны еннопгасяс — вöчöны:  
Войпöль вуні,  
Ланьтис мывкыд Пам,  
Мича Ёма  
Пöри выжив пöчöö.

Наян котыр Комиöдз эз во,  
Вичкоясын юрöбтисны «Отче наш»...  
Чайтисны кö — Енсянь шуда во,  
Вөлöмкö да — князьлөн ми выль вотчина.

Жебмис Пермын Новгородлөн власьт —  
Мöд вын сійöс чорыд киён тракнитис:  
Тавоö ушкуйникъясöс тась  
Бергöдисны Мöскуалөн ратникъяс.

2

Абу озыр,  
Он и шу, мый гöль,

Эз нима в ни полысьён, ни лябён,  
Вичко кильчө дорын ылыс пöль  
Юрсö жуглө: пырны али абу?..  
Сардмөм кинас ниртө балябөж:  
Кутшөм помтөм олөм думысь корся?  
Велөдөмыс тайö збыль-ө, лөж?  
Ог-ө мыйкө ассыым тадзнад ворссы?

Чернеч Степлөн Енмыс вына, дерт,  
Помөдзыс и Памным со эз венлась.  
Кыз нө мый ?..  
Но некод шы эз сет.  
Ланьтисны и важся коми енъяс.

## ЕМВА ДОРЫН

Мыссьö ныв ю дорын —  
Шань да мича,  
Ваыс öзтö сылысь чужөмбан.  
Емва, Емва,  
Кымын нэм тэ видзан  
Ставсö, мый тан висьтавліс  
Стефан.

Коми муö  
Ен да вичко пыртіс —  
Памалөн сэк збыльмис сьöкыд вөт...  
Квайтөд нэм нин  
Коми гижөд тыртіс —  
Таөдз морт ас грамота эз төд.  
Шувгö парма,  
Олан вояс лыддьö.  
Джуджыд пожөм кыпөдөма сой —  
Русь вöсна  
Непрядва дорын быттьö

Полкъяс водзö петіс  
Князь Донской.

Сувтлытöг Атлантикаöдз воны  
Тшöктіс кулан здукö Чингисхан...  
Öтутчысь Россия водзын со нö  
Сьöд вын чукөр öнöдз жöдзö тан.

Хан Мамай —  
Ордаысь —  
Эз вöв писка,  
Йöз муысь эз чöвтны кө — эз мун.  
Ёнмис Русь.  
И князьлы том епископ  
Восьтіс Енмö пыртöм Коми му.

Кöні гөгөр вөрзьöдлытöм парма,  
Кöні во джын кежлö коскөдз лым,  
Кöні — Пермь,  
А мойд серти — Биарма,  
Сулалö «владычен кар Усть-Вымь».

Важас лоөмторйыс, кывлан, лыда,  
Комилөн история пö голь...  
Вужным мян нэмъяс сайын, пыдын,  
Чайта, эз вöв коньөр ылыс пöль.

Эз вöв сійö парма шөрö вошöм,  
Бокөвöйлы ас кузя эз лөвт,  
Тэчис олан ладсö төв и гожöм  
Да и восьтöм грамота эз чөвт.

Тöдтöм кывйö велöдчыны зілис,  
Рочасьлісны бурлак зон и ань...  
Асывводзын нылук синсö тільö,  
Мамлы нимкодь — садьмис рочакань.

Юасьёмөн-висьтасьёмөн воліс,  
Кöні Кола көдж и көн Из сай.

Сэтчөс йөзкөд өти юрөн оліс,  
Накөд уджын содтіс ассьыс пай.

Ылыс пöльяс!  
Сувта тіян водзö,  
ХХІ-өд нэмö вуджысь пи,  
Тіян ловъяс — уна югыд кодзув,  
Тіян олөм — морөсаным би.

Емва, гызы, —  
Визувт нэмысь нэмö,  
Мед эз яммы вайд ни эз сім.  
Вайö, ёртыяс, кодъяс талун эмөсь,  
Огö воштöй коми мортлысь ним.

## ВАЖСЯ СЕРПАС ВОДЗЫН МÖВПЪЯС

Лөнь Сыктыв.  
Троицкöй собор,  
И сылөн вуджөр юö усьö,  
А карыс Усть-Сысольскөн шусьö...  
И юрö волö унатор.

Зэв джуджыд  
Еджыд вичко стен.  
Сы гөгөр карса йөзыс жуö...  
Мый лоис зськө,—  
Аслым шуи,—  
Друг ме кө быттьö лои сэн.

Став серти төдчö — шойччан лун,  
И некод некытчö оз тэрмась.  
Ме зськө сёрни панны верми,  
Өд кытысь мыччыси, эз вун.

Сюрс өкмыссё дас кыкөд во...  
Пось шондї югөръяссө койө.  
Тї менө ловйөн эськө сөйид,  
Шу тан, мый вичконыд оз ло.

Да тайө мый на...  
Кык во мысьт  
Мир пасьта ыджыд война пансяс,  
А сзэся юрөбтас гражданскөй,  
И тышө пырас — кодї кысь.

Но регыд пуксяс олөм —  
Выль.  
Гөрд знамя шпоракивны кутас,  
Морт шуас, эскөмөн ас шудас:  
Мый вөлі вөтөн — лои збыль.

Му шарсө весьөпөртны дась,  
Мед выль ног овмөдчисны ставөн...  
Тан шыасясны Виктор Савин,  
Рам Тима Вень да Илля Вась.

Зэв кыпыд лои ывла выв —  
Жан вощьө сьөлөм,  
Пуө вомыд,  
Кар ним и то нин лои коми,  
И гөгөр юргө чужан кыв.

Да сөмын эз тай ло тадз дыр —  
Мед олөм кутшөмакө пуксис,  
Но сзэся вөвлытөма дзугсис,  
Му лои лагерьясөн тыр.

И код мый гижліс,  
Шуліс мый,  
Төд вылө уськөдліс көрт кабыр,  
НКВД-ысь ыджыд абу:  
Көть пуксьөд дыр кежлө,  
Көть лый.

И өткодъ: олөма көть том —  
Тэ верман и не кольны ловйөн.  
Сибирын либө Вылыс Човйын  
Выль классик аддзис олөм пом.

Эз сувтны паныд кар ни сикт,  
Вом пөдса, некод мед эз явит...  
Стөч сэки ропмуніс держава  
И талун кежлө киссис дзик.

Со татшөм сёрни, Усть-Сысольск,  
Ме татчөс йөзкөд эськө пані.  
Выль уна стрөйба кыптас тані,  
Но бурсьыс уна жө оз коль.

И ог төд мыйла — чайтсьө мен:  
Мый водзө лои, көть и төда,  
Важ карас эськө овны мөді,  
Друг ме кө быттьө лои сэн.

### КЫЗЬӨД ВОЯС...

Кызьөд вояс!  
Кыпыд вояс!  
Быдөн мусө бертны дась.  
Өттшөтш шыасисны збоя  
Виктор Савин,  
Илля Вась.

Сьөд удж бертысь синсө тільө —  
Ыджыд мортөн лои друг.  
Кадыс тшөктө лоны зільөн,  
Вежсьө олөм  
Бан и гуг.

Сьолөм чуксалө — оз инась,  
Важсө кокниа он вен.  
Юрсө жуглө Помөсдінын  
Коми гижысь Тима Вень.

Сылөн кывъяс — вөрса дзоридз,  
Помтөм муслун — воөм оз.  
Сиктса уджалысьөс корө  
Өтув уджын пуджны сос.

Коми войтырыслы эскө:  
Садьмас, быдмас, лоө яр.  
Шогсьө: вермыны кө зськө  
Коркө гөгөртны Му шар.

Шондібанөй Украина —  
Вишня садйын малөн көр,  
Эг куж уна кывбур сины —  
Кыскис коми парма вөр.

Коді быдтіс, вердіс-удіс,  
Кодлөн олөм воссис выль.  
Мортлөн вөлөма тай шудыс  
Ас му вылын медся збыль.

Мывкыд, велөдчылөм войтыр,  
Бурлак зон и акань-ныв,  
Веськодьлунөн энө дойдөй  
Чужан му и чужан кыв.

Буретш тілы сьөд вөр сайын  
Көдзліс сюсө Трипан Вась...  
Кызьөд вояс,  
Кыпыд вояс,  
Быдөн мусө бертны дась.

## ЁМА

Ичот дырйи ме радейтлі ёна,  
Бабö мойдывліс кор сылігтыр,  
Кыдзи пармаын чуксасьö Ёма,  
Корсьö кывзысьтöм челядьöс пыр.

Тöлыс гыöра öшиньö швачкö.  
Тöv-ö? Гашкö нин, Ёмаыс сэн?  
Баблөн мыш сайын буса пöсь паччөр  
Ичот крепостьөн кажитчö мен.

Медым лёкпырысь вензьöны төвьяс,  
Кильчö вылын мед пидзöсöдз лым,  
Чуксась, Ёма, и эрдьясöд шövьяв  
Сэтчöдз, кытчöдз оз сод менам вын.

Али кусі нин пармаын збойлун?  
Али мортысь тэ повны он куж?  
Регыд, аддзысиг лунын кöть войын,  
Крута кусыньта зэлыд ньövвуж.

...Вояс мунісны. Бара ме сиктын.  
Важ моз эрдьясöд шутьлялö төв.  
Челядьдыр мекöд янсöдчис дзикöдз,  
Ёма воши жö, быттьö эз вöv.

Сöмын сэтшöм жö съöd, пемыд войын,  
Бабöс казьтыліг, кажитчö мен:  
Ёма мудерджык воясөн лои —  
И ог мын сыысь, кытчöдз ог вен.

## ЧЕЛЯДЬДЫРСЯ

Кöть тайöс некодлы ог висьтав,  
А ме ас думөн туйын бара,

Эм весиг пасйöd тетрадь листын,  
Мый колö ньöбны меным карын.

Выль каллян — пöрысь Прокö дедлы,  
Бур дадь мем вöчліс колян тöлын.  
Чай дiнас кöлач Наста тьötлы,  
Код тöдö мойдкыв уна пöлос.

Гриш Васьлы книга ваяс радлун.  
Кöть мортыс нэмсö олö öтнас,  
Но аслас ыджыд льöм пу садйысь  
Оз некор ми коддьöмсö вötлы.

Ме думысь, сьöла чипсан лöö  
Бур козин вöралысь Микитлы.  
Кор висьлі, кöчöс вайліс... Со öд  
Бур йöзыс мыйта миян сиктын.

## ВОЙНА КАДСЯ НЯНЬ

Öчередьыд кузь, но абу помтöм,  
Вески дорöдз воин — сувт да ланьт.  
Гираясөн кылан тэрыб ковгöм,  
Аддзан тэныд торйöдыштöм нянь.

Нянь...  
Кор петан йöз косттыс ортсö,  
Кокни сумка оз пык мунан öд,  
Торпыригсö бырöдан на гортöдз,  
Эм кö нöшта —  
Бырас на и мöд.

Газетьяс ми, зонпосни,  
Эг лыддьöй,  
Но öд ставсö тöдiм —  
Война кад!

Классон тэчлім сыланкывъяс пыдди:  
«Ми-ян де-лө пра-вөй,  
Гит-лер — гад».

Нывбабаяс эскөдлісны мудзтөдз,  
Ордйысьомон октывлім кор шеп:  
Врагос вөтлам — и не сөмын рудзөг,  
Шобді көлач сөйны кутам сэк.

Война кад!  
Руд енэж,  
Көдзыд школа.  
Нянь карточка шымыртөма ки...

Ас костаным шог юким да олім  
Нывбабаяс, пөрысьяс  
Да ми.

## НОШУЛЬСА ТРАКТ

*Великөй Отечественнөй Война  
Воясө Прилузскөй районса вөвлөм  
Летскөй МТС-ысь шофөръяс Елена Ко-  
солаповалы да Ефросиния Рубцовалы*

Ношульса тракт весьтын өшалө ру,  
Слабник мотор оз кыскы, оз ну,  
Руль сайын нывбаба тайкө оз бөрд,  
Но, а мый машина? — Машина көрт.  
Ыпъяліс му вылын ыджыд война,  
Мый эм, став вынъяссө зэвтіс страна,  
Фронт вылын верөсыс, фронт вылын вок,  
Сөмын со во джын нин письмө оз лок.  
Садөкын колип моз чепөсйис ки:  
«Вешйөй жө на дорысь пуля и би.  
Вөрөгыд ён, но и ми вок нин скөр,  
Тальыштөй пөжөс да воөдчөй бөр».

Машина сьёкыда веніс крут чой.  
Юкалө коскыс и юкалө сой.  
Ышловзис нывбаба: доймө нин син.  
Сувтны... Но кузов тыр сылөн бензин.  
Сейтөгыд олан на некымын лун —  
Ломтастөг машина воськов оз мун.  
Войт весиг дона и сувтны оз позь,  
Мед көть и няйт вылө пуксьывлө ось.  
Ньөжйөник-ньөжйөник матысмө горт,  
Машина пессьө, а сыкөд тшөтш морт.  
Фараяс югөрын туй визьыс руд,  
Ношульса тракт весьтын өшалө ру.

## ПАТЕФОН

Сиктын ветлөдліс  
Киысь киө,  
Вөлі көзяинтөм  
Да важ.  
Гежөд войпукьяс дырйи  
Сійө  
Швыргис-дзуртліс,  
Но вайліс гаж.

Шөрө петлісны  
Мудзөм нывьяс  
И, кор шыасяс патефон,  
Сюран йөктысьлы  
Шоньд сывьяс:  
Тэд кө дас саяс —  
Тэ нин зон.

Нылөс,  
Зонмөс ли —  
Быдтор суліс:  
Верстьө уджьясысь

Мудзём сой,  
И тшыг кынёма  
Гажа тулыс,  
И бур вотьяса  
Гожся вой.

Овліс...

...Музыка  
Ланьтас дзик кө,  
Вугйод бергөдлам  
Уна пөв...  
Война воясө  
Миян сиктын  
Өти гудөкасысь  
Эз вөв.

## ЙӨРА ЙЫЛЫСЬ БАЛЛАДА

Көнкө енма-муа костын,  
Сьод вөр шорас дзик,  
Оліс пидзөсөдзыс лоскын  
Дас керкаа сикт.

Вөрысь петіс ичөт йөра.  
Эбөс быри. Пом.  
Сійөс исыштисны скөра  
Кык-ө-куим пон.

Яндзим татшөм вылад увтны —  
Гөлөс пон оз сет.  
Слабмөм йөрапилы сувтны  
Отсаліс дзор дед.

Йөлөн ки пыдөссыс вердіс,  
Сэтшөм вөлі слаб.

Вайліс ылыс керӧс бердысь  
Медьюгыд ключ ва.

Дедкӧд шмонитлісны бӧрын:

«Вердысь лоӧ — видз».

Сэки вочавидзліс пӧрысь,

Гашкӧ пӧ и сідз.

Ворсны волывлісны челядь —

Примитліс кӧть кор.

Некор на вылӧ эз элясь,

Ышмӧмысь эз ёр.

Рытлань шуас: «Ноко, шойччам.

Мойдкыв кывзӧй ті».

Челядь пуксясны, а орчӧн

Век нин йӧрапи.

Тадзи гожӧмын и тӧлын,

Ӧтлаын быд лун.

Кӧть и кузь кокъяса вӧлі,

Вӧрас бӧр эз мун.

Гожӧм — мӧс чукӧрын сійӧ,

Тӧлын — йирӧ бадь...

Ӧтчыд лӧсьӧдісны сийӧс,

Кӧрталісны дадь.

Ёна велӧдны эз ковмы —

Кыскӧ, быттьӧ вӧв.

Войтыр шензьӧ: «Быдтор овліс.

Татшӧмыд — эз вӧв».

Крепыд сьыліа, кузь пеля,

Ньӧжмыд кӧть, но ён.

Шулісны эз сӧмын челядь:

«Талы — абу дон».

Некымынысь лымйыс сывліс,  
Кывтіс уна ва.  
Коркө кывсис: рытиввылын  
Пансьома война.

Йöзыс шай-паймуні сиктын —  
Синва сорөн сöt...  
И колхозсö ньöжйöникөн  
Пыкис баба рöд.

Гижны, кутшöм вöлі пöра,  
Дженыда он куж.  
Менам мöдтор: кыскис йöра  
Ассьыс сьöкыд удж.

Лым ли гартчис бушков пиын,  
Либö киссис зэр,  
Мыйта нуис-вайис сійö  
Турун, куйöд, кер...

Кыт не прöйдитны и вöвлы,  
Писькöдлывліс туй.  
И кöть кутшöм сьöкыд вöвлі,  
Пармалань эз уй.

Бытьö кызкö ас ног тöдіс  
Уджлысь донсö сэк...  
Ямщик йöралөн — дзор дедö —  
Водзас ветліс век.

Доддыс кокныдджык, кор кыкөн,  
Кузьджык шойччандыр.  
Вердас дед, а сэсся ськөд  
Варовитö пыр.

Кызди прöйдитісны вояс,  
Некодлөн оз вун.  
Сэсся гажа тульс воис  
И — Победа лун.

Коді сьылö, коді вöччö —  
Войнаыслы пом.  
Йöралы гöрд шöвкысь вöчис  
Кодкö сьылі дом.

Ставыс лючки вöлі медым,  
Бурджык воысь-во.  
Коли тöлысь. Висьмис дедö.  
Висьмис и эз ло.

Быд сьöкыдыс, коді вöлі,  
Мöрччис уна ног.  
Йöра синъяс пытшкö вöйи  
Гөгöрвотöм шог.

Дыркодь керка дорас жöдзис.  
Ылын шувгис вөр.  
Сылань довгис. Сэсся öддзис,  
Мед не локны бөр.

## ВОРСАН КЕРКА

Ворсан керка,  
Ворсан керка  
Вöвлі дзик быд коми сиктын.  
— Пыр,  
Эн кильчö вылас бергав,  
Öдзöссö ас бöрад сипты.

Том йöз чукöртчöны гусьön,  
Рöмдö ньöжйöникön ывла...  
— Пемыд посводзас эн усьöй,  
Банйöм чужöма тусь-нивъяс!

Кутліс зонмыс медся шаньсö.  
Сöмын кылö: эн вай тэрмась,

Ме тэд абу туй дор анькытш,  
Зэв на сконйыштчыны верман.

Ичөт керка йөзөн тыри.  
Көзьяйкаыс, мелі пөчө,  
Вайө важ туйсын ырөш —  
Пөчкөд сёрнитчөма стөча.

Кодкө водзвыв джоджсө чышкис,  
Кодкө воис няньөн-солөн...  
Пөчө төдө: гажөдчытөг  
Дуб зэв вермас лоны олөм.

Тагйөй, тагйөй —  
Кокньөдысьөй,  
Солөй, солөй —  
Өлөдысьөй.  
Том пөраыс вөвлөма,  
Вичко чойө пөрлөма.  
Экма!

Кодкө со нин спектакасьө —  
Нинөмтор оз гөрддзась сөртөг.  
Наян синма гудөкасысь  
Зильө нылөс кывйөн йөртны.

Нывка пыркнитыштіс юрсө,  
Ок и изнысө пө зиль —  
Месянь виччысян кө бурсө,  
Ноко, ызөбты кадрийль.

Керка ловзис гудөк шыысь —  
Он көсйы да ылалан —  
Том вир-яйныс өзйө сыысь,  
Йөктігмозыс сьылөны:

Мамө вылө, батьө вылө  
Ыдждыд протокол гижа,

Таво ар кө оз готравны,  
Пачсö тоинөн кисьта.

Вөлі ас кежся тан сёрни,  
Юргис уна частушка.  
Сöмын казялісны: сёр нин,  
Важөн гортö мунны кад.

Аски бара уджъяс бертны...  
Пöчö,  
Öдзöсьястö томнав.  
Ворсан керка,  
Ворсан керка,  
Миян войнабöрся томлун.

## **ВОЙНАБÖРСЯ НЯНЬ**

Весиг няньыд  
Сьöкыдөн зэв овлö:  
Мешök... коймöd... нельöd...  
Дас и кызь...  
Мышку вылын  
Баржа вылысь новлам  
Ыджыд кулля мешökьясын  
Пызь.

Новлам нянь,  
А сійö личкö мулань,  
Бытьö видлö  
Том войтырлысь вын.  
Трапным дзуртö  
Тэрыб кокъяс улын,  
Пароходсянь  
Разалö сьöd тшын.

Ми — студентьяс.  
Огö тöдöй шогсö.  
Варовитиг бергаламöй тат —  
Ректысьны да сöвтчыны ми воксö  
Чукöртлывліс  
Войнабöрся кад.

Тöдiм: сьöкыд,  
Гөгөрвоны колö —  
Неважөн на помассис война.  
Том и пöрысь  
Надеяөн олім:  
Öтүв уджөн озырмас страна.

Лоас мыйта колö —  
Нянь ли, сов ли,  
Мича паськөм,  
Кыпыд оланін...  
Ми, студентьяс,  
Пызь мешökьяс новлім —  
Вежөр таысь содіс,  
А эз чин.

### **КЫК КЫДЗ**

Кык еджыд кыдз,  
А гөгөр,  
Турунвиж рöма,  
Зэв кыдзкö ас ног  
Радлö акварель.  
Картина улас  
Посньыдика гижöма:  
«Войнаса инвалидьяслөн артель».

Ме эска:  
Муыс качліс небесаөдз,

Став вынсö зэвтліс  
Менам Чужанін,  
Кор бöрынътчыны ковмыліс  
Москваөдз,  
Мед нель во мысти  
Тыдовтчис Берлин.

Ми талун водзлань  
Мунам зумыд воськолөн  
И öтув уджөн  
Содтам мулысь мич.  
Но кывзöй! —  
Вашкөдöны,  
Мыйкө зілиг висьтавны,  
Войнаөн  
Чеглём увьяса  
Кык кыздз.

### **КОР ПЕТАН ГОРТЫСЬ ...**

Кор петан гортысь ылі туйö  
И рөдвуж керкаад оз төр,  
Кöть ставсö петтөдзыд на шуин,  
Мед унджык морöс пытшкад нуин,  
Эн вунөд видзөдлыны бөр.

Со яг тэд мыйкө шувгö-сиö,  
Со войтыр сьөлөмшөрөдз ас,  
Со нывка колльöдысьяс пиын,  
А орччөн мамыд пöрысь киөн  
Тэд гусьөн ыстө пернапас.

Ас сиктад воны бөр он вунөд,  
Мед кольö лыдтөм лун и вой.  
Öд коркө чужан сиктысь уна  
Том войтыр война вылө муніс,  
И бöрсö унджыкыс эз во ...

Кор петан гортысь ылі туйö  
И рөдвуж керкаад оз төр,  
Көть ставсö петтөдзыд на шуин,  
Мед унджык морос пытшкад нуин,  
Эн вунөд видзөдлыны бөр.

## ЧУЖАН МУЛӨН СЫЛАНКЫВЪЯС

Көть ылын горт  
И старшина көть стрөг,  
Палатка весьтын көть и  
Зэрö бара,  
Салдатыд, эскöй, жугыльлун оз төд,  
Кор кийсь киö  
Ветлөдлө гитара.

Со юрнас збоя пыркнитис  
Том зон,  
Тадз быттö сывны  
Ёртъяссö тшөтш корö.  
И юргö гөлос,  
Лөсьыд зэв и ён,  
Кыз нывъяс лэччалисны  
Эжва дорö.

Сэн, сылан шыас,  
Мамлөн мелі кыв.  
Сэн мөвпъяс —  
Наысь көдзыд дырйи шоныд.  
Сэн батылөн му,  
Сэн шөвк юрсиа ныв,  
А тайö ставыс  
Быдөнлы зэв дона.

Латыш, бурят,  
Казах и одессит ...

И мый нө,  
Төдтөмөсь кө налы коми кывъяс:  
Оз сьөлөмнымөс  
Некод сідзи йит,  
Кызд чужан муысь вайөм  
Ссыланкывйыс.

## ТАЛУНЪЯӨ ВИДЗӨДЛАС

Ме думысь, да тайө  
Абу ворсөм —  
Сійө озыр,  
Коді абу ййй.  
Медся бур төваръяс,—  
Диктор горзө,—  
Вөчө фирма  
«Глобал Ю-Эс-Эй»!

Мынтöны кө бура,  
Мый не шуны.  
Иностраннöй вылад  
Öзйө син —  
Пепси-кола  
Велалімöй юны,  
Бекъясаным гижөд:  
«Маде ин ...»

Мича дозйын  
Ылысь вайөм вина ...  
Ньöб, мый көсьян,  
Сьөмторйыд кө эм.  
Тайө ставыс  
Бытьöкө и нинөм,  
Сөмын мөдтор  
Тыдалö нин мем.

Юклам власть,  
Но места вылын жӧдзам,  
Уджным дзикӧдз эндіс —  
Делӧ дзуг.  
Воӧ со Голландияысь ӧдзӧс,  
Ӧти сайын корам ӧдзӧс вуг.  
Коркӧ слава миян йылысь юргис:  
Луноход, Гагарин, СССР.  
Ӧні, вермас лоны, Люксембургысь  
Кутам ньӧбны пес поткӧдлан чер.

Серам туйын  
Тшӧтшӧдлӧм держава.  
Спекулянт киоскын —  
Выль герой.  
Дзайгам отсӧг,  
Аддзӧны кӧть ставӧн:  
Рытиввывлы  
Веськодь миян дой ...

Сэсся тырмас!  
Тадзи век кӧть элясь,  
Зэлӧдчӧйтӧг  
Олӧм оз ло бур.  
Кыптам,  
Огӧ мунӧй разі-пельӧ,  
Мед и Коми му —  
Европа пельӧс —  
Став мир водзын  
Вылын кутіс юр.

## ВОЙСЯ КЫВБУР

*«Вөтлытөг, зонъяс, оз лөсяв тайо:  
Цивилизация поскөд оз кайо!»*

*И. Куратов*

Чөв-лөнь.  
Унзиль синъясөс ме тiля.  
Муным весьтө өшйис  
Пемыд вой.  
Кывъяс корсиг,  
Кутшөма көть зiля,  
Тэодз менам кывбурөй  
Оз во.

Лыддысьысьöй,  
Тэнö пукта пыдди,  
Аддзан öнi кымынөд нин вөт?  
Шуам, аски кывбурөс тэд лыддя,  
А тэ ассьыд чужан кыв  
Он төд.

Кымын арөс тэныд —  
Кызь ли,  
Комын?  
Гашкө, унджык ...  
Вермас лоны сiдз.  
Ай-мамыд  
Да пөль-пөчыд кө коми,  
Мыйла налысь кывсö тэ эн видз?

Кыв төдтөгыд  
Уна гөгөр вежсис,  
Весиг вөр-ва  
Абу быттьö ас.  
Мөвпыштлiн-ö та йылысь ас кежсьыд,  
Любöй —  
Изьватас ли,  
Эжватас?

Быттьö синмön аддза, кодыр кыла —  
Мöд ног шуöм нимкодъ сідз оз вай —  
Ичöтысянь тöдса коми кывъяс:

Парма,  
Шонді,  
Сынöд,  
Колипкай.

Кывнымöс ми чöвтім эгö дышла,  
И мый сійö школаын эз ло,  
Чайта, сыын ньöти абу мыжа  
Ни му вөрöм либö НЛО.

Ме ог мыжав сиктса йöзöс таысь  
Сы вöсна, мый праватöмöсь дзик,  
Но эн корсьöй коми кыв Ухтаысь,  
Орöдчö кö кывсьыс коми сикт.

Уна локтысь власть гөгöрыс жуис,  
Кодлön чинъяс вылö ыджыд выть,  
И рöднöй правительством шуис,  
Велöдны пö коми абу быть.

Быдöнлы сэк туйыс вывлань воссис,  
Кыв кö бырö, налы öмöй шог!  
Выль ним кодкö кöвъявны нин босътчис:  
Коми пыдди —  
Северо-Восток.

Со и олам Северо-Востокин,  
Восьлалам на милы сетöм пай  
Став цивилизациясьыс бокин  
Туй кузя, код некытчö оз вай.

Войся чөв-лөнъ ...  
Татшöм лөнъыс йылысь  
Удораын шулöны: шынъ-шынъ.  
Велöдтöгыд озыр коми кылысь  
Регыд артмас  
Войвывса латынь.

Коми му!  
 Мейн тэ  
 Чужан лунсянь и кувтөдз,  
 Тэнад сывйын став рөдвужой,  
 Кымын пөль-пөч!  
 Öти воськов эн во океанөдз  
 И сувтін.  
 Асшөр олөмөдз  
 Тадз жө со  
 Воськов эн вөч.

Воём котырыс  
 Лыднас и збойлуннас венө.  
 Уси нинөмө эськө  
 И талуңья Пам.  
 Кодкө, кылө со, гораа ошкө нин тэнö:  
 Кутшөм вөр-ваыс озыр  
 И войтырыс рам!

Нэмъяс чөж артмөм оланног  
 Вочасөн кусө.  
 Коми ним пыдди ми гөгөр  
 Рочмөдөм ним...  
 Енмөн эновтөм му,  
 Мед көть мый,  
 Век тэ муса,  
 Но ме көсья, мед нимыд  
 Эз вушйы, эз сім.

Медым ловнад эн усь  
 Да и морөс эн чургөд,  
 Медым ас нога олан туй  
 Некор эз ор,  
 Медым төлын и гожөмын  
 Кыпыда юргис  
 Парма войтырөс öтувтысь  
 Збой коми гор.

## ЛЕЙТЕНАНТ ВАТАМАНОВ

Лейтенант Ватаманов,  
Мый тэ вöчан Афганын,  
Тэ öд кыпöдны гөлöс он куж?  
Гөгөр — сьöd моджахедьяс,  
Видлы на киö шедны,  
Ылын дзирдалö ёсь Гиндукуш.

Быттö тшыгьялöм зверьяс,  
Турунвиж БТР-яс,  
Буссö лэптöны, оз тöдны мудз.  
Лейтенант Ватаманов,  
Ловнад вештысян тані,  
Усйись войвылö, көн Коми му.

Сэні югыдöсь войяс,  
Сэні лöнясны дойяс,  
Мамыд мыччас ас пöжалöм нянь.  
Петан лөнъ гожся рытö,  
Тэнö виччысьö кытөн  
Лöсьыд мыгöра раминик ань.

Но эз сувт рökлы паныд  
Лейтенант Ватаманов,  
И, кор пансис ущельеын бой,  
Моджахедлөн граната  
Уси сы дорö матын,  
Муö пөрöдіс вöвлытöм дой.

Кодöс мыжавны таысь?  
Мынім ковтöм войнаысь.  
Бөрлань исковтö во бөрся во.  
Олам мирнöя — да, но  
Лейтенант Ватаманов  
Аслас Комиö бөрсö эз во.

## МИЯН КАД ЙЫЛЫСЬ

Воис вежөрөдзныд?  
Да!  
Дзоля мывкыднаным сорсим.  
Өні, ёртъяс-господа,  
Веськыдвылысь туйсö корсям.

Кык юра кутш,  
Чолөм тэд!  
Рынок туяд век на чотам,  
Но ми воклы вöля сет —  
Тэныд коймөд юр на содтам.

Кытчö колö?  
Шу, Москва.  
Вомад видзөдөмөн олам.  
Бара сорсям кө — тшаква,  
Тэкөд быдлаө на волам.

Гургим посьяс вомөн моз  
Перелом и перестройка.  
Кодкө төдö али оз:  
Кызди шусьö өнъя тойтөм?

Ок и лөсьыд,  
Ок и бур  
Ылысь тшөктөм серти овны —  
Оз вись, майбыр, чина юр,  
Оз ков  
Нинөм вöсна повны.

Сөмын кывзысьысь ло век...  
А мый артмас,  
Аддзам бöрын.  
Кышсö кокыштам кө,  
Сэк  
Позяс грексö юкны шöри.

Бытьё нинём эз и вёв.  
Ставыс вунё...  
Мый тан шуны?  
Ноко, кытчө тэльтө төв?  
Кодарё нин     ё мунны?

## **СТЕФАНОВСКОЙ ПЛОЩАДЬВЫВСА ГЫРЫСЬ ЙӨЗЛЫ**

Коми му —  
Тэ ставнас ыджыд лагерь,  
Вайём мыжа йөзлөн  
Оланін.  
Талун полан пырны  
Аслад ягё —  
Фуфайкаа зверысь  
Полё син.

Повзьёдчана нимён лои Коми,  
Кыз Лубянка,  
Либё Магадан.  
Быд өдзёсын кык да куим томан,  
Коді вөлі дивөторйөн тан.

Стефановской площадьвывса войтыр!  
Тян кыин Коми муын власть.  
Вөчөй сідз, кыз овлім ёна вөйдөр —  
Бырөдөй  
Став лагерьяссө  
Тась!

## КОМИ НИМЪЯС ЙЫЛЫСЬ

Ак, кыдзи коми нимъяс дзугам!  
Ми быттьö йöз муын нин нач:  
Туй мортлы керка —  
Лыддям «Югэр»,  
Сьöдкыркöтш пыдди — Седкыркач.  
Озьель —  
Озёлөн лои важён,  
Помоздиноён — Помöсдин...  
И татшöм вежсьöмыс оз гажöд,  
Оз нимкодътöд ни пель, ни син.

Коськ пöри каньö —  
Лои «Кошки»,  
Чедьюён шуöны Чöд ю...  
Ми огö нимъяс сöмын воштöй —  
Ми ньöжйö воштам чужан му.

## ГÖСТЬЯС ЙЫЛЫСЬ

Нэмсö вöлі Коми муын:  
Кодыр воас корöм гöсть,  
Видза олан! — сылы шуан.—  
Пöрччысь.  
Пуксьы.  
Сёян пöсь.

Медся пыдди сійöс пуктан  
(Асьтö лёкöдыштан век),  
Сылысь тöждлун кө он юк тэ,  
Аслыд вöчан ыджыд грек.

Тадзи примитлісны вöйдөр,  
Кодыр вoысь вöлі шоч,  
Тадз и öні вöчö войтыр —  
Ло тэ коми либö роч.

Ло тэ ылысь либӧ матысь,  
Ло тэ пӧрысь либӧ том,  
Любӧй ӧдзӧс восьса татӧн,  
Бытьӧ парма шӧрын чом.

Йӧз пыр унджык милань воӧ,  
Сӧмын оз век радлы син:  
Вӧчалісны шуштӧм воӧ  
Татчӧ уна дзескыдін.

Гуяс мыльквидзӧны кресттӧг,  
Некод дзоридзьяс оз ну —  
Лои повзӧдчана места  
Менам муса Коми му.

Кӧнкӧ шуан кӧ, мый коми,  
Некод веськодьӧн оз коль:  
Тӧдӧ олӧма и, том и,  
Воркута да Вожаель...

Кадыс коли.  
Юръяс весьтын  
Югдіс — виль ног овны куж.  
Ӧні нимкодясьны эськӧ,  
Сӧмын кыпыдлун оз чуж.

Уна кортӧм гӧстьӧс аддзан,  
Оз во юрад нянь да сов —  
Ӧні ысталӧны татчӧ,  
Коді некытӧн оз ков.

Мед пӧ тані лоӧ мортӧн,  
Войвыв пуктас асьыс пас...  
Но а месӧ ола гортын —  
Ставыс ичӧтысянь ас.

Коми муын — тӧв ли гожӧм —  
Любӧй здукӧ аслас мич:  
Потшӧс дорын ӧтка пожӧм,  
Кӧні радейтчылім ми.

Эжва весьтын асыя кыа,  
Зэрём бөрүн ывла выв,  
Гажа рытьяс, кодыр кыла  
Мыла коми сыланкыв.

Пывсян сайын джуджыд тола,  
Керка пытшкын — корём гость.  
Сылы шуа: видза олан!  
Пөрччысь.  
Пуксьы.  
Сёян пось.

### КОМИ МУ

Мыйла муса мем Коми муыс —  
Джуджыд пармаыс, Сыктыв юыс?..

Гашкө, сы вöсна, мый тан чужи,  
Муöс ыдждöдла, кыдзи кужа.

Кöмтöг котравлі зарни вөрöд,  
Тöді, Ёма кө эм, оз вөрöд.

Вöвлі бать-мамлы муса пиöн...  
Гашкө, муыс мем дона сійöн?

Юрси — тыöдтöм шабді кудель,  
Пöчö серавліс — абу мудер.

Лун-лун вöвъяс гөгөр пыр гартчи,  
Юсö спор вылö вöлі вартча.

Коркө рытгорув петлі чöла —  
Некод войпукъясысь зз öлöд.

Сöмын чуймывлі йöла шыысь...  
Гашкө, муыс мем дона сыысь?

Воис война кад ыджыд грёзён.  
Сиктысь мунісны медбур йёзыс.

Аньяс вашкөдчывлісны гусьён,  
Талун бара пö öти уси.

Ясной сөкөляс, узяд көнөсь?  
Коньөр дөваяс... Кымынөнөсь?!

Шогыс, тшыглуныс — ставыс сюрліс.  
Гашкө, та вöсна дона муыс?

Сэсса югыд кад кисö мыччис,  
Быдмим-разалім, коді кытчö.

Асьным петім көть төдтөм шөрö,  
Оз вун сиктсайса гажа нöрыс.

Гортса пывсянысь чугуна горйыс,  
Чöскыд туруна векни борйыс,

Куття войясыс, Сыктыв юыс,  
Небыд сьөлöма Коми муыс.

\* \* \*

Сыктывкар — менам мича мойд.  
Бара ывлаыс сэтшöм ясыд.  
Тöрыт шуи ме тэд: «Бур вой».  
Талун вашкөда тэд: «Бур асыв».

Кодыр шыясөн ловзяс лун,  
Меным «аддзысьлытөдз» тэ шуан.  
Тайö асылыс мед оз вун,  
Кывсö туйö ме аскөд нуа.

Енэж ме весьтын — помтөм лөз,  
Енэж шудаён сиё лоны.  
Аттьö тiянылы, карса йöз,—  
Меным тi вöсна карыс дона.

## АСЪЯ МÖВПЪЯС

Леткасянь Печораöдз  
Садьмö Коми му,  
Кыпыд гажөн горалö,  
Пыркнитöма мудз.

Бара енэж лöзыс со  
Нимкодьöдö син,  
Паськыд муыс йöзыслы —  
Öтув оланiн.

Чöдъя-пувъя ягъястi  
Кытшовтамö ми,  
Мелi кызьяс расьясын  
Нюжöдöны ки.

Тöлын либö гожöмын  
Öткодь танi бур.  
Пожöм вылысь пожöмö  
Лэбö тэрыб ур.

Тöдтöм шыяс кылöны,  
Повзыштiс чöv-лөнъ:  
Уклад лэбач вылыи  
Кольö эзысь вөнъ.

Шондiбанöй, зарниöй,  
Югөрьястö кой,  
Эз во медым пармаö  
Помасьлытöм вой.

Ыджыд би мед гартчөмөн  
Юр весьтын эз пот,  
Морт ки помысь артмөмыс  
Мусо мед эз сот.

Өти югыд шондисо  
Сё пельо он юк,  
Йитас кө ныв-зон кисо,  
Некод мир оз дзуг.

Сувтам орччөн дзескыда,  
Вештам война грöz.  
Вайо кутам эскыны  
Өта-мөдлы, йöz!

## ВЫЛЬГОРТ

Эм коми сикт,  
көн медбур көсийом збыльмө,  
И сьөлөм менам  
долыдлунөн тыр,  
Рад шуны:  
Видза олан, муса Вильгорт,  
Тэ менам томлун,  
мена м челядьдыр.

Тась уна войтыр  
нималана петис,  
А кодыр öзйис  
Му шар вылын би,  
Тшөтш и тэ вöсна  
ассьыс ловсö сетис  
Сэк Вильгорт сиктысь  
уна ныв да пи.

Лөз енэж улын  
уджалам да олам,  
А сиктным тыртö  
ассыс нельöд нэм,  
И сэтшöм бур,  
мый кодлыкö тэ колан,  
И тэнö пыдди пуктысь  
тані эм.

Важ коми сикт,  
көн медбур көсйöм збыльмö,  
Став мукöд коми сиктъяслөн  
бур чой,  
Пыр водзö быдмы-сöвмы,  
муса Вильгорт,  
Тэ менам мича  
помасьлытöм мойд.

## **МЕДСЯ ЛУНВЫВ СИКТ**

Көн төвсö гожöм тэрыбджыка венö,  
Көн ася шонді мелі ныв кодь дзик,  
Прокопьевка, ме чолöмала тэнö,  
Республикалысь медся лунвыв сикт.

Лун төлыс бөрся восьлала, ог тэрмась,  
Ме гөгөр быттьö море — зарни сю.  
А сөстөм сынöd — лолав мыйта верман,  
А сөстөм сынöd — зарава моз ю.

Веж мича виддзыс небыд шöвк моз ворсö,  
Со варовитö шоркөд югыд рас,  
Ме кывза ылыс тракторъяслысь горсö —  
И дзик быд шы да серпас тані ас.

Тан уджач войтыр нималöны ылö,  
И кодарö көть олём чöж ог мун,  
Бур славанад тэ төв и гожöм кылан,  
Республикалөн медся лунвыв му.

### **КУИМ РÖМА ФЛАГ**

Стефановскöй площадь весьтын  
Куим рöма дöра пас,  
Татчö, кодыр көть ог веськав,  
Паськыд эрдыс меным ас.

Лöз рöм — сийö миян енэж,  
Турунвижыс — пармавөр,  
Еджыд рöмыс казътö меным  
Лымъя войвыв — сьөлөмшөр.

Кодкö, гашкö, миян паслы  
Ыджыд төдчанлун оз сет.  
Дивитасны, пиняласны,  
Сераласны весиг — мед!

Сыысь огö усьöй улö,  
Мунны некытчö жö тась,  
Тайö пассö Коми мулысь,  
Төдöй, дорйыны ме дась.

### **ЧУЖАН КЫВ**

Зарни бордьяса,  
Медся мыла,  
Чужан кыв — менам олём да вöt.  
Позьö сёрнитны

Любөй кылөн,  
Сөмын өтдортны ассыым  
Ог мөд.

Войвыв эрдяслөн  
Повтөм лэбач,—  
Сетис вын сылы  
Коми му,  
Но, а сөстөмлун сетис,  
Дерт жө,  
Сылы матушка Эжва ю.

Сийө тиянлөн,  
Пөльяс, пөчьяс,  
Сийө тиянлөн,  
Ныв да зон.  
Мөвпыд ас кывйөн  
Кык пөв стөчмө,  
Мортыд ас кывйөн —  
Кык пөв ён.





## ЭМ СӨМЫН ТЭ...

Эм сөм, эм сөм,  
Угасалгай бичиг,  
Бичиг бичигдэл мандыг эм,  
Бараг бичиг, мандыг эм.





\* \* \*

Шуны сідзи, кыдз мөвпала...

Кужа-ө?

Ог-ө кывъяснам

Ставсө дзуг?

Мунан орччөн тэ —

Буретш тушаа,

Буретш оласа,

Буретш друг.

Еджыд кыдзьяскөд

Вой төв ышмөма.

Петіс медводдза кодзув,

Жеб.

Шевкнит кыдзи көть

Карса чышъянтө,

Лөсьыд көсатө

Оз тай дзеб.

## ВОИС РЫТ

Воис рыт,

И өзйисны бияс.

Вөтлө пемыдсө менам сикт.

Бара өтлаын миян кияс,

Көть и тыдало ставыс дзик.  
Войбыд шудос дась  
Киын кутны.  
Мелі видзодлас  
Нэм оз вун.  
Аддзан:  
Енэжті кывтысь спутник  
Бокө му дорысь оз жө мун.

\* \* \*

Тані чөв,  
А өшинь сайын бушков,  
А өшинь сайын  
Увгө-пессьö бушков  
И кыкнаннымлысь  
Гуся туйяс вуштö,  
Зэв скöрысь тыртö лымйөн  
Чизыр төв.

Кад вöлі сёр,  
Кор керкаысь ме петі,  
Дыр видзоді,  
Кыз төлыс лымсö летö.  
Ми гөгөрвоим тэкөд,  
Гашкө, сэки,  
Мый радейтчөмтö бушколыд  
Оз торк.

Кымөр сайёд  
 Тöлысь кывтö,  
 Шоча мыччысьлö.  
 Эн дзёб, шань ныв,  
 Ласков кывтö —  
 Важөн виччыся.

Кокни нюма,  
 Югид вира,  
 Мича лысера,  
 Восьса ки вылад  
 Лым чиръяс  
 Ньöжйö усьöны.

Гөгөр,  
 Кытчö кöть ог кежöй,  
 Лымйыс югъялö.  
 Водзын Эжва юным  
 Эшкын улын  
 Вугралö.

Тöлысь кывтö,  
 Видзö рытсö  
 Ковтöм шыясысь.  
 Татшöм рытö,  
 Гашкö, оз и ковны  
 Кывъясыд?

Тöдам:  
 Тэа-меа костын  
 Ставыс водзланьын.  
 Кокни лоö тэкöд  
 Олан туйöд  
 Восьлавны.

## ТУЙӨ ПЕТИГӨН

Киын ки,  
Но дрөгнитис вагон,  
И нывлөн чуньяс  
Вильснитисны киясь.  
Тыр йөзөн,  
Бөрө исковтө перрон,  
И нывлөн мыгөр  
Кольёдысьяс пиын.

Оз вунөд, эска,  
Менө сьөлөмшөр,  
Өд сийө шуис  
Медбур кывсө светас ...  
И кодыр чужан муө  
Воа бөр,  
Бур нюмөн тадз жө  
Поезд динө  
Петас.

## СЬЫЛАНКЫВ

Важиник пианино.  
Клуб сцена вылын ныв  
Ловзьөдө кокни кинас  
Йөзкостса сьыланкыв.

Чужтөны төдса шыяс  
Кутшөмкө югыд дум,  
Уналөн, гашкө, сыысь  
Тыдалө лөсьыд нюм.

Тэрыбось нывлөн чуньяс...  
Та өдийө төвзьө көр,  
Толаяс вомөн чомлань  
Мөдөдчам кодыр бөр.

Аддза, кыдз мян весьтын  
Пөртмасьö небеса.  
Мөд асыв лоö дзескыд  
Чом шöрын пызан сай.

Ёртьяскөд гажа содтөд,  
Сёрнилы оз ло пом.  
Тундраті ветлысь мортлы  
Шойччанін — любöй чом.

Шыбитлө увлань, вывлань  
Дадьнымөс еджыд гы.  
Абу-ö та йылысь нывлөн  
Талунья сьыланкыв?

\* \* \*

И бара сьякйö  
Көдзыд эзысь,  
Кок улын дзуртö  
Майкыд лым.  
Ас кежам надейтча ме —  
Эз-ö  
Ло тэнад сьөлөм  
Важ моз пым.

Öд төлыс воывлө  
И мунö,  
Öд кусысь кыа  
Öзйö бөр,  
Пельк статьяд мыччысь  
Шуда лунö  
И нюмөн веськөд  
Сьөлөм шөр.

Ми ставсö казътылам,  
Мый вöлі,  
Бур кадсьыс  
Нинöм мед эз вун,  
И асьным аддзам:  
Шудыс вöлöм  
Син судзанінысь  
Эз на мун.

\* \* \*

Синмö шыбитчана öблика,  
Мичнас кывсьö ылöдз.  
Нывкöд паныдасян öтикысь —  
Дасысь бергöдчылан.

Эськö суны, сёрни панлыны,  
Любуйтчыштны сыөн.  
Öта-мöдлысь чужöмбаннымöс  
Сотны пöсь лов шыён.

Сöмын эз тай сійö вичмы мем...  
Мам и шуис татчö:  
«Дзик быд нывлөн аслас мичлун эм,  
Кодöс онö аддзöй.

Онö аддзöй овны кужöмсö,  
Ловсьыс кодзув-бисö ...  
Мича нывлысь окав чужöмсö,  
Мисьтöм нывлысь — кисö».

## ВАСА НЫВЪЯС

Лөнь войö  
Ланьтöм Сыктыв дорын,  
Оз вөр кор весиг  
Турун йыв,  
Друг нывлөн гөлöс  
Кылас гора,  
И муас швачкас  
Тэрыб гы.

А сэссия юсьыс  
Сьöрсьөн-бöрсьөн  
Нель васа ныв,  
Нель васа чой ...  
И быдөн чери кусö пöрччö,  
И тыртö гажөн пемыд вой.

Сэн радлөм, серам,  
Сылан шыяс,  
Оз тöдны шог  
Нель мича ань,  
Но тöлысь югдöдiс на пысь,  
Код вöли медмича,  
Медшань.

И öзйис сэки менам сьöлөм:  
Мый тайö мичсьыс тэныд, ю?  
Ме кысси бадьяс костöд чöла  
И со нин кыын  
Чери ку.

Лөз биөн ёрö  
Кöдзыд дзирдыс,  
И кынмö чери кусьыс сой  
Да сiдз, мый весиг босьтiс йирмөг,  
Но, кылö,  
Локтöны нель чöй.

Ме аддза пасьтасьомсö боксянь.  
Зэв лöнь.  
Оз вөрзбы турун йыв.  
Дзик öтнас колиг,  
Корсьö-ноксьö  
Да нора бöрдö  
Мича ныв.

То öдйö чепöсйылас валань  
И кевмö,  
Лэптö кыкнан ки,  
То локтö бөр  
И кевмö бара ...  
Ме сувтi.  
Орччөн лоим ми.

Юр весьтын тöлысь  
Бытьö сыліс,  
Вөр-васö шымыртiс сьöd вой.  
Сы водзö сувтi  
Пидзöс вылö  
И восьтi ассьым сьölöм дой.

— Сувт, морт,  
Эн зиль ас нэмтö шогны,—  
Тадз шуис ныв и сетiс ки.  
— Тэд эз ков, эз ков татчö локны,  
Ме — васа ныв,  
Тэ — мулөн пи.

Став тэнад тöждьясöдз  
Зэв ылын,  
Кöть аддза, кыдзи вежсьö му.  
Удж шыяс лун и вой кöть кыла,  
Мем мусьыс дона  
Кöдзид ю.

Тэн ва оз сет,  
Мед сьölöм сотчис

Да олөм дженьыд лои мед.  
Тэ ассьыд нэмтө видзан сэтчө,  
Час кытчө ассьым ме ог сет.

Ог көсйы көдзыдлунсө венны  
И, сэк жө, крепыд сылөн власть.  
Эн дивит, морт,  
Ме эска тэныд.  
А өні войкөд муна тась.

Ныв мыччис чуньяссө  
И суніс.  
Мый вөчны водзө —  
Ме эг төд,  
Но войыс исковтис  
И вуні  
Лөнь Сыктив дорын мича вөт.

\* \* \*

Коді ошкө, коді кулитө:  
Он куж шуны сылы кыв.  
Мунө, мунө сиктса уличөд  
Кизя сапожкия ныв.

Векныд борйөд быттьө восьлалө,  
Абу ичөт, абу кузь.  
Быдөн өшиньсө сэк восьталө:  
Унмыс локтө көть, оз узь.

Өмидз рөма нывлөн вом дорыс,  
Юрси — тэрыб тувсов ёль.  
Мунас матіник көть код дорөд,  
Некод веськодьөн оз коль.

Сиктын коньөр зонъяс косьмөны,  
Весиг дедсө кутө баб.

Том йӧз сьӧлӧмнысӧ восьтӧны,  
Сӧмын весьшӧрӧ тай — тшап.

Мича нылӧй, кӧн тэ чужлӧмыд?  
Висьтав мем, а то ог мун.  
Ас ног вочавидзны кужас и:  
Чужанӧй — Коми му.

Кӧть мед кутшӧм паськӧм пасьталас,  
Кӧть мед кутшӧм асьнас бур,  
Ноко, зонъяс, Коми пасьтала  
Сылы пара оз мӧй сюр?

\* \* \*

Видз вылын  
Лысьтӧ мӧсьясӧс  
Лӧсьыдик еджыд ань,  
И сэтшӧм нин сӧйӧ  
Мичаник,  
И сэтшӧм нин сӧйӧ  
Шань.

Асья кыа кодь чужӧмыс.  
Вом доръяс ...  
Ог нин шу.  
Мойдын моз  
Быттьӧ чужӧма  
Кодлыкӧ сетны шуд.

Сӧмын мем сӧр нин  
Тӧдмасьны,  
Сьӧлӧм кӧть  
Инас оз тӧр —  
Кытчӧкӧ пыр ме

Тэрмаси  
И эг вевъяв  
Локны бөр.

\* \* \*

Сыктыв бокин лежнөг дзоридз —  
Сыысь мичаыс оз төр.  
Орччөн пукалим ми сёрөдз,  
Огö лысьтöй мунны бөр.

Тагйысь кокни менам юрöй,  
Да и ачyd вильышпоз.  
Ставсö висьталам кө — сюрас,  
Кужам соссьыны кө — оз.

Ылын быгльасьöны гыяс,  
Берег пöлөн — шы ни төв.  
Сёрмим ... көть и рытья кыа  
Кустöдз мигнитлис сё пөв.

\* \* \*

Бара гылалöны коръяс,  
Бара воö көдзыд төв,  
Эг ме радейт тэнö торъя,  
Тэныд мусаөн эг вөв.

Аддзысям, и дивö босьтö:  
Мыйла бара лои тадз,  
Мыйла бара мян воськов  
Лои колльöдчигөн надз?

Нинөм ыджыдсө эг вөзйы,  
Меным нинөм жө эн шу,  
Гашкө, та вөсна эз öзйы  
Миян сьөлөмьясын шуд.

Вөлі гожөм кыдзи гожөм,  
Ог төд, мый вөсна и жаль ...  
Со нин бөрья корсө воштө  
Öшинь улын кыдз пу чаль.

## ШУД

... А ставыс вөлі прөстө зэв:  
Му вылө сьакнитыштіс зэр,  
И сэки төдтөм нывка кинас  
Зонт улө корис сувтны дінас.

\* \* \*

Сыктыв ю дорті ме муна,  
Паныд локтө мича ныв.  
Сэні, веськыда кө шуны,  
Сьөлөм төкөтьө эз сыв.

Ок и мича, ок и статья...  
Висьтав мамыдлы поклон,  
Шу, мый вөзйө асьсө зятьөн  
Сыктывкарысь коми зон.

Нывлөн гажа серам кылө,  
Меным вочавидзө: «Бур.  
Кымөр кыпөдчө со ылын,  
Первой турунсө вай курт».

Рытлань артмис ыджыд зорөд.  
Сэсся кыкөн колим ми.  
Ок и лөсьыд Сыктыв дорын  
Кутны нывлысь шоныд ки.

## ТӨДСА КЕРКА ДОРЫН

Ме өні матыстчыны пола,  
Но сьөлөм весьшөрө оз эльт,  
Мый август рытө татчө волі  
И вөлі август, кыз апрель.

Кокувса ёль моз муні варов.  
Ми гөгөр сөстөм ывла выв.  
И вөлі дивитана пара:  
Шөр арлыда и том на ныв.

Мед мирыс синма, пеля, кока,  
Мед медся йөзаиныс тан,  
Ми эгө видзөдлывлөй бокө  
И вөлім сөмын воча бан.

Көн тайө рытыс, көні нылыс?  
Оз овлы кузьөн мича мойд.  
И сөмын видзөдө ме вылө  
Рам төлысь — менам муса чой.

\* \* \*

Талун ывлаыс гожся кодь шоныд,  
Тэнад сад йөрын сөстөм и кос,  
Кызд важ төдсалы, ог удит воны,  
Пелысь мыччө нин алөйгөрд роз.

Шойта кокныдик думъяса юрөн,  
Петан воча мем — авъя и том.  
Шуа: пелысьыд мича, но курыд,  
А мем окота чөскөдны вом.

Тэа-меа весьтын лөзалө енэж,  
Бокө котөртө кок улын вуж.  
Сэтшөм ёна ме радейта тэнө,  
Мый и висътавны весиг ог куж.

Ог ме төд ньоти, мый лоө аски,  
И йөз шуөмысь ньоти ог пов.  
Тэнө сад йөрсыйд нуода аскөд,  
Менам зарнийй,  
Менам любов.

\* \* \*

Козьналин мем видзөдлас —  
Радейтчөмын гуся пас.

Аслам сьөлөмөн мый кылі,  
Некор йөз пельө оз пет.  
Мый тэ көсийн шуны, нылөй,  
Дзик жө сійөс шуа тэд.

Козьналин мем видзөдлас —  
Радейтчөмын гуся пас.

Явө петны он зэв тэрмась —  
Кывтө пыдынджык пө кут.  
Век на полыштан, мый вермас  
Кодкө торкны мильсь шуд.

Козьналин мем видзөдлас —  
Радейтчөмын гуся пас.

Видзяс вылын быд во чужо  
Көні дзоридз, көні йөн.  
Талун лоам воча чужом,  
Асьным тодам, кор да көн.

Козьналін мем видзөдлас —  
Радейтчөмын гуся пас.

\* \* \*

Ме өд век на тэон вися,  
Югид синма еретнича.  
Дзєбны майшасьом ог мөд:  
Мый мем вөчны? —  
Збыль ог төд.  
Важөн ас туй вылысь  
Кежи,  
Олом лои —  
Төлк ни вежос.  
Гажтом тэтөг вольной свет,  
А тэ надея он сет.  
Да өд мыйсө нин эг шулы —  
Вешьян гөгөрвотом улө.  
Сөрни орөдан — и пом,  
Сөмын муртса нюмдас вом.  
Сө аминьой — смилитөмыд,  
Пидзос вылө сувт дай сөмын.  
Да-а...  
Ок и трасичаөй сьөлөм,  
Ёна жө тэ ышмысь вөлөм.

Выльгорт сайын джуджыд чой  
Казьтылө мем мича мойд.

Паськыд видз, оз тыдав некод,  
Бурджык места аддзан кысь?  
Воим гожъявны ми тэкөд,  
А тэ пөрчысьны он лысьт.

Шонді ворсіс енэж шөрын,  
Вежөн ыпьяліс июнь.  
Сэсса смелмөдчин жө бөрын,  
Сөмын синъястө пө кунь.

Дінад ёна жө нин лөсьыд,  
Өзйис морөс пытшкын би.  
Тэнө окышті ме пөся,  
Чөла босьті киө ки.

Миян гөгөр видз выв дзоридз  
Сявкмунома пом ни дор.  
Топөдчышті чужөм дорад,  
Медым шондыс эз ёр.

Шуда здук, а кор мый лоö —  
Юрын весьшөрө ог тэч.  
Нимкодьлуныс лолам воö,  
Сы вөсна мый орчөн тэ.

Ок и луныс лэбө чожа,  
Коли — быттьө эз и вөв.  
Өдйө исковтыштіс гожөм,  
Воис эзысь дзирдөн төв.

Майбыранөй, олан ладөй,  
Сөрөн восььө тэнад дон.  
Майбыранөй, гажа кадөй,  
Коркө бергөдчылан он?..

Выльгорт сайын джуджыд чой  
Казытылө мем мича мойд.

\* \* \*

Мелі видзөдласа, шань,  
Ас йөз костын збой да варов,  
Кор нө аддзысям ми бара,  
Кулөмдинса мича ань?

Сьөлөм сетан али он?  
Юалөмөй вылө воча  
Шыась комион көть рочөн,  
Но — чөв олө телефон.

Регыд воссяс Эжва ю,  
Воас дзоридзьясөн гождөм,  
Кыз нө позьө, медым вошин,  
Тэкөд шудөс мед эг юк.

Оз пет юрысь лөсьыд нюм,  
Эзысь гөлөс, лөзов синьяс,  
Век на сьөлөмөй оз инась,  
Век на өзтө югыд дум.

\* \* \*

Но и сьөлөмөс тэ косьтін —  
Кыла сөмын: ог да ог ...  
Мый нин вөлі, ставсө восьті,  
Асланьөді уна ног.

Медся мича кывьяс корси,  
Кыйөдлі быд видзөдлас ...

Али первойсяньыс сорси,  
Вильыш нюма эжватас?

Ворсан, кадсö коллиг, либö  
Морт туйö он пукты войт.  
Он со öтдорт ни он сибöд —  
Босът да сэссия гөгөрво.

Гуся думъяс костад эськö  
Сюрны здук кежлö кöть мем,  
Чайта: абу ставыс веськодь,  
Мыйкö ме дорыс да эм.

Но и кадыс тюрö-мунö,  
Чут кодь надея оз сод.  
Кодкö лунö ковмас шуны:  
Ен тэкöдыд сэссия...  
Вот!

\* \* \*

Кыдзи гажыд, сідз и ов,  
Меным сэссия тэ он ков.

Во чöж бергалі тэ гөгөр —  
Прöста вошті ассьым кад,  
Öзйи, быттьö биа öгыр,  
Кватитчи да — тöлк ни лад.

Ставсö заводит кöть выльысь,  
Быттьö нинöм эз и вöв.  
Тэныд, нылö, гашкö, збыльысь  
Ме коддьöмыс абу пöв.

Сідз кö, ылавсьöма вөлöм,  
Мöдысь татшöмыд оз ло,

Өні — гожөмын көть төлын —  
Весиг кок пөлөн ог лок.

Кыдзи гажыд, сідз и ов,  
Меным сэсся тэ он ков.

Сөмын шуи тадзи нывлы,  
Мелань видзөдліс, и друг  
Сюри сылөн небыд сывйө —  
Вөлись воис шуда здук.

## ТУВСОВЪЯ

Мича синкымъяса ань,  
Менө юкталін тэ чайөн  
Йөз керкаын, лавка сайын,  
Көні вузалөны нянь.

Ковтөм юасьөм эз вөв.  
Стенын — төдтөм йөзлөн фото.  
Чайыс вом доръясөс сотө,  
Керка пытшкын — шы ни төв.

Аттө, чуймөдана здук,  
Гөгөр тырмө шумыс-зыкыс,  
А ми Му шар вылас кыкөн,  
Некод чөвлунсө оз дзуг.

Ютөг коли юмов чай,  
Матысмисны вом доръясным...  
Көнкө ылын шойччис асыв,  
А тан ыджыдаліс май.

## ЗЭРА ЛУНӨ...

Эм сөмын тэ,  
Эм сөмын ме,  
И өшинь сайын зэра луныс.  
Мый татшөм здукас тэныд шуны,  
Став радейтөмөй йиджис мед?

Кор синъяс матынөсь нин зэв,  
Кор лов шы тэнад сотө менө,  
И мирыс орө керка стенон,  
А енэж йирыс — керка вевт.

Кор збыльон лоны позьтөм мойд  
Друг лөня пуксьө небыд киө.  
И мый ме аслым нөшта сиа,  
Кор кутө тэнө менам сой?

Тэ менам... Шуны тадз ог пов,  
Кык сьөлөм тіпкөны, кызд өти.  
Ог талун яндысь тэысь ньөти,  
Өд тан ми тэкөд — өти лов.

\* \* \*

Радейтчөмным миян абу гора,  
Лөня жө и матыссаөсь лоим:  
Гожся лунө Сыктыв дінө кори,  
Көсйысин и сёрмыштөмөн воин.

Восьлалімөй берег пөлөн чөла,  
Миян пыдди варовитіс вөр-ва,  
Гашкө, сэки чуйдөдіс лун төлыс —  
Окышті жө юасьөмөн бөрвыв.

Окышті и кутлі тэнө пөся,  
Өддортчылін мода вылас сөмын,

Морös бердад аттö кутшöм лöсьыд,  
Небыд вом доръясыд öмидз рöма.

Ловнам öзйи, ышмана и кыпыд...  
Вояс чöжөн мый сэссия эз сулы,  
Некор асьтö вылöджык эн кыпöд,  
Кöть и аддзин — тэ доныс ог сулав.

Овны тэ ног колö на и кужны:  
Бурö пуктін, кутшöм кöть эг лолы.  
Меным паныд лэчыд кыв эз чужлы,  
Лыддин: тадз кö, — гашкö, тадз и колö.

Лунъяс — найö югыдöсь и рудöсь,  
Наысь артмö мян олан нэмным.  
Шулывлан, мый радейтан и шуда...  
А ме чайта: аслам шудыс эм на.

## ЭКСПРОМТÖН

Эськö аддзылід кö тi:  
Абу ыджыд, абу ичöt,  
Ылысь тыдалана, мича —  
Олөм саридз шöрын дi.

Кодыр туйвизь вошта скöнь,  
Кыптылас кор олөм гыыс,  
Менö дорйö тайö дыыс —  
Сэни шондiа и лöнь.

Вояс исковтöны — мед,  
Öтнам кежавла ме татчö.  
Дiсö (картаысь он аддзы)  
Сьölөм шöрын видза ме.

\* \* \*

Лөня восьлаламөй кыкөн,  
Кута тэнсьыд шоныд сой,  
Телевышка юрнас пыкө  
Енэжыслысь пемыд ной.

Югыд синъяса автобус  
Водзын восьтө ассъыс сыв,  
Өшинь саяс быттьө бобув  
Мамыс ордын акань-ныв.

Дивитөмысь огө полөй,  
Көть и абу төлк ни лад:  
Кытчө мунам — огө волөй,  
Лотам другысь чуктөм кад.

Аски бара нокыс тырмас:  
Мырсьөм-пессьөм, зык да шум...  
Сөмын юрам гартчас дыр на,  
Мый тэд сідзи эг и шу.

\* \* \*

Талун бара асывсянныс зэрө.  
Татшөм индөд вывсянь —  
Он өд ёрччы.  
Төдан...  
Ме ог кötась,  
Ме зэв тэрыб —  
Звөнит,  
Кор,  
И регыд лоам орччөн.

Восьтам паськыд уличланьыс өшинь.  
Ыркмунөмөн пырас чөскыд сынөд.

Но, а зэрыс киссьö быттö кöшысь,  
Гымыс шковгö чуймöдана вынөн.

Сералö и нимкодясьö ывла,  
Сэтшöма нин зэрыс, вөлөм, колö...  
Талун унатор тэ месянь кылан —  
Татшөм здуко дзикöдз восьö лолыд.

\* \* \*

Он нин звönит  
И он нин пырав,  
Важ моз ас дорад  
Он нин кор,  
Сидзкö, радейтчöм косьмис-быри,  
Кыдзи гожöмын косьмö шор.  
А öд вуджлим и тувсов ытва.  
Вöли кватитчан да он тöд:  
Кöни асылыс,  
Кöни рытыс,  
Кöни вемöс,  
А кöни вöt.

Сöмын тэрыба йöктö сьölөм,  
Сöмын вашкан: «Мый лоан — ло...»  
Тайö збыль-ö, мый коркö вöли?  
Вöли, коли и бөр оз ло?

Радейтчöмнымлы горза, öвта:  
Эн на кадыскöд ылöдз кывт!  
Но тэ меланьö син он чöвтлы,  
Сидзкö, сьölөмыд оз нин кыв.

\* \* \*

Куим во сайын югдін кыськө.  
Коді меным тэ, вильыш ань?  
Мыйла тэ дорө век на кыскө,  
Аслым доля коть: тырмас, шань!..

Көсья вунөдны, юрысь вөтла.  
Тэтөг вөлі мем сэтшөм бур...  
Өні — мый коть и рытбыд өтнам,  
Вильджык рифма со эз и сюр.

Дзорга өшинь пыр енэжтаслань.  
Лои олөмыс дуб ни дэб.  
Ставсө сайөдін меысь аснад,  
Лун-вой син водзын сөмын тэ.

Ог и төд сэсся, мый и вөчны,  
Вешъя көдзөдча — эн и кор...  
Сөмын сьөлөмөй, төда стөча,  
Век на трасичаыд тэ дор.

\* \* \*

Гөрд автобус карө мунө,  
Регыд аддзысямөй ми.  
Өшинь сайын гожся луныс  
Восьтө ассьыс помтөм мич.

Медся мелі кывъяс корся,  
Юрын ышөдана дум.  
Төдтөм нывка мекөд орччөн  
Дзевө вом доръясас нюм.

Ме моз локтан шудөн олө,  
Сөмын төдө али оз —

Туяд кымын чукыль волö,  
Кымын керöс, кымын пос.

Шудлань туйыс абу шылбыд,  
Тайöс төдам тэ и ме...  
Ставсö заводитам выльысь,  
Дзик не янсöдчыны мед.

Бурсö, вöлі мый, эг вунöд,  
Лёксö юрö ог жö тэч.  
Гörd автобус карö мунö...  
Сöмын виччысян-ö тэ?

\* \* \*

Зэв дженьыд вöлі сёрни тайö,  
Тэ шуин, кыв көртавны мед:  
Ме регыд пета верöс сайö.  
Прöщай. И ставсьыс аттьö тэд.

Мый воча шуа, эн и виччысь  
Öд öнi нинöм нин он веж,  
И ыдждöдiн на нимөн-вичөн,  
Мед бокö кывлёмсьыс эг кеж.

Ог мыжав тэнö, тадз кө лои,  
Ми янсöдчимöй, мый көть шу...  
Но кыз нö, кыз нö таöдз воим,  
Мед кусi лолын югыд шуд.

А гашкö, сiйö эз и вöвлы,  
И весьшөрö дзик ышмис лов,  
Но сэтшöмөн, кызд кольöм төвнас,  
Ас нэм чöж некор нин ог ло.

Ме пытшкын ставыс оліс-сьыліс,  
И вöлі праздникөн быд лун.

Тэ менам — сьёлөмөн ме кылі,  
Но сьёлөм абу вөлөм тун.

Сы вылын сералө садь вежөр:  
Эн йөйтав — шудтө ваяс мөд,  
Ань думнас бурджык вылө вежис,  
Но бурыс кодарын — оз төд.

\* \* \*

Тэ меным кажитчылін, гожом —  
Лов өзтысь,  
Олөм вылө яр,  
Но, со тай, татшөмторйыс ло жө:  
Мем өні сьёлөм серти — ар.

Кор чөла гылалөны корьяс,  
И раммө өшинювса сад,  
Мем сэки тыдалана торья,  
Мый ола ассыым арся кад.

Став мирыс выль ног сэки вощьө,  
И ладмө сьёлөмөйкөд юр.  
Ог няргы ме, но ог и соссьы:  
Быд пөра мыйөнкө да бур.

Өд өні некытчө ог тэрмась,  
Быд вощьков водзө — буретш, стөч.  
Ме зіля бергөдны, мый верма,  
А мый ог вермы, ог и вөч.

Но «баба гожом» пуксяс арын,  
И лоө дзескыд олан чом,  
Сэк шонді улын аддза бара,  
Мый ловным век на  
Томсьыс-том.

\* \* \*

Миян костын вөлі мый — оз вун,  
Аслад бурөн кыпөдлін и шонтін,  
И ми эгө аддзысьлөй кө лун,  
Өта-мөдөс корсим телефон пыр.

Ёна лөсьыд тэкөд орччөн мем,  
И ме шулі гожөмын көть төлын:  
Бур, мый менам олөмын тэ эм...  
А со талун шуа: бур, мый вөлін.

Кыдзи ставыс дзугсис, ме ог төд,  
Висьталасны, тадзи пө оз овлы,—  
Быттьө аддза асья шуштөм вөт,  
Мыйысь лоө садьмөм бөрын повны.

Весиг мөвпөн тэнө ме ог дойд,  
Воша миян кадся шумө-зыкө.  
Помассис друг медся мича мойд,  
Код йылысь ми төдам сөмын кыкөн.

\* \* \*

Менө тэ дорө век на кыскө,  
Көть и коли нин миян кад,  
Луннас виччысьтөг аддза кыськө,  
Бара сьөлөмөй тіпкө — рад.

Бара сюрөны мелі кывъяс,  
Важ моз кывзыны тэнө рад,  
Весиг гусьөник ог кө сывъяв,  
Абу окота мунны тась.

Өта-мөднымөс полам дойдны,  
Быттьө нинөм на эз и ло,

А өд помассис мича мойдным,  
Сөмын помыс тай мыйкө лёк.

Вөвлім мусаён óta-мөдлы,  
Өні та йылысь шы ни төв...  
Кодыр усьлан тэ меным вөтө,  
Сэки окала уна пөв.

\* \* \*

Ме тэныд эска,  
Помтөг эска,  
Мый шуан, чайта, ставыс сідз,  
Дерт, эг кө радейт тэнө,  
Эськө  
Ас пытшкын эскөмлун эг видз.

Тэ шуан:  
Некор, уджөн тыри...  
Мөд лунө бара помка  
Выль.  
А менам тэысь гажөй быри,  
Но эска:  
Шуөма кө — збыль.

Ми тэкөд аддзысьламөй шоча,  
Но кодыр волас шуда лун,  
Тэ, шань да мича,  
Сувтан воча  
И мый мем вашкөдан,  
Оз вун.

Пось, мелі кывйөн менө пестан,  
Тадз кадысь кадө, кык во чөж.  
И ме пыр эска, эска, эска...  
Көть, гашкө,  
Ставыс тайө лөж.

\* \* \*

Самолёт,  
Самолёт,  
Выліті тэ лэбан.  
Кымөръясысь эшкыныс  
Коми муос дзебё.

Көні сикт,  
Көні ю —  
Нинөмтор оз тыдав,  
И, дерт, мыйкө ассъыныс  
Мөвпалёны быдён.

Мича ныв,  
Муса ныв  
Өні менам юрын.  
Гашкө, аддзысьламөй на  
Тэкөд лючки-бура.

Сөмын том  
Сьөлөмөй  
Жугыльлунөн тырө —  
Миян костын радейтчөм  
Ньөжйөникөн бырө.

\* \* \*

Тэ юөртін меным  
И босьтін билет,  
Россияын гожөмсө коллявны мед.  
Зэв дженьыдик аддзысьлөм  
Некор оз вун,  
Тэ мунін,  
И лыддя ме лун бөрся лун.  
Тэ олөмын менам  
И вемөс и вөт,

Думъясөс тэ йылысь некод оз төд.  
Ме шуда и шудтөм,  
Мем лөсьыд и лёк,  
Тэ көсьысин гижны,  
А письмө оз лок.

Руд зэръясөн матысмө  
Комиö ар,  
И майшасьём йылысь  
Оз төд Сыктывкар.  
Тэ воан,  
Но мый лоö водзö — ог төд,  
Ме важкодъыс век на...  
И неуна мөд.

\* \* \*

Квайтөд судта.  
Дзескыд жыр...  
— Тэтөг, мусаöй, оз овсьы...  
— Сидзкө, видза олан, пыр.  
Эг на идрась, да эн повзъы.

Гөгөр сөстөм,  
Гөгөр пельк...  
Коми муын шоч көзяйка  
Асьсө тадзикөн оз эльт,  
Гөстьос бурö пуктиг, чайта.

Вьльторъясөн юксям ми.  
Сюся кывза,  
Мый тэ шуан.  
Менам кийн тэнад ки.  
Пызан вылын сёян-юан.  
Сэсся восьта ассъым лов —  
Мый ме гижы бөръя каднас.

Ыджыд слава мем оз ков,  
Тэ кө ошкыштан, и ладнө.

Матыссаоь мем и тэд  
И культура, и искусство,  
Но не сы выйөдз жө, мед  
Мывкыд сёрниясысь кусны.

Менө гөгөрвоан пыр,  
Сувтан — мича, лөсьыд статя...  
Квайтөд судта,  
Дзескыд жыр,  
Вөвлөм ыджыд шудсьыс  
Атьё!

\* \* \*

Век на ми тэкөд эскам  
Аскиа югыд лунө.  
Кыв шутөг, бур тайө эськө,  
Сөмын тай кадыс со мунө.

Аддзысьлам вежоннас өтчыд,  
Сёрнитам, мый оз и лөсяв,  
Но синъяс сертиыд төдчө:  
Орччөн кө — тайө нин лөсьыд.

Өтнаным — киасьлам гусьөн,  
Йөз водзын — төдтөмөсь бытьё.  
Ме вөсна медым не усьны,  
Сёрниын он пукты пыдди.

А олөмным куима вөлөн  
Сувтлытөг гөнитө-мунө...  
И код төдас: гашкө нин, вөлі  
Кольёмас медшуда лунным.

## ЭЛЕГИЯ

Ме тэкөд вензыны ог кут:  
Мый шуин — медым кольö сідзи,  
Зэв дыр ме сьөлөм пытшкын видзи  
И тэкөд йитлі ассьым шуд.

Мый вөлі збыль вылас — эг төд,  
А төдтөг — ылавсьөма вөлөм,  
Өд кодыр нюмъялін мем чөла,  
Эг ме вөв тэ водзын, а мөд.

Но весиг аттьө шуа тэд,  
Мый шуда вөвлі мөдыс пыдди.  
Ог, тэнө мыжаөн ог лыдды,  
Тэ сөмын шуда вөлін мед.

\* \* \*

Вежөгты, эн вежөгты —  
Лоас сідз, кыз лоас.  
Ок, и виддзыс вежөдіс  
Сійө шуда воас.

Кыкнаннымөс сайөдіс —  
Кыйөд да он аддзы.  
Медводдзаысь вайөді  
Тэнө, томөс, татчө.

Любуйтчөмөн видзөді,  
Аддзысим көть сөрөн —  
Тэ өд паськыд видз шөрас  
Медся мича дзоридз.

Лэбач чукөр сьылөмөн  
Гажөдісны сэні.  
Гөгөрвои сьөлөмөн:  
Мича да не менам.

Вежөгты, эн вежөгты —  
Лоас сідз, кыздз лоас...  
Мөд зон вылө вежин тэ  
Менө сійө воас.

\* \* \*

Чуймөдө лөк ногөн воис,  
Бытьёкө лөсявтөм вөт,  
Сыланкыв помланьё воис  
И мый лоө водзө — ог төд.

Мичаөй, мусаөй менам!..  
Ыдждөдла быдсяма ног,  
Тэкөд быд сьёкыдсө венлі,  
Шудаөн вөвлывлі, но...

Мый көть и ыпьялө гожөм,  
Сьөлөмад поздысис пуж.  
Радейтчөм ми костын вошис,  
А сыланкыв сытөг — оз чуж.

\* \* \*

Тэкөд аддзысьлі зэв важөн,  
Весиг вунөді нин кор,  
Збойлун ради воа гажа,  
Но эн лөгась ни эн ёр.

Ме өд недыр кежлө сөмын,  
Ме өд гөгөрвоа, мый  
Пышйөма кө радейтчөмным,  
Сійөс нинөмөн он кый.

Важсö казътывны ог кутöй,  
Кадыс вочавидзас мед:  
Ёна-ö тэ меысь шуда  
Лиbö шуда тэысь ме.

Кыкнаннымлы олöм төв ныр  
Оз сет гажтöмавны дыр,  
Но мый лоас, да мый вöвлі,  
Кутам öткодявны пыр.

\* \* \*

Ме тэнö радейта,  
Тэ — он,  
Но югыд надеяөн ола,  
Кöть наян синъяса мөд зон  
Зэв частö тэ ордö пö волö.

Оз сійö ме моз тэысь пов  
И мыйкö ыджыдтор оз вöзйы,  
Оз тэрмась сетны ассьыс ов,  
А кадсö коллялö, кыздз кöсийö.

Ог дöзмөд тэнö ни ог ёр,  
И нинöм сүйсьыны мем сэтчö —  
Эм войтыр, кодъяслы кöть кор  
Дзик ставыс кокнипырысь сетчö.

Мый оз ков, юрад эн и тэч,  
Мед бура исковтö лун-войыс...  
Но коркö кватитчан и тэ  
И, гашкö, кывлан сьөлöм дойöс.





## ЛЫМЪЯ САРИДЗ

Малыт утун  
Салат койбай  
Обычыга сарыкел, бат  
— Мэрэ, мэрэ...

Величавый и прекрасный  
Лесной мирок наш  
Величавый и прекрасный  
Лесной мирок наш

Величавый и прекрасный  
Лесной мирок наш



Величавый и прекрасный  
Лесной мирок наш

Величавый и прекрасный  
Лесной мирок наш

Величавый и прекрасный  
Лесной мирок наш





\* \* \*

Югид коръяса ичөт кызд вылө,  
Кодос некод на  
Пыдди эз пуктыв,  
То ли шойчыны,  
То ли прөстө сідз,  
Сырчик первойысь —  
Шпорк —  
И пуксис.

Кызд пу дрөгнитис ставнас  
Радысла,  
Кызд пу веськөдіс  
Юрсө ассъыс...  
Сөвмиг-быдмигад  
Көсйө быдөн дзик,  
Медым бур синмөн  
Кодкө аддзис.

\* \* \*

Лөсьыд ягын,  
Сөмын номйыс —  
Збыльысь веськыд мат.  
— Медъя, медъя...

Сідзкө, арыс озыр, —  
Шуө баб.

Лысва  
Паськөм пырыс йиджө,  
Зіля вотам пув.  
Коскыд юкалө,  
А сувтан —  
Зэрас лыска ув.

Шонді мыччысьлө и вошлө,  
Шувгө яла яг.  
Майбыр, дивъя талун тани —  
Радлө зверь и гаг.

Визяорда нюрлань пышйө,  
Вирдыштө гөрд ур.  
Найөс миян дзоля Катшыс  
Төкөтьө оз пур.

Сөмын лэбысь туриясөс  
Яла яг оз кут.  
Оз көсийыны ме моз корсьны  
Места вылын шуд.

Лөсьыд ягын,  
Ло тэ рамөн  
Либө лэптав ныр,  
Пыдди пуктана тан сійө,  
Кодлөн дозйыс тыр.

## БАТЬӨЛЫ

Тэ пөрысьмин,  
Тэ ёнакодь нин пөрысьмин,  
И чужөмыд со чуқыръясөн тыр.

Кор чужан сиктö вола  
Ылі карысь ме,  
Тэ  
Керка дорсянь  
Локтан воча пыр.

А сэсся пуксям  
Ыджыд пызан сайö ми,  
Код гөгөр кор  
Пукавлім чой-вок...

А мамö,  
Мамö нюмъялігтыр вайö нин  
Медчöскыд сёян:  
Яя шыд да рок.

Ми сёям-юам,  
Кольöм кадсö казътылам.  
Тадз — кытчöдз вой  
Оз топöд ассъыс сыв...  
А сиктысь мунан луно  
Бара казяла,  
Мый шутөг коли  
Сымда мелі кыв.

\* \* \*

Лымъя саридз,  
Еджыд саридз,  
Помтöм, көдзыд зэв да скөр.  
Лымъя саридз,  
Кор нö бара  
Эжва бокö воа бөр.

Сэні сыланкывъяс кузьöсь,  
Парма мойдкывъясөн тыр,  
Енэж шöрын төлысь узьö,  
Кымөр сайöd кывтігтыр.

Ичөт керка югзьö рама,  
Тövсьыс дзевсьыны оз куж...  
Отнас думыштчöма мамö,  
Пöрысь кинас корсьö удж.

\* \* \*

Машина мыськö Сыктив ваөн уличьяс,  
Быд паныдасьысь мортлы ме зэв рад.  
Ті аддзад, кызди восьлалö да куритчö  
И гөгөр дзоргö нюмъялысь салдат.

Сюрс öшиньясөн видзөдöны керкаяс,  
Мем долыд сьөлөм вылын, мед көть ар.  
А төдтөм нывка гусьөн перйис зеркалö,  
И нюммунис тшөтш ськөд менам кар.

## ПÖРЫСЬ ВÖВ

Рытя карын  
Ывла вылыс пемдö нин,  
И «Волгаяскöд» вензьö чизыр төв.  
Ме водзын кодкö индö,  
Ёна шензьөмөн,  
Кызд улич кузя ньöжйö муно вöv.

И тырмö эськö уличылсөн пасьтаыс,  
Но сйö, пöрысь,  
Жмитчис боклань пыр,  
Кызд быттьö яндысис...  
А меным вöлыс казьтыліс,  
Мый сы мыш вылын коли  
Челядьдыр.

## МАМӨЛЫ

Тэ коркө рөмпөштантор  
Босьтлін киад  
Да шога нюммуныштін:  
«Воястө он вен».  
Дзик нинөм сэки эг шу,  
Тэнад пиыд,  
Көть чукырьяссьыд  
Мыжа тшөтш и ме.

\* \* \*

Ас сиктын быттьө югдө нимөй,  
И сылөн кусөмысь ме пола,  
Өд карын шуоны кө Тимин,  
То сиктын — Игө Васьө Володь.

Тан пыдди пуктанаыс — рөдөй,  
Сы бөрын казтылөны батьөс,  
На серти быдөн менө төдө —  
И таысь рөдвужөйлы аттьө.

Зэв ыджыд аттьө, мый ме ола,  
Мый рөдөн ошйысьны на позьө,  
Но частө дум вылө мем волө,  
Мый нимнам уджйөза на водзын.

## МЕДВОДДЗА ЫТШКӨМ

Кор збоя босьті киө коса  
И эг лысьт шуны, мый ог куж,  
Кызд мукөд, видлі чуньөн: ёсь-ө,  
И... нывьяс петкөдлісны пуж.

Мый лои сэк, ог вунöd кувтöдз,  
И оз жö ло мед сэссия нэм,  
Но сэк жö орччөн нывка сувтис  
Да муртса нюммуныштис мем.

— Эн шогсы, — шуис, — колö тадзи,  
Час-мöd — и суам йöзсö ми...  
Кызд колö ытшкыны, ме аддзи,  
А регыд кужны кутис ки.

И сэтшöм нимкодъ лои меным,  
Мый тан ме абу лишнöй морт,  
Мый ассыым кужтöмлунöс венi,  
Мый мекöд орччөн татшöм ёрт.

Жар шондi улын лунтыр ытшким,  
Вын оз ков корсьны, морт кö том.  
Ныв сетис чышьян: «Пöсьтö чышкы.  
Со шондi пуксьö. Уджлы пом».

Ме рытлы рад, и свежöй йöвлы,  
И кыпыд гажлы, кор нин пöt.  
Код танi ньötчыдысь эз вöвлы,  
Кöть мый, а унатор оз тöd.

Кор бипур гөгөр лои пемыд,  
Кор унмовсисны мудзöм йöз,  
Лöз синъяс казътивсисны меным  
Да енэж, синъяс кодъ жö лöз.

## СЫКТЫВ ДОРЫН

Шондi лэччö Сыктыв сайö,  
Шочмö локтысь-мунысь.  
Бара асшөр мудзлун вайис  
Меным гожся луныс.

Сөмын таысь абу дзугыль —  
Лэччи Сыктыв дорө,  
Джуджыд вао чөвтөм вугыр  
Чептөн бытьё дорө.

Долыдлунсө сьөлөм кылө —  
Табйой йөктө-эльтчө.  
Со нин куйлө берег вылын  
Ёкыш, сын дай кельчи.

Овлө, табйыд дөб-дөб керас,  
Кыскан ыджыд вынөн...  
Сё мокастьө, бөрд көть серав,  
Черыд кө мынө.

Ваас сюль-сяльмунө сөмын,  
Ыдждысь кругъяс коляс.  
Сыктыв пөлөн — рытья рөмыд,  
Эзысь лысва моляс.

Кокъяс динө уси стөча  
Паськыд щөтя чери...  
Йөршыд ведра юква вөчас —  
Артель вылө керам.

Ыркыд төвру мунны ликтө,  
Ваыс лои гыа.  
Менө колльөдіс на сиктөдз  
Рытья кусан кыа.

## ПЕТРӨВАН

Видза олан, Петрөван,  
Чөскыд юкватор пуан!  
Сейысьясыд лооны,  
Аддзан — гөстьяс вооны.

Петыр, кылө, броткыштіс:  
Васө, инө, содтышта.

\* \* \*

Көдзыд серти төдам  
Шоныд,  
Тшыглун серти төдам  
Пөт.  
Радлун сэтшөм морт  
Оз аддзыв,  
Коді сьөкыдлун  
Эз төд.

\* \* \*

Ар менө чужан сиктын суис,  
И лои вөр-ва гөрд и виж.  
Мем мамө мыйлакө друг шуис:  
«Со мичыс гөгөр — босьт да гиж».

Вой төв шы улө дзорга вывлань,  
Сэн енэж помсянь помөдз руд.  
А сідзкө, бара зэрмас ывла  
Да чужтас войбыд кежлө ру.

И бытьё аслыс содтіс мамө:  
«Мед мичсө сьөлөм восьтас тэд»...  
Мам олас серти вөлі рамөн,  
А сьөлөм сертиыс — поэт.

\* \* \*

Эзысь кодзувъяс енэж шöрын  
Со нин мыччысьöны.  
Джуджыд чом сайын тэрыб көръяс  
Чöла виччысьöны.

Шоныд маличаö, паськыд маличаö  
Регыд сунам,  
Сöмын чашка-мöд крепыд чайтöгыд  
Кутшöм мунöм?!

Сей көть асылöдз, чай кө он видлы,  
Он и пöтлы.  
Сэсса куритчан вöзъям шмонитиг  
Öта-мöдлы.

— Помöдз сёрнитам,— кодкö шуö нин,—  
Локтöм бöрын...  
Мада көръясöй, ноко войöдöй  
Тундра шөрöдз!

Со и туйынöсь. Тöлыс чуймöдö:  
Ворсö, сьылö.  
Тэ кө чом пытшкас, некор туй вылысь  
Ог ме ылав.

## **ПЕЧОРА ВЫЛЫН ВУГРАСЬÖМ**

Лунтыр войвывса шондйыс пöжис,  
Сэки гöстити ме Щельябöжын,  
Коди Печора ю бокас дзик.  
Рытнас ёрт менам Филиппов Юрий —  
Сийöс öнöдз ме казтыла бурөн —  
Шуö: «Ю вывсынь видзöдлам сикт.

Öти сайын и вуграсьны ветлам,  
Ассьым шатинös, кösсьян кö, сетла,  
Войнас, радио висьталö, зэр,  
А öд зэр водзад чериыд сёйö...»  
Пыжлань восьлалам вадорса сёйöд,  
Сьöрысь — шатиньяс, ведра да чер.

Вына мотора пыжö ми сöлим —  
Юсянь берегыс гажа и вöлöм,  
Сиктыс вывтассянь тайкö оз лэб.  
Сэсся пыж сайын сявкнитис эзысь,  
Ва бус чужöмö туй чöжыс резис,  
Воим... Ми гөгөр тыр ном да геб.

Киön шлочöдчам, юр гөгөр öвтам,  
Сама вугырьяс ылöджык чövтам,  
Вуні тöждлуньяс козьналысь мир...  
Тövзьö гы вывті рыбоохрана,  
Дзоргам сы вылö кукьяс моз рама,  
Но охраналы веськодьöсь ми.

Он кöть вугырнад черитö бырöд,  
Миян ведраным — дивö тай — тырö,  
Эськö тэ дорын тадз, Сыктыв ю!  
Ышмö-гыалö морöсын радлун,  
Но друг енэжсö кресталис чардби,  
Сэсся сыркмунлі кок улын му.

Пемдöм енэжыс дорала письтис,  
Сувтса зэр быттьö ведраысь кисьтö,  
А öд здук сайын вöлі на кос.  
Кызкö-мыйкö ми öдва и воим,  
Ужын гöтырыс котыртис войын,  
Ачыс вильшасьö, вайид пö ёс.

Сэсся шойччыны разалим-мунім,  
Шуны аттьö кыв ёртлы эг вунöд...  
Бöрын öтнамön думыштчи ме:  
Гырысь гыяса, быттьökö море,  
Мед жö сöстөмön кольö Печора  
И век войвывлань визувтö мед.

## АСЪЯ КОТРАЛӨМ

Мыччысис кыа —  
Бледіник чут.  
Өшиньын гыөр,  
Ывлаыс руд.

Синъясөс тіля,  
Унзіль оз быр,  
Пасьтася зіля  
Шенасигтыр.

Быд асыв петны  
Дышөй оз босът,  
Кепысьяс — зептысь:  
Көдзыдыс ёсь.

Керкаяс пөлөн  
Котрала дыр,  
Вельмыштөм төлыс  
Чеплялө ныр.

Медбөрря кодзув  
Кусө нин со,  
Окота водзө  
Метра көть сё.

Мед төлыс сотө  
Чужөмөс мем,  
Верманлун содө,  
Югдө юр вем.

Сы мында эбөс  
Казяла друг:  
Көсья кө — лэба,  
Немтор оз дзуг.

Веськодьөсь меным  
Яг-морт и чөрт,

Быдтор дась венны,  
Некод оз йорт...

Муса ёрт!  
Аски  
Котравны пет:  
Козьналас асыв  
Шудсö и тэд.

## ВЕЛÖДЛІСНЫ МАМ ДА ПÖЧ

Пыр велöдлісны мам да пöч,  
Мед любöй кадö бура тöді:  
— Быд удж тэ сьölöмсяньыд вöч,  
А эн вур кулöмалы кöті.

*Унаён лэбачьяс пиысь, кодъяс төв  
кежлө вооны шоныд саридз дорö, сэні  
оз сывны*

\* \* \*

Висьтав, мыйла, муса колип,  
Саридз дорын тэ он сыв?  
Кöдзыд Войвыв ылö коли,  
Гөгөр радлö ывла выв.

Ставыс сьылö, быдмö, олö,  
Ышмö гажаинас лов...  
Али яналöмысь полан?  
Али гөлöсыд эз ло?

Меным вочавидзё колип:  
Эз на гөлөсториёй быр.  
Муса Войвыв ылө коли,  
Сійөс казътыла ме пыр.

Тані метөг уна сьылысь,  
Мем жө колө парма вөр,  
Сэтчө, муртса лымйыс сылас,  
Воа сьылігтырйи бөр.

## ПЕЧОРА Ю ВЫЛЫН ОРДЙЫСЬӨМ

*Печораса речнөй училищевин  
Велөдчысьяслы*

Сэк Печора мем вөлі гортөн...  
Кадыс сёр көть, но морт оз вод —  
Өдйө матысмө төдса портлань  
Кыксё вөв вына пароход.

Водзын тыдалөны нин бияс...  
Улын уджалө — ок и яр! —  
Джуджыд доръяса зырийөн кияс  
Дас квайт арөса кочегар.

Коді сөмын на менө вежис,  
Коді ме кодъ жө практикант.  
Вахта бөрын көть бортлань кежи —  
Ыргысь топкасянь жар и тан.

Кыскө восьса иллюминатор,  
Биыс тані оз ёр, оз сот.  
Дзорга юлань и аддза: матын  
Төвзьө-суөдө теплоход.

Майбыр, водзсасьомысь оз повны,  
Со нин орччөнось, ныр на ныр...  
Вылын юрөбтіс: «Самый полный!»  
Меным тшөктісны босьтны зыр.

Из шом шыблалам биө кыкөн,  
Коймөд нюжөдіс зырлань ки...  
Ньөжйө,  
Катласиг,  
Шумөн-зыкөн  
Кутім водзланьө петны ми.

Енэжтас сайө дзевсис кыа,  
Лои борт сайын ваыс съөд.  
Теплоход другысь сунліс гыө,  
Содтіс төдчымөн ассьыс өд.

Тэрыб вөраса киным-кокным,  
Енэж джын пасьта пуркйө тшын,  
Сөмын лайкъялө судно боквыв —  
Помөдз зэвтөма сылысь вын.

Портсянь неылын водзө петіс  
Еджыд бокъяса теплоход.  
Капитанным команда сетіс:  
«Ти-хий ход!»

Со и ставыс.  
Ми петім карө.  
Вой төв өзтыштө чужөмбан...  
Пароходкөд тшөтш  
Сійө арын  
Юкөд прөщайтчис капитан.

**ПЕЧОРАСА  
РЕЧНОЎ УЧИЛИЩЕЫСЬ  
КУРСАНТЪЯСЛЫ**

Лёза-еджыда визьяс...  
И гашкё,  
Аддза ачымёс ті кодьён тан,  
Быттьё пасьталі  
Флотскёй тельняшка,  
Быттьё талун ме  
Бара курсант.

Кокни восьласён  
Уличёд муна,  
Сьёд бушлата  
И клёш менам сьёд.  
Зептёй тыртём,  
А кёсьёмыс уна.  
Ставыс водзын,  
А мый — ог на тёд.

Сэк нин корсюрё вильшасьліс  
Муза,  
И кын му вылын  
Некымын во  
Ёгысь весалім ми кукуруза,  
Коді сідзи и ньётчыд эз во.

Олан туйвизьным гыа,  
Но веськыд —  
Мёд ног ми костысь некод эз чайт.  
Гырысь могьясё сьёлёмсянь эским,  
Зілим пуктыны ассьыным пай.

Өні донъялам унатор виль ног,  
Разям важыскёд көрталысь гез.  
Мыйкё томдырся кёсьёмысь  
Збыльмис,  
Но а мыйсюрё, гашкё, и эз.

Отмоз йитчөма мукөд и вакөд,  
Повтөмлун йылысь көть и оз доль,  
Кодлөн тасмаас югьялө якөр,  
Йөрмөм ёртөс оз эновт, оз коль.

Кытчөдз ола,  
Ме казътивны кута  
Пароходъяслысь  
Гөлөс и би,  
Ассым медводдза рейс и каюта,  
И туй водзвылын  
Ёртъяслысь ки.

### МИЧА НЫВБАБА

«Мича нывбаба верөстөг —  
Бытьё потшөстөм йөр...»  
Гортас лэччөдан керөсті  
Старшина воö бөр.

Гөгөр — лыа выв пожөмъяс,  
Коркө котравліс кыт.  
Вөлі мудзтөдысь гожөмыс,  
Вөлі лысваа рыт.

Тадз жө руалис мусяньыс,  
И став зон пиысь тан  
Сылы мича ныв гусьёник  
Пөся вашнитіс: «Да».

Өзтіс чөскыда окасьём,  
Бытьё сөдз вина штоп.  
Сөмын мортыд тай, мокасьтыд,  
Лоö бур, либө лёк.

Чужис ошкысь и завидьтысь,  
Петіс шөйтны лёк кыв,

Но эз ло нывлы забеднө —  
Лои гөтырөн ныв.

Өні кодкө мед висьталас,  
Видлас съөдмөдны пель...  
Сэсся кык во чөж письмөяс  
Да съөд флотскöй шынель.

Лун и вой грымгис-стрөитис,  
Водзö сөвмис страна.  
Уна мореті прөйдитис  
Служба чөж старшина.

И прөст кадö эз өтчыдысь  
Кыскыв югыд конверт.  
Кык во чөж, колö төдчөдны,  
Сійö гажтөмтчис, дерт.

Ёртьяс, фотосö видзөдіг,  
Певнас вөчлісны: «Во! —  
Асъя шонді кодь мичаник,  
Лөсьыд гөгөрбок. Но...»

Кодкө черөн моз керыштіс  
(Өнөдз сы вылө скөр):  
«Мича нывбаба верөстөг —  
Бытьё потшөстөм йөр».

Көть и фотоысь эскөдіс  
Сьөлөм вөрзьөдан нюм,  
Век жө наяна дзескөдіс,  
Йирис лөсьыдтөм дум.

Мөвпьяс дугдісны бергавны —  
Воис аддзысян кад.  
Со и ас рөднөй керкаыс,  
Гөгөр том льөм пу сад.

Войся зэр бөрын гажаа  
Сельгө ошинь ув шор.  
(Пасйис: кильчө вевт важмөма —  
Буретш лосьодантор.)

Керка өдзөсыс дзурккерис,  
Здук — и важсьыс на шань,  
Бытьтё шонділөн югөрыс,  
Воча чепөсйис ань.

Чөла верөссө кутыштіс,  
Пуктіс морөсас юр.  
Старшина сөмын думыштіс:  
«Гортын ставыс на бур...»

Кыдзи олісны-вылісны,  
Сьөлөм восьтіс да ки,  
Кодыр өтлаын пырисны,  
Кодыр өзтісны би.

Сөмын нюммуніс гөтырыс:  
«Эг нин чышкысь лун вит —  
Нокся фермаын өтырыш...  
Эн, көзяинө, вид».

Ачыс вежсянтор кыскө нин,  
Сыысь сөстөм оз сюр —  
Гөтыр киясөн мыськөмыд  
Век тай лөсьыд да бур.

Самөвар пытшкысь жар кайө,  
Ужын руалө сэн.  
Гозья лэптісны чаркаяс:  
Мед бур шуд да кузь нэм.

Быд салдат аслас керөсті  
Тадз жө воис мед бөр.  
А мый «нывбаба верөстөг»...  
Медым некод оз сөр!

## ШУМСЬЫС ВОЛЫВЛАН ПИКӖ

Шумсьыс волывлан пикӖ  
Уна гӧлӧса карад,  
Сэки ас чужан сиктӧ  
Кыскӧ выль вынӧн бара.

Сувтлы, тэрыб автобус,—  
Сиктсянь неылын чечча,  
Верст кык-куимсӧ подӧн  
Тӧдса вӧр пырыс лэчча.

Козъяс шувгӧны кӧни,  
Аддза векныдик ордым.  
Чӧла мӧдӧдча... ӧни  
Лыддя ачымӧс гортын.

Быд пу вожъяссӧ мыччӧ,  
Ӧдва чуткасьӧ емнас.  
Кокни восьлавны, кытчӧдз  
Тэнӧ виччысьысь эм на.

Кодкӧ ышмысь да наян  
Эськӧ важӧн нин веніс,  
Эз кӧ отсав да сайӧд  
Ай-мам керкалӧн стенис.

Шумсьыс волывлан пикӖ  
Уна гӧлӧса карад,  
Сэки ас чужан сиктӧ  
Кыскӧ выль вынӧн бара.

## ТӨВСЯ РЫТӨ

Керка пытшкын шоньд,  
Керка пытшкын югыд,  
Вильыш мича каньпи  
Дждодж вольёссö дзугö.

Кöть и вельмöм Войпöль  
Лымсö сьвкйö-кöдзö,  
Бөрö-водзö ветлö  
Небыд шыа öдзöс.

Сусед кежас билань,  
Виччысин кöть эн тэ,  
Керка — весь оз шуны —  
Сиктад нельöд стентöм.

Сёрнитчан да восьтан  
Вемöстö и вöттö,  
Ас вöляысь сэсья  
Варовитан пöттöдз.

Пызан дорö гöстьöс  
Коран нимön-вичön  
Югыд самöварлань,  
Коді быттьö ичмонь.

И он юась — мыйла  
Татшöм лёкнас локтис...  
Вермас лоны — могön,  
Вермас лоны — мөгтөг.

## ПАРМАЫН

Тэнö, парма, чолöмавны рад ме —  
Гажтöмтчöмöс некыдзи ог вен.

Асывводзын либө рытъя кадö  
Рöдня ордö вола быттьö ме.

Меліа тэ шувган: «Босът, мый колö,  
Тан öд тэнад пöльясидлөн горт».  
Аттьö тэд, мый сетін ассыд олас.  
Ылыстча кöть öні, тэ он ёр.

Восьлала дзор пуяс костті чöла,  
Быттьö корся сюрс восайся тшын.  
Гөгөр чöv-лөнъ... Сöмын казытö тöлыс,  
Кыззи чудьлөн шутьлявліс ёсь шы.

\* \* \*

Эз, пöль-пöчьяс эз мунны мясянь ылö,  
Эз вошны ыджыд мам, ни ыджыд ай,  
И сын, кызз ме öні ола-выла,  
Эм тшöтш и налөн тыдавтöм, но пай.

Öд чужи кö, эг усь ме кыськö вывсянь,  
А медым водзö оліс менам рöд,  
Ас торъялуннас быдөн сэні кывсис  
И жаль, мый нинöм на йылысь ог тöд.

Сьöd вошöм нэмьяс...  
Этша аддзан сэтысь.  
Но рöд йылысь эз коль кöть кыв ни джын,  
Мем быдөн, чайта, ассыс мыйкö сетіс  
И йиджтіс меö ассыс олан вын.

Ми олам öтчыд, огö чужлöй мöдысь,  
Та вöсна мыжа лоа, ог кö шу,  
Мый петлі ме зэв важся коми рöдысь  
И татшöм рöднас озыр Коми му.

## БОЛЬНИЧАЫН

Гөгрөс лампа, быттьо төлысь.  
Ортсын, кылө, киссьо зэр.  
Рытьявылыс талун вөлись  
Морос пытшкөсөс оз зэвт.

Чөла куйлөмын став уджой —  
Рыт көть асыв, вой көть лун.  
Ошинь сайын ветлө вуджөр,  
Помтөг жөдзө, но оз мун.

Талун аддзи: тайо пожом,  
Мыссьо зэрөн, топыд, ён.  
Быттьо казыто колян гожом,  
Өвтө, өвтө пашкыр вожөн —  
Ыстө пармасынь поклон.

\* \* \*

Юр ог жуглы,  
Таво гожом  
Кадсө кольны көн:  
Бара кыскө Изьва вожө,  
Көни ю — Бур ком.

Тайо тешкодь нима юыс  
Визув зэв и сөдз.  
Ёртөй аслас пыжөн нуас  
Вөрса керкаөдз.

Гөгөр кыпид, гөгөр мича,  
Нюмъялө быд пу.  
Ёртөй менам вөр-ва видзө,  
Оласногнас бур.

Шөйтан лунтыр парма кузя,  
Ставсьыс умлывлан.  
Сэтчөдз мудзан, мый дась узыны  
Пиня тув вылын.

— Менам уджын, — ёртöй шуö, —  
Эм и тэнад пай.  
Вөр керкаын сэсса юам  
Пакулаа чай.

Бур көм козьныштас на здукөн  
Дзоля пөртиö ком.  
Көрт пач вылын пуам юква,  
Чөскөдыштам вом.

Төвру шыяс вайö ылысь.  
Ёртлысь кывза мойд.  
Со нин джуджыд пуяс йылысь  
Ньөжйö лэччө вой.

Унзиль босьтö.  
Номъяс бара  
Аддзöмаось щель.  
Вөтөн менö Сыктывкарö  
Лэбөдö Войпöль.

\* \* \*

Со лунысь-лунся гижөд пас,  
Быд лун сэсь дона и быд час.

Ог соссьы — вежсьöмъясыс уна:  
Ме гөгөр унджык йөзыс — выль,  
Мый коркө төждлун вайлис — вуні,  
А мый эг чайтлы — лои збыль.

Эз артмы ставыс, кыдзи колö,  
Кöть нинöм кокниа эз шед...  
И, со тай, уджала да ола —  
Ас бөрöздавысь ог нин пет.

Йоз костын быдмиг, ичöтысянь  
Бур киö веськавлі ме пыр.  
Пöсь аттö, муса велöдысьяс!..  
Но юрысь сьöкыд дум оз быр,

Мый вошта найöс воысь-во  
И век на вежысьöн эг ло.

\* \* \*

Менам ёртъясöй!

Ті —

Коми му пасьталаыс.

Тікөд —

Со менам ки —

Гажа муыс и ваыс.

Миян талунъя лун

Либö

Мый вöлі войдөр,

Тіысь бокті оз мун,

Ыджыд сьölöма войтыр.

Олан туйныд

Зэв крут,

Абу дивö и усьны,

Но и сэк тіян шуд —

Чужан му дінö

Муслун.

Быдөн —

Ас мулөн пи,

Тіөн горалö Коми...  
Сöмын мыйла нö ті,  
Овлö,  
Сотчанныд томөн?

\* \* \*

Бара öзйö асья кыа,  
Шызьö ывла — пом ни дор,  
Öдйö паськалöны шыяс,  
Кылö тракторъяслөн гор.

Тырö йöзөн гажа берег.  
Дзирдалыштö лысва войт.  
Вильыш йөлöгаыс нерö,  
Кодлөн гөлöс медся збой.

Тур-бармуныштисны понъяс —  
Мыйсö садьмигад он кыв!  
Петö ыркалыштöм вонйысь  
Асья унзіля на ныв.

Öвтö чöскыд турун дукөн,  
Быдтор вылын — страдна пас.  
Варовитö садьмөм мукöд  
Зарни коръяса кыз рас.

## ТУЛЫС

Вой төла — тэрыб,  
Лун төла — небыд,  
Ловзьöдан войт бöрся войт.  
Öкмыс му-ва сайысь

Регыд нин,  
Регыд  
Воан тэ,  
Мелі да збой.

Шуйгавыв видзёдлан —  
Парманым шыасяс,  
Веськыдвыв —  
Серөктас ёль.  
Рытьядор  
Зарниён вөччөдан кыасө,  
Вежсьытөг  
Немтор оз коль.

Вильыш, шань нывкаён  
Пыран и керкаө,  
Пышйөдан сэк  
Чөскыд ун.  
Серамөн-сьылөмөн,  
Ёльдорса вербаён  
Ышмөдас  
Том бур вой-лун.

*Галя чойлы*

\* \* \*

Ме бара Гарьяын.  
Көть ог и мунлы тась.  
Мед лымсө гартлө өшинь сайын турөб,  
А тані шоньд,  
Каньпи өтнас дурө,  
И варовитө мамкөд Опонась.

Суседьяс костын пыр нин  
Сёрни эм:

Мый төждысьөдө,  
Вөчсьө гөгөр,  
Кывсьө...  
Сук тшынөн пуркйö  
Тола сайын пывсян.  
Бать лөдсалö,  
А ва лөсьöдны — мем.

А помнитан?  
Сикт весьтын енэж лөз,  
И малыштны быд дзоридз  
Вөлі дась тэ...  
Шöвк туруна веж видзьяс йылысь казытiг,  
Стен сайын ньöжйö  
Бакöстыштлö мөс.

Рад воны татчö  
Любöй кадö дзик,  
И вояс чöжөн йитöдъяс оз кусны,  
Öд Чужан муöй дiнö  
Ыджыд муслун  
Ме пытшкын öзтö  
Ичöt Гарья сикт.

\* \* \*

Ак, кутшöм асья вöрын  
Чöскыд сынöдыс!  
Тан аддзан бурджыка,  
Кыз садьмö  
Чужан му,  
Кыз төвру  
Пуяс кокныдыка сыналö,  
И, быттьö шебрас,  
Кывтö бокö ру.

Пув вотысьӧс ме чолӧмала  
Радпырысь,  
Мед чӧсмасьыштас гортас  
Сылӧн пи.  
И вотӧны тан йӧзыс  
Топыд ягсерьяс,  
И дона гоблань  
Нюжӧдчӧ со ки.

А водзын чера войтыр  
Со нин мыччысьӧны.  
Оз, татшӧм вӧрыд  
Быдлаысь оз сюр!  
Но вӧдитчӧй жӧ пила-чернад  
Видзчысьӧмӧн,  
Мед парма  
Нэмыс  
Вермис сетны бур.

### **ЭДВАРД ГРИГ**

Кор кывзі медводдзаысь Григӧс,  
Сэк шензьӧм шымыртіс и полӧм:  
Ме быттӧ восьті ыджыд книга,  
А нимыс книгаыслӧн — олӧм.

Сэн шог и радлун, нюм и синва,  
Сэн кӧдзыд толаяс и вежӧд.  
Выль мича мирлань восьтіс синьяс  
Мем ыджыд сьӧлӧма норвежец.

Сы мында чувство тыртіс морӧсӧс,  
Мый весиг тӧдтӧм вӧлі мукӧд...  
И уна боксянь ассьыд оласног  
Доньялан выль пӧв татшӧм здукас.

## МУЗЕЙЫН

Быттьö нэмъясөн вöзъян нöдкывъяс —  
Ёсьтöм изъясыс,  
Пемдöм лыясыс.  
Найöс аддзиг, ми ланьтам öтпырйö —  
Кывны надейтчам  
Сэкся шыяссö.

Ывла пемдигас шызьöм-повзьöмсö,  
Йöзлысь жöдзöмсö  
Изъя чом динын.  
Войся пемыдас билөн ломзьöмыс  
Налы кажитчис  
Ичöt шондйөн.

Сэк, дерт, кодзувъяс тадз жö öзйисны,  
Тадз жö видзöдiс тöлысь  
Вылісянь.  
Сöмын енэжлань дзоргысь йöзыслы  
Найö вöліны  
Зэв на ылынöсь.

## АСЪЯ ВÖТ

Вугыр, шатин,  
Кöмтöм кокъяс,  
Зептын нянь да лук,  
Кильчö вылын дзоля вокъяс —  
Ставыс öти здук.

Выя шаньга  
Вежань ордын,  
Рöзваль даддя тöv,  
Сыктив весьтын векньыд ордым,  
Юр кыскалан вöv.

Батьö кöчöс вöрысь вайö,  
Мамкöд вотам чöд...  
Вöли челядьдырөн тайö,  
Öнi — дженьыд вöt.

\* \* \*

Тан сэтшöм лöнь,  
Мый лöньсö кылан...  
Ме дзорга пемдöм крестьяс вылö,  
А мөвпьяс,  
Бытьö мартын турöб,  
Оз узыны —  
Бергалöны юрын.

Тась быдөн  
Олём эштытöдзыс  
Му вылын вöли гöрысь-кöдзысь.  
Ас нэмсö вуджисны  
И öнi  
Кызд бытьö менсьым юасьöны.

Кызд ола?  
Кытчö вошта эбöс?  
Мый коя весь?  
Мый тöлктөг дзеба?  
Кызд вöдитча —  
Мөвп йиджö татөн —  
Медыджыд озырлунөн,  
Кадөн.

Сюрс юалём.  
И чайтсьö меным,  
Мый гөгөр крест пыдди —  
Антенна.

## ӨТИ ГОЗЪЯ ЙЫЛЫСЬ

Ас костаныс гозъя  
Спормылісны коркө,  
Код пö налөн позйын  
Төдчанаджык мортыс?

Гөтыр чөв оз сулав,  
Верөсыслы кайтө:  
— Тшыгла метөг кулан  
Либө пöдан няйтас.

Гынмөм балябөжсө  
Гыжъялыштіс верөс:  
— Ме өд олөм чөжсө  
Унатор жө кери.

Гөтыр горзө: меным  
Эн тэ ошйысь уджөн!  
Аскисянь жө медым  
Орчча жыръяс вуджин...

Асывсяньыс найө  
Овмөдчисны орччөн —  
Верөс няйт оз ваяв,  
Гөтырыс оз ёрччы.

Воаласны кыськө,  
Верөс, кылө, жөдзө,  
Гөтыр чышкө-мыськө,  
Сөмын жыръяс көдзыд.

Лөглун воши-муні,  
Бытьё серпас вөтын.  
Верөс дась нин шуны:  
— Миритчам вай, гөтыр.

Гусьөн, каитчөмөн  
Мыжалө мөд асьсө:

— Ййй ме да и сӧмын —  
Ӗбидиті Васьсӧ.

Ас поз йылысь венныс  
Велӧдыштис найӧс:  
Верӧс — ортсы стенис,  
Гӧтыр — пытшкӧссаыс.

### ПОНЛЫ

Мывкыд синъяса,  
Тэрыб да ён,  
Понъяс чукӧрын  
Тӧлын и арын...  
Мыйла тані тэ,  
Вӧралан пон,  
Коді эновтіс  
Ӗтнадтӧ  
Карын?

\* \* \*

Талун тані ме пи и гӧсть...  
Югзьӧ  
Ваймӧм пач  
Сартас биӧн,  
Буретш банйӧма,  
Небыд,  
Пӧсь  
Кӧвдум руалӧ менам кийн.

Дзижгӧ кашникын сывдӧм вый —  
Бертышт кӧвдумтӧ

Да и чуняв —  
Пось нянь дорад век вунö, мый  
Ньöти кынöмыд эз на сюмав.

Дзєбны нимкодьöс ме ог кут,  
Асья здукьясыс сійөн шаньöсь,  
Мый мем сьölöмөдз мөрччö шуд —  
Мамö киясысь  
Небыд няньыс.

### СТРАДНА КАДÖ

Öмидз көрөн öвтö  
Сыктыв дорын ывла,  
Котөртöны көмтөг  
Оз тусь вира нывьяс.

Бытьö вильыш төвру  
Йөршитчöма наö.  
Вирдыштисны ... Чөвлы —  
Дурöны нин ваын.

Сельöдчöны, радöсь,  
Тонöсь нин, ю шöрас...  
Майбыр, страдна кадöй,  
Том йöзлөн бур пöра.

Весиг öбед дырйи  
Вын песны оз дышöд,  
Дзирдалöны дыр нин  
Ыргөн рöма мышьяс.

Коркö-нисьö нывьяс  
Петалисны ваысь,  
Видзöдлисны вывлань —  
Пемдö небесаыс.

Уськөдчисны куртны,  
Коді кыдзи вермө,  
Удитісны муртса —  
Гымыштіс и зэрмис.

Медым чомныс письтіс,  
Медым делө вөрны,  
Сёрни-серам киссьө,  
Ку пыткас оз төрны.

Гымыштіс... и найö  
Дрөгнитісны сыысь,  
Сөмын вөлөм тайö  
«Беларусьлөн» шыыс.

«Нывъяс, энö ёрччөй! —  
Ортсысь гөлөс кылө.—  
Позьö кө, ме орччөн  
Шойччөдышта «вөлөс».

Чайта, онö дөзмөй,  
Ставныд ті зэв бурөсь...  
Но вот кытысь йөзлы  
Скөр гөтырыс сюрө?»

Сералөны нывъяс,  
Шмонитөны воча:  
«Сідзкө, мелі кывйыс  
Вичмө сылы шоча.

Медым лоин шуда,  
Висьталамөй инö:  
Бөрйы гөтырпутö  
Эн рытйысянінын».

Сыктив юö ылын  
Öшкамөшка уси.  
Нывка том зон вылө  
Видзөдлывлө гусьөн.

Сөмын зэрыд, аттө,  
Кобис сёрни шөрын.  
Майбыр, страдна кадөй,  
Том йөзлөн бур пөра.

\* \* \*

Оз пө радейтны комияс  
Дзоридз...

Налөн сад йөрыс —

Став Эжва дорыс,

Небыд шөвкаөсь

Кытөні видзьяс,

Өтар-мөдарас көн

Эзысь кыдзьяс.

Оз пө радейтны комияс

Сьывны,

Оз пө нимавны ёна,

Оз кывны...

А ті кывзөй,

Кыз сьылөны тані,

Весиг төв сьылө со

«Шондібанөй».

Оз пө радейтны комияс

Мичлун...

Найөс нэмьяс чөж

Олөмыс личкис.

Өні —

Виль олөм дорөны найө,

Медся мичаыс му вылас —

Тайө.

*Коми республиканской радиоса  
вöвлöм диктор, республикаса заслу-  
женной артистка Кира Сергеевна  
Моисеевалы*

\* \* \*

Кира Сергеевна!  
Видза оланныд!  
Бур кыв висьтавны сьöлöмсянь рад.  
Аддза ме: быттьö век на Тi воланныд,  
Кöни югвидзö мян театр.

Мöдöд судтаас кокниа каянныд,  
Öдзöс осьтанныд бара и вот —  
Ставлы кыпидлун сьöрсьыныд ваянныд,  
Тадзи лун бöрся лун — уна во.

Быттьö ёртьясыд орчöнöсь тани,  
Ылöдз юралö дикторлөн ов:  
Веськыд оласа Игорь Суханов,  
Небыд шыа Владимир Попов.

Микрофон дорö матысмад бара,  
Пуксьöм чöвлунсö некод оз торк.  
Выльтор кыласны йöз Сыктывкарын,  
Ылöдз разалас ас сёрни гор.

Тадз ли, эсидз ли олöмыс мöдлас,  
Да и студия — абу лöнь ди,  
Гашкö, Господьыс сöмын и тöдö,  
Мыйта сьöкыдсö вуджинныд Тi.

Но эфирын быд рыт и быд асыв  
Тöдса гөлöсныд юргис, эз ланьт.  
Уна сюрс мортлы лоинныд асөн,  
Коми диктор, бур сьöлöма ань.

Визув олöмыс тэрмасьö водзö.  
Шуда лоö мед Тiян кузь нэм.

Небесасö кö мичмöдö кодзув,  
Со и му вылас кодзулыд эм.

Миян дона  
Кира Сергеевна!  
Быдөн Тиянлы бур сини рад..  
А ме аддза: Тi удж вылö воанныд,  
Кöни югвидзö миян театр.

*Тамаралы*

\* \* \*

Уна йöз пиын  
Кыпыд гажын  
Öта-мöднымöс казялим ми..  
Тайö кадыс кöть  
Коли важөн,  
Менö вөрзьöдö пыр тэнад мич.

Вöлин томджыкөн  
Тэ, дерт, водзтi,  
Но ог та йылысь висьтавны мöд:  
Тэнсьыд пытшкöсса мич  
Ме восьтi,  
Кодi воясысь чусмöм оз тöд.

\* \* \*

Ак, кутшöм öдйö лэбö кадыс,  
И часi стрелкаяс — кыз бордьяс.  
Ныв тöрыт ветлöдлiс детсадö,  
А талун со нин батьсö ордйис.

Театрö ветлім, гортын мойдлі.  
Шоч лун, кор ки вылын эз качлы.  
А öні ньöжйö, мед не дойдны,  
Кытсюрö велöдö нин ачыс.

Ми классысь классö вуджлім ськөд,  
Эг кольлы школа уджын пайтöг.  
А нывка быдмис менам...  
Кыкөн  
Экзамен дасöд классын сдайтім.

Оз сувтлы олөм — водзö муно,  
То шондi петавлас, то зэрмас,  
И овлö сьöкыдлуныс уна,  
Да он век отсавнысö вермы.

Сэк нылöй вöсна сьөлөм висьö,  
И полөм жöдзö, быттьö вуджөр...  
Ме бара дась сэк босьтны кисö,  
Мед сьöкыдлунсö туй моз вуджны.

\* \* \*

Талун комын градус кöдзыд,  
Öшлөм паськөм оз шед —  
Кын.

Быттьö сюръя, кымөрöдзыс  
Пуркйö-кайö еджыд тшын.

Вөлі керка пытшкын ыркыд.  
Юклім сартас,  
Чутким би,  
Здук — и пачным со нин ыргö,  
Öдзöс вугйыс сотö ки.

Биыс пескö босьтчис яра.  
Ортсын кöдзыд лыйсьö...

Мед!  
Пачыс ымралё нин жарён,  
Лоо шоньд мем и тэд.

Пуктам чай,  
И оз ков вина,  
Меным тэкөд лөсьыд сідз,  
Сөмын сывйышт еджыд кинад,  
Мыччы олөмыслысь мич.

Мый декабрын, мый июнын —  
Тэкөд орччөн ворсө вир.  
Зарни чунькытш нимтөм чуняд  
Койө ассъыс небыд дзирд.

Йиыс өшиньясын сылө...  
Дивуйтча —  
Ог гөгөрво:  
Челядь разалисны ылө,  
А ме видзөда тэ вылө  
Век на быттьө первой во.

\* \* \*

Мича абу тэ,  
Ог төд,  
Ог куж шуны  
И ог висьтав.  
Мый мем сыысь: мича, мисьтөм...  
Тэ кө орччөн —  
Оз ков мөд.

Некор лёк кывйөн он дойд,  
Весиг тэ водзын кө мыжа.  
Олөм юөд өти пыжын  
Кывтам,  
Коллялам лун-вой.

Нэмным кузь на лоо мед,  
Лөсьыд тэкөд овны, аттө!  
А тэ меным шулан: аттьө...  
Мемсө мыйысь?  
Аттьө тэд.

\* \* \*

Бать-мам керка пытшкын көдзыд,  
Бать-мам керка пытшкын лөнь,  
Бөр да водз оз ветлы өдзөс,  
Паськыд жырыын өтнам скөнь.

Дзикөдз вынтөммөма часі —  
Он нин кывлы тіч ни тач,  
И мем кажитчө: быд асыв  
Шогсьө битөг ыджыд пач.

Лымйыс гын сапөгъяс вылысь,  
Час көть сулав, оз и сыв.  
Шуда кадыс коли ылын,  
Оз нин тыдав и оз кыв.

Коркө, дерт жө, вөлі гажа,  
Юргис гөлөс сэн и тан,  
Эз на быттьө вөв и важөн,  
Да вот коли, шондібан.

Тола пытшкө вөйи ордым,  
Карта пытшкын шы ни төв,  
А со век на быттьө гортын,  
Мөдтор сьөлөм оз и төд.

Керка дорын лэбач чукөр  
Пыркөдөны жов пу роз.  
Ошинь пырыс шонді югөр  
Зильө ловзьөдны важ поз.

## ШУТКАӨН СОРОН...

Аттө дивө, миян олөм!  
Мыйла чужан — он и төд.  
Кодлы тайө ставыс колө?  
Кытчө тэрмасьө морт рөд?

Пессян, пессян олөм чөжыд,  
Бурөн казялісны мед.  
Челядь наперво тай чөжан,  
Сэсся стажтө...  
И привет!

Кывтысь кымөръяслань дзорга.  
Гажтөм овнысө — көть увт.  
Эз ков чужны меным коркө,  
Сэки эськө эг и кув.  
Меөдз вөлөма мый — төда,  
А мый лоө метөг — ог...  
Му шар төвзьө ыджыд өдөн,  
Дзебө ассъыс гуся мог.

## КЫПӨДТӨМ СТРОЙБА ДОРЫН

Ён сюръяяс со кымынөд нин во,  
Кызд часөвөйяс, видзөны му веркөс,  
Стрөитель татчө мыйлакө оз во,  
А кутшөм мича артмис эськө керка.

Кар пасьта, гашкө, эз вөв татшөм мөд,  
Бур войтыр тані красуйтчис да оліс,  
И югыд билань — он тай водзвыв төд —  
Ме, гашкө, ачым унаысь на волі.

Чөв-лөньыс чужтө мөвпьяс пом ни дор,  
Ме сулала, и ас вөсна тшөтш жугыль:  
Кузь олөм чөжөн панлі кымынтор  
И ачым ставсө шыблассьөмнам дзуги.

## АДДЗЫСЬӨМ

Со и аддзымсймөй ми —  
Зэв на лышкыдасьлө олөм —  
Восьсөн кутам кыин ки,  
Ньөти йөзасьны ог полөй.

Меным век на быттьө ас,  
Көть и вежсьөмыд, дерт, төдчө.  
Муртса тыдыштө мампас,  
Сийөс окавлі эг өтчид.

Майбыр, сёрнитантор эм,  
Паметьнымлы вөля сетам,  
Вөлись висьтасин тэ мем,  
Кыдзи верөс сайө петін.

Восьтам олөм бан и гуг,  
Казьтыламөй унатор сэн.  
Миян водзын тэнад внук  
Аслас машинаөн ворсө.

Помтөг кывзыны ме дась,  
Ылө кольөманас юксям,  
Сэсса бокө вешим тась,  
Орчөн лабич вылө пуксим.

Шпоракылө кыдз пу кор,  
Внукод видзөдлө ки увті,  
Сэки шонді лэччандор  
Кыкөн ньөжйөникөн сувтім.

Со и бара кыин ки,  
Со и бара разалімөй...  
Варов пөчөыскөд ми  
Коркө ок и лөсявлімөй.

## ӨНІЯ СЕРПАС

Гөгөр шыяс,  
Олом гыяс...  
Часі вылө видзөдөмөн,  
Тэрмасьоны коді кытчө.  
Вочаасиг, кисө мыччас,  
Чөвтас юрнас: олан-вылан!..  
Восьтан вом,  
А мортыс ылын.  
Юрад воас нимыс-вичыс,  
Челөсьян, да оз тай виччысь.  
Оломыслөн татшөм өдыс,  
Ылыстчамөй өта-мөдысь.  
Уна йөза эськө карад,  
Сөмын кылан тай со бара:  
— Чолөм!  
— Чолөм!  
— Пырав!  
— Коркө!..  
— Öнi кытчө?  
— Муна гортө.  
— Гөтырыд өд оз на пышйы...  
— Оз эськө да зэв нин гыжъя,  
Сэсся челядь,  
Сэсся тьөща...  
Но ме мөді, кора прөща.  
Тадзи кымын быд лун кылан...  
Но, сөтанскөй, олом-вылөм!  
Довган өтнад, букуш, скөр —  
Абу кар,  
А сьөд вөр шөр.

## ЖУГЫЛЬ ДА ИЛЛЯ ВАСЬ

Рытя шонді век на югыд,  
Коть и сайёдчыны дась.  
Гортас гөститөдчө Жугыль,  
Сыкөд орччөн — Илля Вась.

Кутшөм сёрни визь оз босьтны,  
Варовитөмыс оз ор.  
Шоныд плита вылын косьмө  
Вильён ньөбөм «Беломор».

Ыджыд пальма өшинь дорын —  
Паськыд коръяса веж мич.  
Мыйкө казтылөны гора,  
Мыйкө гөгөрвосьө сідз.

Кыкнанныс нин арлыдаось,  
Дойдліс кадыс ёна, но  
Воча лёк кутысьөн таысь  
Некод на пыысь эз ло.

Кымын көсийөм лои чөвтны,  
Кымын гижөд сэк эз чуж,  
Жаль, дерт, воясыс, но лөвтны  
Некор коми морт оз куж.

Вөйпны сэкса оланногсө  
Ыджыд смеллун оз ков тан,  
Но и талун колө отсөг,  
Медым кыпөдчис талант.

Бурлы сөвмыны да овны,  
Эз мед сибав сэсса шог,  
Чирыштөмъясысь эз пов мед  
Гижөд панігөн ми вок...

Рытя шонді век на югыд,  
Коть и сайёдчыны дась.  
Гортас гөститөдчө Жугыль,  
Сыкөд орччөн — Илля Вась.

## ТИМА ВЕНЬЛЫ

Ак, кутшөм ящикъясыс топыдось! —  
Тадз вермас вөчны сөмын мастер.  
Водз асывсяньыс кылө клопөдчөм —  
Он вевъяв тэчны бокө дасьсө.

Юр весьтын вуджрасьоны кымөръяс,  
И дзоргө кыськө вывсянь морт сэн:  
Удж вылө вайөдөма кымынөс,  
Мед сы мында жө петис ортсө.

Буксир ю вылын пессьө-тшынөдө,  
Көть кылан сійөс, но он аддзы.  
Ак, кутшөм сөстөм Човйын сынөдыс,  
Да Ен мед видзас сюрны татчө...

Он инась лов, и мөвпъяс жуоны,  
И бурсө виччысьө на сьөлөм.  
Йөз подув пуктысьөн со шуоны,  
А водзө мый на эськө вөлі.

Кузь лунъяс дженъыд нэмө йитлыны  
Көрт Айка индіс чорыд кинас...  
Корсюрө сөмын волө видлыны  
Рам төвру ылі Помөсдінысь.

## КЫМӨРЪЯС

Ньөжйө-ньөжйө кывтөны  
Кымөръяс му весьтти  
Помасьлытөм чукөрөн  
Водзлань лун и вой.  
Налы вылын-вылыын,  
Чайта да, дзик веськодь,  
Кутшөм нэмын оламөй,  
Кутшөм өні во.

Енэжбердса төвруыс  
Помся налы сьылө,  
И оз төдны кымөръяс  
Долыдлун ни шог.  
Видзөдөны быттьөкө  
Кодзувкотьяс вылө:  
Йөзыс тыр  
И быдөнлөн  
Кутшөмкө да мог.

Бергаламөй, пессямөй —  
Помтөм нокыс тайө,  
Волывламөй зыксьөмөдз —  
Сыркөдламөй му.  
Юкам мый? —  
Өд му вылас  
Нинөмтор эг вайөй,  
И дзик некод  
Му вылысь  
Нинөмтор оз ну.

Мыйла олам?  
Воча кыв  
Кодкө сетіс эськө,  
Медым сьөкыд думанөй  
Сьөлөмөс эз сөй...  
Ньөжйө-ньөжйө кывтөны  
Кымөръяс му весьтті  
Помасьлытөм чукөрөн  
Водзлань лун и вой.

И сэтчө нетшкысьлі и татчө,  
Збыль вөлі инасьлытөм лов,  
А өні жугыль синмөн аддза,  
Мый ог нин некодлы ме ков.

Выль олөм, быттьө визув Эжва,  
Сэн войтыр, збоялысь да том,  
А ме лөнь курья дорө кежи  
И тані колляла нэм пом.

Оз кыскы аслас зыкөн ывла,  
Ме тайө зыкнас тадз нин пөт,  
И ассьым нимөс кодыр кывла,  
Мем чайтсьө — тайө кодкө мөд.

Да-а, бергавлім и мыйкө кужлім.  
Но — эг на кув...  
И тайө стөч,  
Өд сійөс, мый вылө ме чужлі,  
Дзик өтнам төда — эг на вөч.

## ТЕАТРЫН

*СССР-са народнөй артист  
И. И. Аврамовлөн паметьлы*

Иван Иванович Аврамов...  
Оз тайө гора нимыс вун —  
Йөз дінө сибалөмыс, сямыс  
Век йиджтывлісны кыпыдлун.

Бур слава, коді вичмис мортлы,  
Эз ышмөд сійөс и эз веж.  
Ме татчө вола быттьө гортө,  
И талун, шуны кө, ог кеж.

Театр, ме чолөмала тэнö!  
Рыт чөжөн олөм гажсө сет.  
Мед кодкө йөртчө керка стенөн —  
Сы динө завидьлун оз пет.

Театр, тэ бурсө мейн пестан,  
Голь тэтөг мортлөн оланног.  
Ме аддза залын ассьым места,  
И со нин кыла — тан и эстөн  
Йөз клопөдоны гөгөрбок.

Ас кадө воссяс югыд сцена,  
Виль дивө пансяс, но көть кор  
Век бытьё ворсысьяскөд сэнi  
Тшөтш Слөбөдаысь петлөм морт.

Аврамов сцена шөрө петө,  
Но абу ачыс нин, а мөд...  
Мөд, кодлы асьсө ставнас сетө  
И таысь сьөкыд шуд оз төд.

Быд шыасьөмын — ыджыд кужөм,  
И сэк, кор оз шу кыв ни джын.  
Код төдас, кызди тайө чужө,  
Кысь мортыс аддзө сям да вын.

Том ворсысьяслы сцена сайын  
Бур силіс: «Йөзыс водзө пет  
Да зиль, мед ачыс Виктор Савин,  
Ло орччөн, шпыньмуныштис тэд».

Кор ставыс гөгөр лючки-ладнө,  
Он донъяв тырвийө, мый эм,  
И он зэв лыддысь тэрыб каднас,  
Сэк чайтсис — кузь на сьлөн нэм...

И төжд и слава суліс мортсө,  
Но төдө войтыр — важ и виль,  
Мый сцена вылын либө ортсын  
Аврамов некодыр эз ворслы,  
А ставыс сьлөн вөлі збыль.

## ХУДОЖНИК АЛЕКСАНДР КОЧЕВЛӨН ПАМЕТЬЛЫ

Саша Кочев...  
Кыян шоча —  
Гималайса морт кодь дзик.  
Талун мogyс миян водзын:  
Серпасавны Лөзым сикт.

Крестасисны кө туйвежъяс —  
Өтув уджсө бертны зиль.  
Саша — нималысь художник,  
Вөчам Саша йылысь фильм.

Оператор здуксө кыйö,  
Аддзö чужöм либö ки.  
Саша уджö босьтчис мыйöн,  
Сы син улысь вошим ми.

Öдйö ветлөдлöны синъяс,  
Кинас марсийö сідз и тадз,  
Лөзым — сöмын ёна чинöм —  
Миян водзын чужö надз.

Мича серпас көсийö петны,  
Абу весьшөрö ми тан.  
Öнi кужны колö сетны  
Коми мортыслысь талант.

Со öд синмыс кыдзи öзйö!  
Со öд ветлö кыдзи ки!  
Ло мед унджык татшöм йöзыс,  
Эськö эгö вошöй ми.

Эськö нималимöй ылö,  
Кöть и этшаникöсь зэв...  
А комякөн нимтöм вылö  
Мыччим кык чунь костын пев.

\* \* \*

Оліс-выліс гажа колип,  
Нимкодъ вайліс сылөн глас,  
Сэссия югыдінсö колис,  
Ланьтіс сытөг паськыд рас.

Лои гажтөм овны-вывны,  
Вой төв петіс, быттьö шыш,  
Но со другысь мөдіс кывны  
Матын чуймөдана шы.

Паськыд парма вöрыс ловзис —  
Выль шы кывны эз нин чайт...  
Сьыв и нинöмысь эн повзьи,  
Тэкөд долыдджыка овсьö,  
Мелі коми колипкай.

## КАРЫН НИМЪЯС ЙЫЛЫСЬ

Со автобус.  
Тырыс йöз.  
Вайö, прöйдитчамö подөн —  
Луныс шоныд,  
Енэж лöз,  
Да и дзоньвидзалун содас.

Быдмö-сöвмö  
Сыктывкар,  
Водзын — öкмыс судта керка.  
Коркö тані пö  
Быд ар  
Тшакыс вөлөм — сöмын бергав!

Польёй  
Тшак эз вотлы тась —  
Сійё овліс Сыктыв катыд.  
Ёртёй,  
Заклад вартны дась,  
Мый и тэ эн чужлы татён.

Унджыкыс ми —  
Сиктса йёз,  
Коть и карсаясён шусям.  
Юр кыскавлім,  
Видзлім мёс,  
Тодам, мыйён вына мусин.

Быдтіс-вердіс  
Коми сикт,  
Эгё петлөй вошөм рёдысь.  
Вужъяс мед  
Эз орны дзик,  
Волам вонас өтчид-мёдысь.

Коми сиктлы —  
Помтөм нэм,  
И ме вөзъя ог нин өтчид:  
Муслун,  
Коді миын эм,  
Мед и кар сертиыс тёдчис.

Визин улич,  
«Абъячой» —  
Ветлысь-мунысьяслөн керка.  
Изьва площадь...  
Лун коть вой,  
Кыпыд сылөн паськыд веркөс.

Кыптө-вөччө  
Сыктывкар,  
Выль фонтан со ёрө синтө,  
Гөгөр лампа —

Югыд дзар,  
А фонтанлөн нимыс —  
«Синдор».

Воссис карын  
Сёянін,  
Мича коми ань сэн пусьö.  
Лыддя ылісянь:  
«Емдін» —  
Тадзи сёяніныс шусьö.

Изкар...  
Вөвлі кар көть эз,  
Нимыс овны кутас — эска.  
Выль стрöйбаяс —  
Кызкар грезд —  
Карын медся гажа места.

Со и шмонитыштім, вок,  
Со и сёрнинымлы помыс:  
Карлы —  
Кыксё сайö во!  
Но а сійö — быдмö, томмö.

Муса тэд  
И муса мем,  
Весиг йöз муын нин тöдса.  
Сöмын сиём  
Менам эм:  
Эз мед вошты ассьыс рöдсö.

## СЫКТЫВКАРЫН КОСЯЛӨНЫ КЕРКА

Сыктывкарын косялөны керка,  
Лэбө тьөс и плака —  
Тат эн бергав.  
Торьялөны съөкыда зэв керьяс,  
Пөсявлан,  
Кор пазысь найөс перьян.  
Сьөкыд лөмөн бертан,  
Вөлись усьө,  
Сөмын тшын-бус чепөсйыштас мусянь.

Войтыр мырсьө,  
Зіля уджсө вөчө.  
Бокын өтнас думыштчөма пөчө...  
Тайө вөлі  
Уна дас во сайын:  
Көзяиныс ачыс вөрсө вайис.  
Шылыд керьяс тэчис ыджыд бунтө,  
Төлөдас мед найөс  
Вой и лун төв.  
Быд кер пасйис,  
Бура косьтіс-видзис:  
Клэнган —  
Ыргөн шыөн вочавидзө.  
Ошкыссьө,  
Коть тайө вөлі важөн:  
Керка артмис лөсьыдик да гажа.

Ылын,  
Весиг вөтөн шоча волө  
Выль керкаын  
Сэкса шуда олөм.  
Кыпыд луньяс,  
Кыа өзьян рытьяс,  
Майбыр, томлун —  
Югыд тувсов ытва.  
Тырмис бура пасьтасьны и сөйны.  
Сэсса челядь —

Өти, мөд и коймөд...  
Налөн сёрни-серам  
Визув шор кодь...  
Сөмын шудсө  
Злөдей-война торкис.  
Молитваён лои:  
«Венам. Воас».  
Верөс уси война эштан воас.

Джын сьөкыдсө көть нин вуджны колө,  
Медым төдны дөва-мамлысь олөм.  
Смена бөрын воан,  
Сьөлөм нормө —  
Киад кутан семья вылө норма.  
Өткөн колө пасьтөдны и вердны,  
Войяс пукны висьысь кага бердын...  
Война бөрад  
Дыр на вөлі сьөкыд,  
Мырсис-пессис,  
Эз вөв позтөм көкөн.

Йөзсянь кывлан,  
Уджач мам пө быттьө  
Аслас бурөн  
Дыш челядьөс быдтө...  
Быдмисны и разалисны челядь —  
Некод вылө нинөмысь эз элясь.  
Кынөм — пөт,  
И абусө эз корны,  
Завидьтысьөс  
Паськөмөн эз ёрны.  
Удж йылысь кө...  
Быд лун вөлі сюрө.  
Куимнанныс  
Велөдчисны бура.  
Ас нянь вылө воөдчисны батътөг,  
Таысь — государствомлы аттьө.  
Аттьө кыв  
И көзяин ним кузя,

Семьясьыныс ылын куйлө-узбө.  
Дивья вөлі бур керкаын овны,  
Зэръясысь ни көдзыдысь не повны.  
Сьёкыдыс да шогыс  
Быттьö бырас,  
Кодыр гортад  
Челядь динö пыран.

Кык вок пестö-ватö пырталöмаось.  
Пач дорынось —  
Ки и чужом саось.  
Вөласьоны,  
Гаж эз корсьны кыськө.  
Дзоля чойныс  
Чышкысьö да мыськө...  
Казьтылан да,  
Быттьö вөлі тöрыт...  
А со челядь верстьö,  
Ачyd пöрысь.

Карыс  
Гөгөр паськалö и кыптö,  
Мөлöt  
Бетон сюръяö со гыпкө.  
Экскаватор гудйö-перйö мусö.  
Воысь-во кар весьтын  
Пач тшын кусö.  
Керка чукөр — кирпичысь, бетонысь,  
Ва вайны оз ков  
И пачтöг шоныд.

Овмөдчис көть важ керкаыс дорö,  
Морös пытшкын мыйкө быттьö ори:  
Быттьö коли ас керкаас лов,  
Быттьö йитөд олөмас эз ло  
Нывкөд, зятькөд, налөн ныла-пикөд...  
Но а найö... мыйла абу йитөд?  
Зятыс шофералö,  
Нылыс вурсьö,

Гортад некор гыжйыштны и юртö.  
Ыджыд пиыс мастер,  
Гижö-волö,  
Воркутаын семьяыскöд олö.  
Ичöтджыкыс —  
Ылын, нем он кер,  
Армияын сийö офицер.  
Видзöдліс кө эськө öнi верöс,  
Челядь вöсна элясьны эз кут,  
Куимнансö быдтіс, кыдзи вермис,  
Таын —  
Мамлөн медся ыджыд шуд.

Здук кежлö оз весиг  
Сувтовкер кад.  
Помтöм-дортöм олöм.  
Тайö збыль.  
Сыктывкарын косялöны керка —  
Сы местаö кыптас вылөдз  
Выль.

\* \* \*

Бара восьлалö тулыс,  
Водзлань тэрмасьö шор.  
Бара öшинь ув пулөн  
Чужö нэриник кор.  
Ставыс сы öдйö вежсьö,  
Мый и синнад он кый.  
Юр ог жуглы ас кежсьым:  
Но, а меным нö мый?..

Тулыс мунлö и волö —  
Помтöм нэма Му шар,  
А ме рама зэв ола,  
Вуджа ас серти ар.

Мелі синъясысь сывны  
Аслым вöля ог сет...  
Сöмын вашкөдö ывла:  
Энлы, сюрас и тэд.

Öзйö-паськалö кыа,  
Югдö лöz енэж йир,  
И ме сьөлөмөн кыла —  
Ловзьö сөнъясын вир.

И ме вочасөн сетча,  
Вельмөм тулыслы рад:  
Тулыс, тулыс, тэ медся  
Кокни вежöра кад.

Атьö сыысь, мый кортөг  
Сетан томлунся вын.  
Любöй арлыдын мортыд  
Тэнад сывйысь оз мын.

## СЫКТЫВ

Оз ыпъяв талун рытъя кыа —  
Тимансянь вой төв öвтö скөр.  
Зэв крутöсь быгласьöны гыяс,  
Ю пөлөн шувгö пемыд вөр.

Но таысь дözмыны ог понды,  
Мед саякйö зэр, и шöйтö ру —  
И меным оз век нюмъяв шондi,  
И овлö олөм гыис крут.

Да некор майшасьнысö вывті:  
Быд лунся удж. Прöст кад ог тöд.  
Кызд Сыктыв, ашөр тöждөн кывта,  
А океанöдз — воас мөд.

Но вот и ставыс...  
 Ручка позьё чөвтны.  
 Ог, ме ог пузыы —  
 Олас серти рам.  
 И аслым гусьон ме  
 Ог понды лөвтны,  
 Мый петкөдла на  
 Ассыым ыджыд сям.

Ог петкөдлы...  
 И тайос бура төда.  
 Со кыпөда нин еджыд рөма флаг.  
 А аски  
 Шонді петтөдзыс на мөда,  
 Көн Сыктыв сайын шувгө парма-яг.

Ме бипур өзта,  
 Чөвта ваө вугыр.  
 Тан, пөльяс гортын,  
 Некод нин оз дойд.  
 И сьөлөм вылын  
 Бара лоө югыд,  
 И лолөдз йиджас  
 Вөр-ваыслөн мойд.

Мем выль ног воссяс  
 Помтөм-дортөм енэж,  
 А жугыль думөс вөтлас тэрыб тшын...  
 А төдад?  
 Эн на дзебөй менө,  
 Энөй —  
 Ас муөй сетас  
 Кыпыдлун и вын.

## ПӨЧЛӨН КЫВ

Талун ставыс кисьым усьö —  
Абу аслам ки ни юр.  
Весиг думыштлывла гусьön:  
Эг-ö вомидз улö сюр?

Эз-ö кодкө чорыд синма  
Тувъяв ассьыс видзөдлас?  
Гашкө, кывнас кодкө инмис,  
Лёкысь лёсовтыштіс пас?

Думъяс гыалöны уна,  
Сöмын на шөрö ог кывт —  
Чурки-буди, эг на вунöd  
Пöрысь пöчлысь гуся кыв.

Медводз сир пинь йылысь колö,  
Сэсся гаравсьö съöd ош...  
Эськө висьталі, но пола,  
Доръян выныс мед эз вош.

\* \* \*

Век некор, некор, некор...  
Ог некыдз гөгөрво:  
Мый тайö лои мекöд,  
Öд дзугся воысь-во.

Пыр содö олан öдыс  
И ёртлы дыр ог доль:  
Дзик пырав... сöмын мöдысь,  
А öні — видза коль!

Век юр выв тырöй уджыс  
И помыс көн — ог тöd.

Тадз вежонсö ме вуджа,  
А аски — делö мөд.

Ме шойччан лунлы радла,  
Став тöждыс вунлас мед.  
Быть петала театрö,  
Ёрт ордö вола ме.

Рыт колля Сыктив дорын,  
Оз кытчөдз шондi берд...  
Но бара на, сё морыд,  
Дзик мөд ног артмас, дерт.

Мый меным татчö шуны?  
Кывкөртөд абу выль:  
Му вылын могыс уна,  
А кадыс этша збыль.

\* \* \*

И луныс руд,  
И ставсьыс дөзмин,  
И нинөм виччысьны...  
Но друг —  
Тэ быттё кыпидлунөн öзьян,  
Кор мыччас кисö югыд здук.

Сэк луныс сэтшөм гажа лоас,  
И бурөсь йөз,  
И тэ тшөтш сэн...  
И кыськө пыдысь юрад воас,  
Мый тэö инмөдчыліс Ен.

\* \* \*

Кодъяскөд он лөсјав —  
Найөс пукты пыдди.  
Та йылысь ме коркө  
Библияысь лыдди.

Коді лөк тэд вөчас,  
Мыйысь сувтас юрси,  
Терпитышт и воча  
Сьөлөмсяньыд бурси.

Суклялас и вөйпас  
Син саяд и вөсьсөн,  
А тэ рама кусөд  
Мисьтөм кывъя косьсө.

Енмыс бөрын аддзас  
Виль олөмө пайөс...  
Верма-ө ме сөмын  
Гөгөрвоны тайөс?

\* \* \*

Нэмтө бергав,  
Быдтор удит вөчны,  
Нимнад Му шар пасьталаыс мун —  
Кадыс ставсө вуштас,  
Төда стөча,  
Сідз жө, кызди асьтө тыртас му.

Му выланым  
Нинөм абу вылыс,  
Во бөрся во  
Исковтөны мед...  
И ме асьсым юрөс жугла вылысы:

Мыйла ковми  
Ас олөмөн ме?

Ставыс метөг  
Тадз жө эськө муніс,  
Стөч ас кадө лунсө вежліс вой.  
Му выланым сідз нин шогыс уна,  
Мыйла ещө өти сьөлөм дой?

\* \* \*

Со и исковтис дженьыд гождөм,  
Он нин кокниа пет да мун.  
Көть и лунвылын Сыктыв вожным,  
Абу лунвылын Коми му.

Йиа саридзсянь дыр-ө воны...  
Лунтыр юр весьтын көдзыд зэр,  
А ме виччыся пыр на шоныд,  
Ог на арыслы эскы зэв.

Усьөм коръяссө вой төв гартлө,  
Муыс пужъявлө асьядор...  
Мыйла, висьталөй, сідзи артмө —  
Сөрөн төдмалан кадлысь дон?..

\* \* \*

Кор мунө олөмысь поэт,  
Сэк кусө бытьё югыд кодзув,  
А вильсө Енмыс дыр оз сет  
И он на төд, мый лоө водзө.

Од быри быдса ыджыд мир,  
Ас йозос нимодысь и сьылысь,  
И му выв олысьясыс, ми,  
Ог вермой нуны крестсö сылысь.

Быд мортлөн аслас олан визь,  
И бокö этша кодi петлис.  
Оз некодлөн тадз сьолөм вись,  
Кыздз — став му вöснаыс — поэтлөн.

Кор кусö кодзув, төдам ми,  
Мый югөр вель на ылөдз волас...  
Поэтлөн тадз жö сьолөм би  
Поэзияс водзö олас.

\* \* \*

Войвыв муй!  
Помсянь помөдз  
Гөгөрвоана и ас,  
Мый коть юклö асьсö коми:  
Изъватас да эжватас.

Нöшта и пермякъяс эмось,  
Ылөдз юргö коми гор.  
Бөрö исковтöны нэмъяс,  
А со олöмыс эз ор.

Быдсөн видзöдам на водзö,  
Мирас кыпөдчыштны мед,  
Енэж йирас эм пö кодзув,  
Кодi йывмыны оз сет.

Медым некод нин эз топөд,  
Сувтам — вугравны оз позь.  
Аслад семьяö, Европа,  
Тшөтш и комиясöс босьт.

## ЁРТОМ ВӨЛӨКЫН

Вөлөк шөр.  
И өтнам дзик.  
Февраль помын вөлі тайө.  
Ёртом —  
Удораса сикт —  
Месянь вит кымын верст сайын.

Рөмыд.  
Өдйө суис рыт.  
Лымйыс кокъяс улын дзуртө.  
Туй чукыльлы вошти лыд.  
Муна,  
Полышта, дерт, муртса.

Мый көть ачым  
Том да ён,  
Мышкын сьөкыд нопйыс личкө,  
Содтөд и магнитофон —  
Фольклорист ме быттьө сідзсө.

Корся мойджыв,  
Сыланкыв,  
Шусьөг,  
Бөрдөдчан...  
Мый сюрас.  
Найөс — кытысь мый ог кыв,  
Гижа плёнка вылө бура.

Өттшөтш,  
Некод мед эз дзуг,  
Пасья, кодлысь гижи, көні.  
Ассьым мөвпала тадз...  
Друг  
Пон тыдовтчис —  
Рудов гөна.

Сэсся вөрсьыс петіс мөд.  
Рөмыд.

Вылын öзйö кодзув.  
Юрси сувтіс  
И ог төд,  
Сувтны али мунны водзö.

Мöдыс туй вылын нин  
Со —  
Чöла сувтіс ёртыс дінö.  
Ылна наöдз — метра сё...  
Но öд быд воськолөн чинö!

Бергöдчыны мем оз позь  
Да и пышйыны он вермы.  
Артмö:  
Кöинъяскöд кось...  
Ньöжйö восьлала,  
Ог тэрмась.

Кыкөн виччысьöны,  
Но  
Сэсся мöдöдчисны воча.  
Чöвті кокъяс улö ноп,  
Ёрчча комиён и рочөн.

Шемöсмöдана дуэль.  
Тэрыбмисны кöин кокъяс...  
Но друг чашкöдісны пель  
Да и чеччыштисны бокö.

Бур, мый Енмыс эз на ёр,  
Тайкö татчö воштан юртö...  
Бöрсянь петіс вöла морт,  
Лымйыс додь сюв улас дзуртö.

Вöлыс корскö, кылö, сэн,  
Дядьö доддяс — юыштöма,  
Горзö: везитö на тэн,  
Доз мед вöлі сувтöдöма!

Төді кӱинӱястӱ ме,  
Таво рӱдмӱмаӱсь уна.  
Пуксыы — пасьям тӱнсыйд мезд,  
Менӱ Ёртомад эн вунӱд...

Пызан весьтын табак тшын.  
Менам варов ёрт эз ылав —  
Тӱдса кӱзьяка ордын  
Войбыд румка сайын сьылӱм.

\* \* \*

Овлӱ:  
Скӱрман, пузян, кусыйд петан  
Сы вуйӱдз, мый нинӱмтор оз кут,  
Садьмӱм ярлуныслы вӱля сетан,  
Ачыд абу рад нин да он сунт.

Омӱльясыс вежӱмаӱсь быттьӱ —  
Йӱршитчӱма тӱӱ кодкӱ мӱд.  
Тайӱ здукӱ асьтӱ правӱн лыддян,  
Сӱмын мукӱд та йылысь оз тӱд.

Сэсса, кодыр кусны лоан дась нин,  
Эбӱстӱмман, гӱгӱр лоӱ руд...  
Он и тӱдлы —  
Шымыртас друг асьтӱ  
Гӱгӱрвотӱм, жугыльмӱдысь ру.

\* \* \*

Ни водзö,  
Ни бөрö,  
Ни бокö  
Оз артмы ни воськов, ни джын,  
И тракйысь кöть бурөн кöть лёкөн,  
Оз отсав мем некутшöм вын.

Оз отсав ни кевмöм, ни горзöм,  
А лысьöмö йиджö нин мудз...  
И дум волö, мый татшöмторсö  
Тшöтш тöдан и тэ, Коми му.

\* \* \*

Йöз муясöдз нималö Усинск,  
Озырлуныс —  
Сикас вылö сикас,  
Но сы гөгөр,  
Мыйта судзö син,—  
Пöдтöм вөр-ва,  
Киссьöм коми сиктьяс.

## **СЫЛАНКЫВЪЯС ЧУКÖРТЫСЬЛÖН ВИСЬТ**

*Сиа филологияса доктор, нималана  
коми фольклорист А. К. Микушевлы*

Тайöс колö вöлі кывны —  
Йöзсö гажöдыштны мед,

Любөй сылан позьö сывны? —  
Мелань копыртчыліс дед.

Юрнам довкныштi: позьö,  
Мортöс сьылöмысь эг кут.  
Вöсни провод чутки розьö,  
Восьтi гөлöс гижысь куд.

Гөгөр — кötшасын и кывтын —  
Пукалісны сиктса йöз.  
Öшинь сайын тöлысь кывтö,  
Луныс коли, быдсөн прöст.

Сідзкө, öдöбтам, кыз коркө!  
Керка пытшкын лои чöv.  
Синкым увтi чöла дзоргö  
Пöльыс вылö сьлөн пöv.

Сэсся мөдiс, первой ступью,  
Бытьö мөд ногөн оз тöд,  
Улі босьтöмысла упкө,  
Корсьö лöсялана öд.

Глассö кыпöдыштiс вывлань,  
Вöлись сюри сылан лад!  
Сэтысь позьö вöлі кывны  
Мортлысь бурлачитан кад.

Ок и нярйыштiс жö пöльö:  
Чики-брики эзысь чань,  
Кötь и нимавлi ме гөльөн,  
Радейтлісны уна ань.

Доддяла ме каньöс паньö,  
Төрөканöс рözвальö,  
Ассьым мича рочаканьöс  
Нуа выставка вылö.

Етшкис, шучкис,  
Суля вина бучкис!

Трасичаыд! — пöчö дöзмис. —  
Тайö дедыс завсе йöй.  
Эн вай древит воом йöзлы,  
Эн вай пустö грекö вöй.

Слöй ни вежöс —  
Ставыс дзугсис,  
Öнi сэссия мый кöть вöч...  
Абу глас, а сьывны пуксьö,—  
Пиньö воö, броткö пöч.

Пöльыс кыв вылö оз сетчы,  
Гартовтыштіс сэтшöм глас,  
Весиг медлөнъ гöстя сэтчö  
Чöвтiс гусьöн пернапас.

Шондiбанöй, Петрöванöй,  
Мыйöн бара ошйысян —  
Розя пиня бабанад да  
Сюра төрөканъяснад.

Пöльö кырсьсьö.  
Кötшасланьыс  
Потö-сералö том зон.  
Чöла шпыньмунлöны аньяс,  
Спектак мунö — оз ков дон.

Фольклористлөн уджыд сьöкыд,—  
Мöвпала ме гижигмоз.—  
Тадзи öти-мöдлысь öктан,  
Он тöд — ковмас али оз.

Сэссия пöльлөн сьылöм эштіс,  
Плөнка помассис жö стöч.  
Сэк кöзьяйка пöльлань вешйис,  
Нюмөн югдiс пöрысь пöч.

Тайö кывлі, шуö, нылөн  
(Ок и пöчö, шурыд пель!),

Нэмсö ассъыс левгö-ссылö,  
Сідзнас некодöс оз эльт.

Идралі ме ассъым кöлуй,  
Сурöн кötöдышти вом  
Сы вöсна, мый тыртö, вöлөм,  
Пöльным öкмысдасöd во...

Сюсь вежöра коми войтыр,  
Мыйсö сöмын тэ он куж! —  
Тэчан ссыланкывъяс, мойдъяс,  
Зіля бертан ассъыд удж.  
Тэнад сёрни мелі, гора,  
Тэнад восьса крепыд ки.  
Луза, Сыктив, Эжвадорыс,  
Изъва, Усва да Печора,  
Муöс мичмöданныд ті.

Гөгөр тöдса, муса нимъяс,  
Наын век нин мыйкö ас.  
Чужан муад ставыс инмö —  
Бур ли, бöра вожа пас.

Ылö водзöвыв ог видзöd,  
Коми муöй, бур, мый эм.  
Но а водзö — Ен мед видзас  
Тэнö уна-уна нэм.





**БАЛТИКАСЯНЬ  
ТИХОЙ ОКЕАНӨДЗ...**


Молодое море и небо  
Светло и радостно...

Море и небо  
Светло и радостно  
Солнце, море, небо, ветер  
И море и небо...



Море и небо  
Светло и радостно...

ИНХОН ОКЕАНОС  
БАЛТИКА ИЛИ



## ЧУЖАН МУ

Быдёнлөн  
Эм аслас чужан места.  
Көн көть олан —  
Сійö öти дзик.  
Юалад кө,  
Вочавидза весьтас:  
Чужанінöй менам —  
Гарья сикт.

Кöни Сыктив,  
Бытьтö зарни чунькытш,  
Вöчö кытшов —  
Дзирдалан да крут.  
Кöни төвру  
Видзьяс весьтöд шуньгö,  
Кытчöдз сійöс  
Джуджыд яг  
Оз кут.

Кöни ставыс  
Ичöтысянь тöдса,  
Кöни войтыр —  
Уджач зэв да рам.  
Любöй öдзöс меным  
Абу пöдса  
Сиктын,  
Кöни олöны бать-мам.

Быдöнлөн  
Эм аслас чужан места...  
Тöдтöминын  
Казьтыла быд лун.  
Гажтöмтчöмöй серти  
Выль ёрт эскас:  
Чужанiнöй менам —  
Коми му.

Кöни помтöм-дортöм  
Шувгö парма,  
Вөр-ва узьö,  
Кытчöдз лым оз сыв,  
Дженьыд гожöм тэрмöдлö,  
А арнас  
Гажа рöмөн  
Öзйö ывла выв.

Кöни Эжва  
Чужтö сьыланкывъяс,  
Гажöдас көн  
Висер вожса мойд,  
Ёнöсь коми зонъяс сэн,  
А нывъяс...  
На пиысь дзик быдөн  
Бытттьö чой.

Быдöнлөн  
Эм аслас чужан места...  
Роч муын  
Ме сьөлöмөн ог усь.  
Овны-вывны, майбыр,  
Абу дзескыд —  
Менам чужан му  
Россия,  
Русь.

Некод водзын  
Сйöс ме ог янöд,

Сы вöсна,  
Мый кытчö кöть ог мун,  
Балтикасянь  
Тихöй океанöдз —  
Тайö ставыс  
Ыджыд Чужан му.

## КРАСНÖЙ ПЛОЩАДЬ ВЫЛЫН

Москва...

Туй помсö эз нин дыр виччысьны,  
И, медым танклысь шойччöдны мотор,  
Машина сувтис. Гöгрöс люкысь мыччысис,  
Бинокльö кутчысьöмөн, вермахтса майор.

А водзын грымгис чорыд канонада,  
Уралса сталькөд паныдасис Рур.  
Эз төд майор, мый райыс лоö адөн,  
И шуис: «Гут». Мый миян ногөн: бур.

Люк пöдлассис, и вөрзис танкыс, медым  
Сьöд лымтi водзö мунны, но эз вай  
Фашистлы тайö дженьыд туй победа —  
Сук биён сийöс öлөдiс Москва...  
Со Краснöй площадь. Кремль. Со Спасскöй башня.  
Рубинöвöй звезда, кыз символ, гөрд.  
Туристьяс сулалöны коймөд час нин, гашкö,  
Зэв ылö коли налөн ФРГ.

Ныв-гид кыз колö висьталö и петкөдлө,  
Öд гөстьяс, колö петкөдлыны, дерт.  
А öти, сой пöла, пыр чөв олөмөн ветлөдлө  
И мөвпалö.  
Кöть сёрнкодь, но мед.

## МОРТ

Öти мойдын  
Кодкө шулис,  
Морт пö медся ён...  
Мортлы паныд  
Ружйö улын  
Талун кызь миллион.

Дас вит грамм взрывчатка  
Мортлысь  
Пусь-паськерас нэм...  
Дас вит тонна  
Быд морт вылö  
Талун сйö эм.

Висьöмысь  
Да тшыгъялöмысь  
Эз на мын Му шар...  
Война вылö  
Быд во вичмö  
Куимсё миллиард.  
Морт!  
Тэ уна вöчан-кужан...  
Сöмын тöдан он:  
Кодыр шыбитан öружье,  
Лоан медся ён.

## ВОЙСЯ ВОКЗАЛ

Тырыс йöз —  
И чукөрөн, и торйөн.  
Кодкө ассьыс висьтавлö история.  
Кодкө пуксөн узьö,  
Кодкө жöдзö.  
Ывла вылын —

Пемыд вой и кӧдзид.  
Быдӧн мунысь  
Кытчӧкӧ да кыськӧ.  
Дзескыд тан,  
Но йӧзыс динӧ кыскӧ.  
Ланьтӧм войын  
Югыд, шоныд дӧн  
Кажитчӧ вокзал,  
И кыскӧ сийӧн.  
Туйыс уна —  
Некыт абу пӧдса.  
Сюрас ӧдйӧ  
Кык-ӧ-куим тӧдса.  
Ёртясям...  
И — разаламӧй ылӧ,  
Гашкӧ, некор аддзысьлытӧм вылӧ.  
Олӧм вояс,  
Эг ме йӧртчыв стенӧн —  
Кымынысь тӧ корлӧд туйӧ менӧ?  
Кымынысь ме чолӧмавлӧ асыв  
Тӧдтӧм йӧзкӧд,  
Тӧдтӧм местаясын?  
Быд вокзалын лабич —  
Менам парта,  
Велӧдӧ кӧн Чужан мулысь карта.  
Юасьны эг пов  
И кывзӧ чӧла —  
Войтырыс  
Мем велӧдысьӧн вӧлӧ.

## МОРЕ ДОРЫН

*Эг ме аддзыв некор море...*

*В. Савин*

Тані варовджыкось йөзыс...  
Югыз шондї синъяс ёрө —  
Найөс шойччөда лөнь лөзас,  
Көни помтөм-дортөм море.

Эг ме аддзыв сийөс войдөр,  
Сөмын юрын чайтны кужи.  
Бытьё чуймөдана мойдын  
Лунысь-лун выль серпас чужө.

Талун море лөнь, а төрыт  
Крута кыпөдчис кыз кымөр.  
Эз-ө Войпөль парма шөрысь  
Кырсьнит отпускавны Крымө?

Лёкысь шыбласисны гыяс,  
Гөгөр пемдїс небесаыс.  
Кай көть мый вылнаө — кыяс  
Посни бусөн сола ваыс.

Эгө на и дөзмөй торъя —  
Төв ныр ышмыліс и дугдїс.  
Уна вожөн жургысь шоръяс  
Раммисны... А вылын югдїс.

Бара мелі саридз дорыс,  
Шонта лысьөм небыд жарнас.  
Ылө коли войвыв море —  
Помтөм-дортөм коми парма.

Чужан сиктөй — гажа берег.  
Пармабердсаяс — ми ставөн.  
Сэтысь петліс вына Пера,  
Сийөс сывліс Виктор Савин.

Ас нэм сьөлөм шөрүн видза  
Во гөгөр веж гыа мусö.  
Мыйкö вермас лоны — мича,  
Мыйкö вермас лоны — муса.

## А. С. ПУШКИНЛӨН МЕДБӨРЪЯ АСЫВ

*1837 вося январь 29-öd лунö асыв-  
нас А. С. Пушкин лыддис А. О. Ишимо-  
валысь «Россиялөн история челядьлы  
висьтьясин» книга. Гижис авторыслы  
письмö*

### I.

Төвся асыв.  
Шондi петö.  
Гөгөр югдö ньöжйöникөн.  
Пушкин аслас кабинетын  
Лыддьö сьөлөмсяньыс книга.

Сэтшөм чуймöдана висьтьяс!  
Со кыз, другъяс, гижны колö!  
Ыста авторыслы письмö,  
Но а коркö, гашкö, вола...

### II.

Александра Осиповна...  
Олөм шылыд туй эз вольсав —  
Аракчеев вöсна ковмис  
Сылы мунны Усть-Сысольскöдз.

Гырысь чинöдз воём лёк йöз —  
Тронлөн аслыспөлöс вуджөр...  
Роч ныв котыртис урокъяс,  
Танi босьтчис гижан уджö.

Комияслысь оланногсö  
Велöдiс и пыдди пуктiс,  
Дась пыр вöли сетны отсöг,  
Медым олöм налөн югдiс.

Йöзыс мырсьö лунысь лунö,  
Дорйысь сюрас оз-ö, аттö!  
Бур кыв некодлы жö шуны —  
Эз на чуж Иван Куратов.

Парма весьтын вöльнöй кылыс  
Сöмын сё во мысти юргас...  
Усть-Сысольскысь мывкыд нылöс  
Туйыс вайис Петербургö.

Некөн сьөлöмнас эз усьлы,  
Регыд петiс книга сьлөн,  
Көн историяыс Русьлөн  
Челядяслы лыддьöм вылö.

Лоны веськыдөн и бурөн  
Книга велöдiс и тшöктiс.  
Сэтшöм мортлы шудыс сюрас,  
Кодi тöдöмлунъяс öктö.

Сöмын поздысис и полöм:  
Кутшöмджыка артмис-петiс?  
Гижис адрес, көнi олö  
Русьлөн медыджыд поэтыс...

### III.

Пушкин пуктiс лыддьöм книга.  
Воча кывйын — ошкöм, эскöм...  
Ньöжйö осьтiс öдзöс иган.  
Час мысти —  
Дуэль Дантескöд.

\* \* \*

Ме төда: кадсö мем не венны,  
Но тавьсь шогсьыны ог мөд.  
Мед олас паськалысь Вселеннöй  
И сэнi паськалысь морт рөд!

Ракета пытшкын лэбысь шензьö:  
Сэн — кодзув, тан — комета бöж.  
И кольö лöгалөм да вензьöм,  
И вошö тöрытьяас лөж.

Мый юкны? — ставыс помтöм-дортöм,  
И нинөм асладөн он шу,  
Но лоö коланаджык ёртыд  
И донаджыкөн öтув шуд.

Ас дiнас кыскö ыли кодзув  
И туйсьыс ылавны оз позь...  
Ме төда: восьлалан кө водзö,  
Мый личкö — сьöрсьыд он и босьт.

## **МЫЙСЯ ТАЙÖ СНГ?..**

Абу еджыд,  
Абу гөрд —  
Выль держава — СНГ.

«Союз нищих и голодных» —  
Шога шмонитöны йöз.  
Донъяс тэрмасьöны содны,  
Но а лавка джадж — век прöст.

Нырнуöдысь вöли варов,  
Восьö, шуö, оландыр...

Кывзім мойдсö Москва карысь,  
Чой горув исковтiгтыр.

Сэсся янсöдчимöй ськöд,  
Синва некодлөн эз пет.  
Дзикöдз олём мян тшыки  
И оз другөн бурмы, дерт.

Кодöс тышын венлім коркö,  
Ыстö отсöг — вый да яй.  
Ветеран Василий Тёркин  
Ассьыс виччысьö жö пай.

Жуглам памятникъяс збоя,  
Паныд видлы шуны кыв.  
Вежам, вöйпам, жуллям, коям,  
Медым ошкис Рытиввыв.

Сэки радöсь, быттьö челядь,  
Ышмам и — мый лоан ло:  
Юксям лыдтём-тшöттём пельö,  
Кисьтам армия и флот.

Öта-мöдлы фи́га мыччам,  
Пырта́м быдөн ассьыс сьём,  
Разаламöй — кодi кытчö,  
Флагьясаным — кымын рём!..

Ас костаным чужысь зыкөн  
Шензьöдамöй вöльнöй свет.  
Дружбаöдз-ö нин, Ен ськöд,—  
Йöз серам эз артмы мед.

Сэн и тан граница пöдса.  
Овлö, сукмылас и грöз.  
Тивкöдöны öта-мöдсö  
Коркöя сöветскöй йöз.

Кодарланьö тадзсö мунам?  
Мыйла олöм лои голь?  
Мыйся тайö (он куж шуны)  
Сэтшöм-татшöм СНГ?

Казахстан и Украина,  
И Роч му, и Беларусь,  
Ме öд аслам чужанінын  
Абу жö дзик коньöр тусь.

Кодыр ас костаныд вензяд,  
Кодыр вежад оланног,  
Юасьыштöй тшöтш и менсьым,  
Сöглас лоа али ог.

Мед ми абу уна лыда,  
Водзвыв он на тöд зэв, он.  
Но народъяс пиысь быдöн  
Талун тöдö ассьыс дон.

Тшöктысь котыр вылын керö  
Талун сідз, а аски тадз...  
Муöй, вежөрнад ло тэрыб,  
А быд кöсийсьöмын надз.

Сöмын артыштін кö бура,  
Бöрийöм туйвизьöдыс мун.  
Ов, кыз мукöд, аслад юрөн,  
Менам муса Коми му.

\* \* \*

Бур ли абу — сьёлөмөс эг өлөд,  
Да и öнi казътыла кöть кор,  
Сэки тэнö тöждысьöдö вöли  
Кихну нима дiвiвса фольклор.

Еджыд юрси лöсьыдика гартчö,  
Быттö Эмайыги юлөн гы.  
Миян гөгөр — уна йöза Тарту,  
Юргö меным гөгөрвотөм кыв.

Он и шу, мый карыс öкмыс нэма,  
Гашкö, ачым том зэв вöли сэк...  
Юалiн тэ: коми йöзлөн эм-ö  
Важся мойд, кызд «Калевипозг»?

Көнкö ылö Коми муöй коли,  
Ог и жуглы весьшөрö юр вем,  
Ачыд меысь бура төдан, Олли:  
Көн народ — поэзия сэн эм.

Ванемуйзе улич кыскö гажөн,  
Варовитiм восьлалiгмоз дыр.  
Янсалөмны нэмъяс сайын важөн  
Калеви и Пера-багатыр.

Сөмын талун сьёлөм вылын долыд,  
Пöль-пöчьяс кö разалисны — мед.  
Öткодьлуныс пыдын зэв, а олö  
Аддзымөнъя меным со и тэд.

## ИЛЛЯ ВАСЬ ОРДЫН

Москва.

Вавилов нима улич.

Ме мудзöмысла усьны дась.

Со керка...

Гөгөр кургö гулю.

Тан олö-вылö Илля Вась.

Ме помöдз казьтивлыны кута,

Мый вöли сёрнитöма сэн.

Квартира — медся вылыс судта,

А сэсся вылынджык пö — Ен.

И некод лов вылö оз пуксьы,

А таысь бурыс оз и ков,

Öд кутшöм ыджыд сулис дзугсьöм —

Быть виччысь мыйысь кö да пов.

Со, шуö, юрам воис бара:

Ми улын мулön паськыд от,

Зэв öдйö вайис Сыктывкарö

Кöрт бордъя тэрыб самолёт.

Кыв велöдысьяс уналаысь

Тшöтш танöсь — кымын бур талант!

Но со тай, трустыд, эг во наöдз —

Ме ковтöм мортön лои тан.

Ас муын,

Коді олöм сетіс,

Көн бурас эскиг, вöли збой...

Ме самолётысь муртса петі,

Друг кыла — кутö кодкö сой.

И век на казьтылöмыс сотö

Сы йылысь, кыдзи — наян, ён —

Бөр йötкис менö самолётö

Сыв пасьта пельпомъяса зон.

Дерт, сылы кодкө сетіс индөд,  
Мед — враг не враг — но муніс тась.  
И со нин бергалёны винтяс —  
Бөр төвзё-лэбё Илля Вась.

Ті кытчө гөгыльтчанныд, вояс?  
Ми костын некод эз вөв руй.  
Мый вөлі көсьям, а мый лоис?..  
Да эз куш меным потшны туй.

А Виттор?.. өти шуштөм арө,  
Кор помассис нин сылөн срок,  
Сьёд гижөд воис Сыктывкарысь:  
Мед Савин лагерысь эз лок.

Со кутшөм притча мортсө суис,  
И воши комилөн поэт.  
А коді тадзсө вундіс-шуис,  
Оз небось йөз син водзё пет.

Москва.  
Вавилов нима улич.  
Тан овліс миян ыджыд ай.  
Ас муос нимөдөмысь  
Улөдз,  
Бур ёртяс, копыртчамө вай.

Көть мыйыс нэм чөжнас эз вичмыв,  
Көть кутшөм гы вывті эз кывт,  
Век аслас сьөлөм шөрас видзис  
Ас чужан му,  
Ас чужан кыв.

Вөр-валысь вунны позьтөм горсө,  
Зэв важсянь пуксьөм оланног,  
И мывкыд юра коми мортсө,  
И сылысь гаж, и сылысь шог.

Ті кытчö тэрмасынныд, вояс?.. —  
Быд лоомторлы ло век дась:  
Пыр кежлö Коми муö воис  
Василий Лыткин — Илля Вась.

Ми воксö ышöдö и öзтö,  
Эг некор лолөн усьöй мед,  
Став олөм сиис коми йöзлы  
И тадз жö тшöктö мем и тэд.

## ХОСТАЫН РЫНОК

Шонді  
Жарысла  
Бытьё тшынын,  
Уна гөлөса  
Ызгö рынок.  
Быдөн пробуйтны  
Ассьыс вöзйö,  
Киад суйыштас,  
Кöть он кöсйы.  
Видлöй:  
Персикъяс,  
Слива,  
Вишня...  
Ньöбны тэрмасьöй —  
Буретш кисьмөм.  
Дзор абхазец  
Пуджöма сосьяс:  
А-лы-ча,  
Ар-буз,  
Аб-ри-косьяс!  
Жарсьыс ковтатөм,  
Сöмын липта,  
Тьötка вöзйö кор  
Эквалиптлысь:

Кынмөм,  
Юкалөм,  
Мыт и пөрөс —  
Висьөм сибавлө  
Уна пөлөс.  
Пөжөм коръясөн  
Пось ва юад —  
Пыр жө личодас,  
Аттьө шуад!  
Водзын —  
Өрешки, яблөг, груша...  
Суйны-вөзйыны  
Войтыр кужө.  
Джуджыд чукөрөн —  
Помидор,  
Ягөд-фруктайд —  
Пом ни дор!  
Жөдза йөз пытшкын,  
Петны жаль на,  
Тар моз гонняла  
Шензигтыр.  
Бокын чөв олө  
Өтка пальма,  
Асшөр думъясөн быттьө  
Тыр.

## **ЯЛТАЫН СЁР АР**

Тайө абу визув ю,  
Тайө море.  
Гырысь гыён вальялө  
Сылөн морөс.

Уськөдчылас ызгөмөн  
Берег вылө,

Посни изйыс бөрсянныс  
Сялякылө.

Водзын клювзö гораа  
Каля котыр,  
Найöс тадзи кывлывлан,  
Зэрмö кодыр.

Шочиника шондiыс  
Дзарснитлывлö,  
Рöмдан выйöдз син водзын  
Вежсьö ывла.

Ыджыд судно кытчöкö  
Кывтö ылын,  
Кутшöмöсь кöть гыясыс —  
Мый нö сылы.

Кодарö кöть туйвизыыс —  
Кывт дай сöмын,  
Кольöдысь маякыскöд  
Синмасьöны.

Море весьтын öшйöма  
Сьöкыд кымөр,  
Арся слöтыс воöма  
Тшöтш и Крымö.

Гудыртöма ывласö,  
Чусмөдöма,  
Пасьялöма дорала  
Рудов рөмөн.

Ньöжйöникөн восьлала  
Берег пöлөн,  
Важ газетьяс лэбөдö  
Кыптöм тöлыс.

Кымöрыс ли думанöй  
Лолöс личкö...  
Вылын öтнас югвидзö  
Еджыд вичко.

\* \* \*

Февраль — и Ялтаын февраль,  
Веж пальма гөгөр гартчö турöб,  
Дзик быттьö Эжва бокрын дурö...  
И мыйкö друг мем лои жаль.

Ас нэмön мунли-ветли кыт,  
Мем öнi сьökыд весиг шуны,  
Но некор Помöсдин ог вунöd  
И Тима Веньлы сиöm рыт.

Кön быттьö пызан вылын нянь,  
Мем лои ас — позтлön муза,  
Кön öти рытön лои муса  
Рам видзöдласа коми ань.

Ас пытшкын радлунöс эг кут,  
И вöли енэж тырыс кодзув...  
Но чайтi сэк, мый ставыс водзын —  
Шань ёрт, поэзия и шуд.

Эг кутчысь талуньяас ме,  
Пыр волi öти кывйö аскöd,  
Мый шуда лоа коркö аски,  
А луныс исковтiс кö — мед.

И со, лым шапкаа миндаль.  
Зэв ылын сикт, кön тырыс пожöм...  
Да, вöвлi сьөлöманым гожöм,  
А öнi ми костын — февраль.

## ЛИАНА И ДУБ

Лиана, мича коръяса да вӧснъид,  
Ён дубкӧд орччӧн сатшкис муӧ вуж  
И шуис: тӧнӧ сывйыштны ме кӧсья,  
Ӧд нэр ме — ӧткӧн сулавны ог куж.

И мӧдӧс вывлань гартчыны пу гӧгӧр.  
Дуб лои сывйын, лолыштны оз позь,  
Но любуйтчисны весиг медся стрӧгьяс:  
Со, томулов, примерсӧ кодлысь босьт!

Кытш бӧрся кытш — лиана зӧлис овны,  
Дуб косьмис сывйын (кутшӧм таын шуд?),  
Но кодыр ловсӧ сетны весиг ковмис,  
Дзик некод сӧйӧс кывзыны эз кут.

Дуб уси ратш, лиана уси ськӧд,  
А эз ӧд овны кызисюрӧ, зыкын...  
И лои ставлы гӧгӧрвотӧм сӧдз.  
Но кодсюрӧяс бызгӧны нин танӧ:  
Ак, мучитчӧма кутшӧма лиана,  
Со — дубыс, вӧлӧм, вылысӧдзыс сӧсь!

*Югыдыслысь помсӧ, кытчӧ эз на  
воны паськалысь медся ылыс галакти-  
каяс, аддзисны 1989 вося декабрын  
США-ысь астрономьяс Доналд Шнай-  
дер, Мартин Шмидт и Джеймс Ганн*

\* \* \*

Аддзӧмаӧсь югыдыслысь пом,  
Ылдӧсыс пӧ тасянь пӧрӧ кадӧ...  
Пемыд вежӧрсай,  
И вор ни ком —  
Адӧй!

Ыджыд бипур öзйö уна нэм,  
Би киньöс моз кодзувъяссö сьякйö,  
Кадысь кадö юрö волö мем:  
Кор да кодi öзтынысö сяммис?

Гөгөр лыдтöм-тшöттöм гусятор,  
Унджыкөдзыс, гашкö и, не воны...  
А öд енкöлаас ловъя морт —  
Медся ыджыд дивö, вермас лоны.

\* \* \*

Быд мортлөн овлö сэтшöм кад,  
Кор гортысь мунны сийö рад.  
Пыр водзлань видзöдö — оз пöt,  
И немся майшасьöм оз тöд.

Мый вöли мөвпөн, лои збыль,  
Быд здукөн серпас восьö выль,  
А вөр-ва гөгөр — ов да ов,  
Сы дорысь бурджык оз и ков.

Но воас сэтшöм вой и лун,  
Мый мортыс воштас асьыс ун,  
И сэки, ку пыткас оз төр,  
Ас думнас гортлань лэбö бөр.

\* \* \*

Кодзувъяс, Галактика,  
Видзöдлан да акнитан.  
Сьökыд гөгөрвоны мортлы,  
Мый сэтшöмыс:  
Помтöм-дортöм...

Лэб көть лыдтөм-тшөттөм во,  
Некор туйлы пом оз во.

Но ме төда:  
Туйыс корө...  
Кылас гымыштөм шы гора,  
Биыс швачкас муө —  
Гөрд,  
Сэки өвтыштасны киөн  
И оз босьтны му выв пиян  
Ариадналысь<sup>1</sup> кузь шөрт.

## XXI НЭМСЯ МОРТЛЫ

Кутшөмөн тэ лоан сё во мысти?  
Эска —  
Вичмас радлун, а оз шог.  
Кодзувъяслань тэ ракета ыстан,  
Төдмалан ас мулысь тэчасног.

Мунны верман ылө,  
Верман — матө,  
Быд граница —  
Ёртъяс костын визь.  
Оз нин понды повзьөдчыны атом,  
Сё арөсөдз некоді оз вись.

Вөр-ва лоө быдсяманас озыр,  
Виччысьтөг оз лымъяв ни оз зэр,  
И, дерт, сөстөм юяс кузя оз нин  
Гожөмбыдөн кывт ни өти кер.

---

<sup>1</sup> Ариадна — греческөй мифология серти Критса Минос царлөн ныв. Отсаліс Афиныса герой Тесейлы петны лабиринтысь шөрт тупыль отсөгөн. Ариадналөн шөрт — өнія сёрни серти — отсалө аддзыны бөр воан туй.

Унаторйын ылö водзö мунан,  
Аслад уджөн содтан мулысь мич...  
Сöмын миян йылысь эн жö вунöd —  
Бур вöснаыс пессим тшöтш и ми.





**ТЭ, МЕНАМ КОДЗУВ...**

(вуджодом кывбурьяс)





*Александр Пушкин*

### **ВАКХИЧЕСКОЇ СЫЛАНКЫВ**

Мый гаж шöрын лои друг лöнь?  
Вай öтвылысь горöдам сывны,  
Мед лоины мелiөн нывъяс  
И аньяс эз öтдортны скöнь.  
Ас стöканад кисьталöй унджык,  
Сук винаыс — би,  
И пыдöсас тi  
Бур сиёмөн шыблалöй чунькытш.  
Мый стöканö кисьтöма, помöдзыс юам,  
Мед оласны музаяс! — Гораа шуам.  
Тэ, шондiй, садьмөд вай му!  
Со лампаным югыдсьыс чусмö —  
Тадз ылөг кыв вошö, кыз ру,  
Кор кыаыс сывйыштö мусö.  
Лöж велөдөм югөр оз кой.  
Мед дзирдалас шондi, мед разалас вой!

\* \* \*

Ылөдас кө тэнө олөм,  
Таысь скөравны оз ков,  
Кутышт асьтө, лөня ов:  
Кыпыд луныс, эскы, волас.

Сьөлөм виччысьөмөн тыр,  
Өнъяыслөн доныс ичөт;  
Ертанөй, эн өшөд ныр —  
Лоө аскиаыс мича.

*Михаил Лермонтов*

### **И ГАЖТӨМ, И ШОГ**

И гажтөм, и шог мем, и некодлы мыччыны ки,  
Кор жугыльлун сөйөмөн сөйө...  
Бур көсйөмьяс?.. Мый наысь? Весьшөрө ылавлам ми,  
А воясным лэбөны — медся бур вояс!

Дерт, радейтны позьө, но здук кежлад — вежөй оз  
пет,

Оз дыр ов морт сьөлөмын тулыс.  
Тэ ас пытшкад видзөдлы сюся и воссяс сэк тэд,  
Мый төрытья шуд талун грөш дон оз сулав.

Йөй сьөлөмөй пессывлис, вөвлытөм муслунөн тыр,  
А кватитчан... Мый сыын выльыс?  
И бөрынджык, садь юрөн мөвпалан ас йивссыд дыр,  
И кажитчас олөмыд ковтөмөн збыльысь.

\* \* \*

Век овлө көнкө аръядорыс  
Зэв дженьыдик, но чуймөдана кад —  
Сөдз мичлун ывла вывсө дорө  
И немся шы он кивлы тат.

Оз сьыв нин чарла тэрыб кинь,  
Яр шонді синьястө оз ёр,  
И черань везлөн вөсни сывс  
Тэ гөгөр кывтө пом ни дор.

Збой лэбач котыр разалисны ылө.  
Быд ловья төдө көдзыдыслысь сям,  
Но талун шонид визувтө зэв рам  
Лөнь муяс вылө...

Афанасий Фет

\* \* \*

Вои чолөмөн тэ дорө,  
Висьтавыны, мый шонді петіс,  
Мелі югөр синтө ёрө,  
Быдмысь корлы вынсө сетө.

Вои висьтавыны, мый вөрын  
Олөм казялі быд пулысь.  
Лэбач сьылөм — сьөлөм шөрын,  
Олан-вылан, гажа тулыс!

Вои висьтавыны, мый венө  
Важсө выльыс, кызди кужө.  
Кыпыдлун дырйи и менам  
Тувсов сьылан сөвмө-чужө!

\* \* \*

Чужан муой! Вөт и вемөс.  
Ставыс мелі шонді кытшын.  
Көсйи эськө ме ас нэмө  
Вошны вөр-ва шыяс пыткад.

Турун вылын восьсаинын  
Бытьё ризи — югыд лысва.  
Вөсни бадь пу — манакия —  
Копрасьё со рамлунысла.

Кымөр нюръяс весьтын ылын  
Пуркийё еджыд тшын моз мусянь,  
А ме думөс кодкө йылысь  
Дзеба сьёлөм дорын гусьөн.

Мый эм, ставсө йөзлы коя,  
Медбур кывьяссө дась шуны.  
Тайё му вылас ме вои,  
Медым өдйөджык бөр мунны.

Сергей Есенин

\* \* \*

Арся корйыс усьё увлань кытчөсюрө,  
Бытьё рыжой вөвлысь сыналёны бурись.

Зяткө берегьясө подков ышмөм гыён,  
Енэж мегыр улын ворсө рытья кыа.

Манак-төвру мунө аслас туйөд ньөжйө,  
Джуджыд пелысь водзын югыд биён öзйө.

Төвру окышто, кыз быттьо өзьян розйис  
Вирон ойдом рана тыдавтөм Христослөн.

*Сергей Есенин*

\* \* \*

Вой нин воо, мем оз узьсы,  
Коть и шонид, коть и лонь.  
Ветла юлань, кытчө усьо  
Толысь югор — зысь вонь.

Сэни, кыз пу вывтасын,  
Быттьо вичко шорын сись.  
Сэни йиджас сьолөм динөдз  
Дзор гуслярлөн войся висьт.

Ворс вай, аслым вөля сета,  
Йокта, мыйта тырмас вын.  
Гусли шы улө кө пета,  
Меысь, аньой, тэ он мын.

Йоктам пөттөдз да и дугдам,  
Сэсся корсям пемыд рас.  
Вошлам, кытчөдз дзик оз югды  
Асьядорыс енэжтас.

*Сергей Есенин*

\* \* \*

Ытва. Лоньо толыс.  
Ваыс оз нин сод.

Шыбитөма төлысь  
Кольквиж дом повод.

Ыджыд пыжөн кывта,  
Сувтла тан и сэн.  
Туом ваыс вывті  
Лөсьыд кывтны мен.

Турун зорөд ылын,  
Вичко ыджда дзик.  
Көнкө дозмөр кылө,  
Ланьтө войлань сикт.

Чөскыд унмөн узьö  
Варов кыз пу пас.  
Тэ вöсна ме гусьөн  
Чөвта пернапас.

*Сергей Есенин*

\* \* \*

Гумла сайын гора гузьöбөн,  
Векни ордым гартчö кыт,  
Рекрут чукөр хромка гудökөн  
Гажөдчисны рытивбыд.

Шогсö пальöдісны сьылөмөн,  
Бөрья луньяс со нин дзик:  
«Прөщай, гортса олөм-вылөмным,  
Прөщай, дона чужан сикт.»

Мый сэн водзын? Асьтө пөрьявны  
Талун, төдөмысь, оз ков —  
Гожся рытө, гашкө, бөрьяысь  
Зоньяс ышмөдöны лов.

Тракийӧдлӧны кудри юрсинас,  
Оз и куслы йӧктан гаж:  
«Ноко, вильыш нывъяс, бурсийӧ,  
Талун ыждавны шабаш».

Важ олӧмкӧд йитӧд орӧ нин,  
Тӧдчӧ янсӧдчӧмлӧн пас.  
Нывъяс синъяснаныс корӧны.  
Ветлыны, кӧн пемыд рас.

Югыд сикӧтшъясӧн ворсӧны,  
Дэльӧднысӧ эм тай сям.  
Со нин кыскӧ ылысь горзӧны —  
Сэтчӧ чепӧсьяс и рам.

Кустьяс сайын гора ноксьӧмысь  
Гӧлӧс сетӧс повзьӧм сюзь.  
Нюмъялӧмӧн пӧльӧ лӧтсьӧдӧ,  
Сьӧкыд пеля, но зэв сюсь.

Гумла сайын гора гузьӧбӧн,  
Сылигтыр да йӧктигтыр,  
Рекрут чукӧр хромка гудӧкӧн  
Тавой гажӧдчисны дыр.

*Сергей Есенин*

\* \* \*

Рышкыд сӧчӧнъяс сӧр вылынӧсь,  
Ырӧш лагунысь оз быр,  
Тӧрӧканъяс кышакылӧны,  
Паччӧр весьтын найӧ тыр.

Пӧрысь каньным кузь лун швачвидзӧ.  
Сов доз дорын уль кольк кыш.

Мамö чöла ноксьö пачводзын,  
Сöмын гөрбыльтчöма мыш.

Коръя шойчынысö слöймылö —  
Сувтö водз, а удж оз чин.  
Пödөнчалань лысьтöм йöв вылö  
Сатшкысьöма каньлөн син.

Чипан котыр сёян корсьöны,  
Шоныд мусö гудйö кок.  
Сьылö öбöдня, оз сорсьывлы,  
Миян Петя-петушок.

Öтдортчöма ас чой-вокьясысь,  
Збой да визув, бытьё би,  
Зильö пырны дженьыд кокъяснас  
Сийöс пытшкö кычипи.

*Сергей Есенин*

\* \* \*

Русь тэ менам, сьölөмшөрöй,  
Бытьё öбраз — керка стен.  
Мун кöть водзö, мун кöть бөрö,  
Лöзөн ойдö тан и сэн.

Лышкыд, некодöс он топöд,  
Оз чуж тані шум ни зык.  
Сикт помланын джуджыд тополь  
Муртса енэжсö оз пык.

Яблök көрөн öвтö, маөн  
Тэнад вичкоясын Спас.  
Том йöз со чукöртчöмаöсь,  
Быдөн на пиысь мем ас.

Ветла, помассьö көн сиктыс,  
Вошла, төвру вошлө көн.  
Меным воча, быттьö сикötш,  
Киссьö серам нывъяслөн.

Вөзъясны кö кымөр сайысь:  
Эновт Русьтö, райö мун!  
Вочавидза: оз ков райыд,  
Вайöй меным чужан му.

*Сергей Есенин*

*Шура чойлы*

\* \* \*

Татшöм мичаяссö эг аддзыв,  
Воклысь шуöмсö юрад тэч,  
Аслад том гажөн, пасья татчö,  
Менсьым томлунöс вуджан тэ.

Пөлöзничаа бурсиöмöй  
Дзоридз кодьыс жö югыд, лöz.  
Ылын-ылын зэв идзас рöмидз  
Шога курччалö мян мös.

Сьыв мем, гөлöсyd тэнад мелі.  
Сьыв, и шогö ог усь, ог кув.  
Век на ыпьялö гортын пельысь,  
Тыртö корьяснас öшинь ув.

Кыдз нин мамным сэн, муса Шура?  
Дзикöдз эновтi чужан сикт.  
Арся корьясөн вильыш турöб  
Кильчö вывнымös тыртіс дзик.

Бытьё кыкнаннымөс бөр корё,  
Гашкё, нормыштан, гашкё, он,  
Отнас пөдлалём завор дорын  
Бөрдё-омлялө миян пон.

Но ми огё нин сэтчө пышйой.  
Менам киясын — гортса, ас,  
Тэнад мича рязанскöй чышъян,  
Кольём кадыслөн югыд пас.

*Сергей Есенин*

*Шура чойлы*

\* \* \*

Сыв мем, чойой, кыз тэ сөмын кужан,  
Буретш сійөс, мый сывывливліс мам.  
Вай жё заводит, кадсө эн нюжөд,  
Ме тэд отсышта, мыйта эм сям.

Вояс кутшөма кыскөны вөлөм.  
Найө миянсянь ылынөсь мед.  
Тэнад гөлөсыд вөрзьөдө сьөлөм,  
Бытьё бара на гортын со ме.

Сыв, мед сьөкыдыс здук кежлө вунлас,  
Олан туйысь мед вешйылас грөз.  
Сөмын синъясөс неуна куньла,  
Водзын сувтлөны медмуса йөз.

Чужан сикт йылысь казътыла карын.  
Миянланьё эг волы нин дыр.  
Сэтшөм нимкодъ мем аддзыны бара  
Мамөс, коді век төждлунөн тыр.

Ак, кыз олөмлы коркө ме радлі,  
Кызди радейтлі ставсө тэ моз —  
И сөдз мичлунсө унзіля садлысь  
И рам пелысьлысь өзьяна роз.

Бара видзөда ме кыз пу вылө,  
Сійө ловъяөн кажитчө тан.  
Югыз зарниа көсаыс сълөн,  
Еджыз дөраысь кузь сарапан.

Сыв, мед сьөлөмыд жугыль ру венас,  
Мед и винаыс ылыстас вой.  
Өшинювса том кыддзөн тэ меным  
Талун кажитчан, сө муса чой.

*Сергей Есенин*

\* \* \*

Корьяс усьоны, корьяс усьоны,  
Шөйтө вой төлыс,  
Бытьтө орт.  
Коді бурмөдас көть нин гусьоник  
Коньөр сьөлөмөс менсьым, ёрт?

Мудзөм синьясөн аддза кыасө.  
Бледмөм төлыськөд пышйө вой.  
Петук виччысьтөг ылын шыасис,  
Лэчызд гөлөса и зэв збой.

Асыв. Кодзувьяс век на өзйөны  
Енэж пасьтала — тшөт не тшөт...  
Буретш нөдны мем ассьым көсийөмөс,  
Да мый көсья, ме ог на төд.

И мый көсийыны тайө олөмас,  
Кодыр дась сөмын ёран кыв?

Гашкө, сөмын мед өтнас воливліс  
Өшинь улөдзыс авья ныв.

Медым пөлөзнича лөз синъяса,  
Буретш сэтшөм,  
Мый мөд оз ков,  
Кодлөн кывъясысь эськө инасис  
Менам сьөлөм и менам лов.

Мед и водзө вылө мем овны кө,  
Менө, шудаос, шог эз таль.  
Медым нылыслөн кыпид томлункөд  
Аслам томлунөй эз вөв жаль.

*Сергей Есенин*

\* \* \*

Ме казгытыла, мусаөй, өнөдз  
Сөдз синъяс и юрсилысь дзирд.  
Ме өні ог төд — найө көнөсь,  
Көть тэ быттьө син водзын дзик.

Лөнь шыяса арсө ог вунөд  
И унзіля кыдз пулысь сой.  
Мед дженьыдось вөліны лунъяс,  
Но кузь вөлі төлыся вой.

И висьталін меным тэ сэки:  
«Мый виччысьө водзын — ог төд,  
Но вунөдан регыд тэ менө  
И мусаөн лоө нин мөд.»

Ак, вояс... Со дзордзалө нинпу.  
Мем унатор тыдовтчис тась.  
И бара на казгытыла нимтө,  
И бара на радейтны дась.

Ме сулала мөдкөд, но вөлөм  
Выль радейтчөм другон оз чуж,  
И тэланьё чепөсийо сьөлөм  
И мөд ног оз көсийы, оз кууж.

*Сергей Есенин*

\* \* \*

Тэныд, мусаой, ме вөзья —  
Пуксям орччөн лөня, бура.  
Мелі синьяс водзын көсья  
Кывны сьөлөмпытша турөб.

Тэнад юрси — небыд зарни,  
Сэтчө, сибөдан кө, воша.  
Видзөд: ывла вылын ар нин,  
Да и миян абу гожөм.

Важөн чөвті чужан пельөс,  
Өні карын менам гортөй.  
Сёрниясысь сьөдмө пельөй:  
Ме пө лои эштөм мортөн.

Гашкө, сы вөсна и юлі,  
Медым сиктөй юрысь петіс,  
Көні лягуша шы улө  
Быдті ачымөс позтөн.

Сиктө өні ар жө воис.  
Кор нин усьө нинпуясысь.  
Найө асывсяньыс войөдз  
Таркөдчөны өшиньясө.

Мыйла сэсь оз шыав гажөн? —  
Сьөкыд гөгөрвоны пулы.

Олысьясыс зэв нин важөн  
Чөв олөны крестьяс улын.

Ми өд на бөрся жө мунам  
Некор бергөдчытөм вылө.  
Та вөсна и көсья шуны:  
Век жө шань тэ, олөм-вылөм.

Со и, мусаёй, ме вөзя —  
Пуксям орччөн лөня, бура.  
Мелі синьяс водзын көсья  
Кывны сьөлөмпытша турөб.

*Сергей Есенин*

### **ДОРЧЧЫСЬ**

Кузнечаын жар да тшына,  
Ноко, суйлы татчө ныр —  
Пытшкас сэтшөм сьөкыд сынөд,  
Юрыд кольмас пырысь-пыр.

Пачын ёрө синтө өгыр.  
Дорччысь быттьө мудз оз төд,  
Сөмын би кинь сявкиё гөгөр,  
Дзирдыштас и со нин сьөд.

Көртсө кусньөдлө, кызд көсьйө.  
Крепыд дорччысьыслөн сой.  
Синмыс өгыр моз жө озйө,  
Аттө, видзөдласыс збой.

Ковгы, ковгы, сьөкыд мөлөт,  
Шыыд ылөдз кыліс мед,  
Полысь-няргысьясөс өлөд,  
Ыджыд вынтө налы сет.

Дорчысь, чорыдджыка клёнöd,  
Медым ёнджык лои көрт,  
И мый көсьян медся ёна,  
Сійёс олёмö тэ пöрт.

Көсьян, мөвпнад вылö качлы,  
Лöзалö көн енэж йир.  
Сэни аддзылан тэ ачыл  
Югыд шондйсылысь дзирд.

Тэнад бурмылас сэк сьөлөм,  
Бырас нэмөвöйся мудз.  
Аддзан, кутшөм мича вөлөм  
Дзоридзьясөн вöччөм му.

Гөрөм муяс, паськыл видзьяс.  
Абу му, а веськыл рай.  
Тайö мичас, дорчысь, видзöd,  
Тэнад медыджыл на пай.

*Сергей Есенин*

\* \* \*

Сьöd пратьөн паськалөма вöрыс,  
Сы весьтын дзузгö кодзув би,  
А тöлысь пемыдлöz видз шöрын  
Дзик быттö вошөм баляпи.

Лөнть тыысь люкалыштас васö  
И весиг сёлöдчөм оз кыв,  
Но быттö ляпкыл берегьяссö  
Сы бöрын лайкйöдлыштас гы.

И бара ковтыс весьтын öшйö  
Лöz чөв-лөнть, кодй сетö вын,

А паськыд степті кывтö ньöжйö  
Льöм пуяс дорсянь еджыд тшын.

О степь, тэ чужан муөн шусян.  
Ме гөгөр эзысьруд ковыль.  
Тан, овлö, жугыльлунö усьла,  
Но муса тэ, и тайö збыль.

Тэд коркö шог, и долыд коркö,  
А вылын помтöм енэж йир,  
И сыланьö тэ чöла дзорган,  
Көн гулю кодь быд кымөр чир.

Но тэ и сэк, йöз дорö сибыд,  
Ас пытшсьыд нинöмтор он дзеб:  
И Урал-из, и кодзыд Сибирь,  
И көмтöм кокын сьöкыд чеп.

*Сергей Есенин*

\* \* \*

Тöлысь югөр муö усьö.  
Шуштöм войыс пеля-синма.  
Ен ув пельöс вывсянь гусьөн  
Нюммуныштіс Магдалина.

Таысь кодöскö, зэв збойöс,  
Пыр жö завидьлуныс бытшкис.  
Синсö шарödöма войыс.  
Тöлысь — еджыд лайкан пытшкын.

Гартчö турöб тройка-вöла.  
Ньылöм петö — сöмын чышкы.  
Няргысь öрешки пу сölö  
Вельмöм турöбыслы мышкас.

Мустом Кулом ёстьо бритва,  
Со нин бёрдö Магдалина.  
Тайö менам тэд молитва,  
Тыдавтöм, но пеля-синма.

*Сергей Есенин*

\* \* \*

Ворс, тальянка, збоя, ворс, тальянка, гажöd,  
Казытыла томдырös, кодi коли важön.  
Пипуой, эн шувгы, туйой, эн ло буса,  
Сыланкыв мед лэбö, көнi олö мусук.

Кылас да и сэсся бёрдыштас мед эськö,  
Кöть и тöда, öнi ставыс сылы веськодь.  
Абу кө... И сэки майшасьтöгыс олас.  
Көн тэ, менам шудлун? Кодлы нö ме кола?

Лэбззы, сыланкывйой, нинöмысь эн повззы,  
Шудыс менам лолын некор нин оз ловззы.  
Но а олан гажыс талун эм на тан кө,  
Сийös кутö сьылöм да и тэ, тальянка.

*Сергей Есенин*

\* \* \*

Мичлунсö мегыр кодь энэж оз дзеб,  
Руд энэжтасланьыс тэрмасьö степ,  
Сикт весьтын тыдалö везьясьысь тшын,  
Ракаяс горзöны — наысь он мын.

Бара ме аддза и видзѳда дыр  
Бадьясѳн мичмѳдѳм гѳрд сѳя кыр.  
Ты весьтын гыалѳ зарниѳн зѳр,  
Чушканзѳ аскѳдыс вайѳ ма кѳр.

Чужан му пельѳсѳй! Русь и Мордва!  
Уна кузь нѳмьяслѳн визувтѳс ва.  
Тыдавтѳм ангельяс жуѳны кѳн,  
Вунѳдѳм крестьяссиян разалѳ звѳн.

Лыйсян веж кѳдзыд и лов сотысь би  
Тѳдлѳсны, чужан му, тѳнад ныв-пи.  
Аддзан и вѳрзьѳдтѳм мичлунсѳ тась,  
Со сѳйѳс кымынѳн пурыштны дась.

Сѳмын ме тѳда — оз вужьясь тан лов,  
Кодѳ оз тѳд, кызѳи шедѳ нянь-сов.  
Сибырлань туй вылѳ пуксьѳ сьѳд вой,  
Зельѳдчѳ чеп — сыысь кокьясын дой.

*Сергей Есенин*

\* \* \*

Тѳ, менам кодзув, ѳзѳйы ылын  
Да кѳдзыд югѳрьястѳ кой,  
Ѳд гажтѳм лоѳ шойна вылын,  
Кѳн кыссьѳ помасьлытѳм вой.

Тѳ, кодзув, — август, воѳм рудзѳг,  
Тѳ, кодзув, — ыбьяс, пом ни дор,  
И лѳбысь турияслѳн мудзѳм  
Да налѳн нора шыа гор.

Кор вывлань чатѳртыштан юртѳ,  
Ыб весьтын, кытчѳ кѳть он мун,

Важ сьыланкывлөн кылö юргöм,  
Көн ай-мам керка, чужан му.

Тан ставыс ас и ставыс инмö.  
Со, менö норзьöдыштны мед,  
Кыз корйысь усьö быттьö синва  
На вöсна, кодöс чöвтлі ме.

А регыд, регыд, тöда тайöс,  
Кыз кор моз уся-муна тась,  
И шойनावывса потшöс сайын  
Мен куйлан местаыс нин дась.

Кыз муö суйöм кöдзыд гортйын  
Дзик ставыс веськодь лоö мен.  
Руд изтор сувтöдасны ёртьяс  
И гажа кывбур чужас сэн.

Да эськö ме тшöтш, мый кöть кусі,  
Руд изсö шогнас эг жö ляк:  
Ас чужан муыс сылы муса,  
Кыз вина юысьлы кабак.

*Расул Гамзатов*

\* \* \*

Джигитьяс, овліс, лөгасьлывлöмаöсь<sup>1</sup>,  
Но воліс ань и, кодыр лолі чöv,

---

<sup>1</sup> Тайö кывбурсö ме лыдди трибуна вывсянь 1993 вося сентябрын Махачкала карын (Дагестан), көні сэки паськыда пасйисны народнöй поэтлы 70 арöс тырöм. Расул Гамзатовкөд орччөн президиумын пукаліс Чеченскöй республикаса президент генерал Джохар Дудаев. Йöз пöся примитісны кывбурсö (лыдди комиён, сэсся — рочөн). Тыдалö, лöсяліс сэкся кадыслы: Кавказын ыпьяліс война.

На костö чышъян шыбитліс, и таысь  
Ки лэдзліс ёсьтöм шы и зэлыд ньöв.

О, мича аньяс, сэтчöдз, кытчöдз яра  
Веж муяснымöс сёйны эз кут би,  
Кыдз важөн, чөвтöй йöзыс костö бара  
Сöдз синва сора чышъянъястö ті.

*Расул Гамзатов*

\* \* \*

Водз воысь гөстяс оз пукавны дыр,  
Шулöны йöз костын миян.  
Водз локтіс Радейтчöм. Шуи ме: пыр...  
Рыт воис — тан на век сійö.

Верді и юкталі. Мый нöшта? Пет! —  
Водз воём гөстяös кора.  
Абу ме гөстя, а кöзьяка тэд, —  
Вочавидзö серам сорөн.

*Николай Володарский*

\* \* \*

Ме дорын орччөн  
Том нывбаба узьö,  
Малыштны окота сійös,  
Но ме ог торк унсö,  
Видзöда, гусьөн,  
Топöда ас бердö киös.

Нимкодъ мем сыысь,  
Мый веськалі татчө,  
Öд төдтөмөсь вөлімөй  
Төрыт.  
Мөд дивө өшиньяс сайысь  
Ме аддза —  
Дзирдалө лым гожом шөрын.

Серпасыс вөрзбөдө лолөс...  
А көсьян? —  
Окота садьмөм мысьт шуны:  
Дась тэкөд, мича ань, —  
Тэ сөмын вөзйы —  
Сизим му-ва сайө мунны.

Төдөмысь,  
Тэкөд ме шуда зэв лоа,  
Тырмас нин кадсө весь лотны...  
Еджыдас сунімөй...  
Садьмы...  
Ми воим...  
Пуксьө нин со  
Самолётным.

*Василий Журавлёв-Печорский*

\* \* \*

Увтасіныс быттбө ыджыд тасьті,  
Тырыс гырысь мырпом,  
Синтө ёрө.  
Вөр-ва сійөс йөзлы, дерт жө, дасьтіс:  
Шойччыштөй да чөсмасьыштөй, —  
Корө.

Дивö-сёян!..  
Шонді рёма мырпом  
Пасьталаыс, кытчöдз судзö синным.  
Чöсмасимöй, бергалігмоз, дырководь.  
Пөтімöй,  
А вотöс эз и чинлы.

*Яакко Ругоев*

*(Карельской поэт)*

## **ПЫЖ ВÖЧЫСЬ МАСТЕР**

Томиник мастер пыж вöчö зіля,  
Абу öд шутка:  
Артмас ли оз ли...  
Медым эз дзибрась — вöчöма кильöн,  
Пыж упруг — тусяпу,  
Пелысьяс — козйысь.

Ёсь нырыс пыжлөн, но бокъяснас паськыд.  
Эн полöй некод —  
Верманныд сөвны.  
Парус мед кыпöдны, сулалö мачта.  
Оз падмöд бушков,  
Оз повзьöд төв ныр.

Вöрасын тыдалö пöльяслөн сямыс,  
Дзирдалысь чагйыс  
Чер улысь качö...  
Берегсянь ылын оз позь лоны рамөн.  
Пыж вöчис — ачыс,  
И бöжалö — ачыс.

## **КЫДЗ ПУ ДА ИЗ**

Еджыд кыз пу кусынтчөма —  
Быдмынысө из оз сет,  
Позьө мегырасьны сөмын,  
Вывлань нюжөдчыны мед.

Некыз — бурөн либө лөкөн  
Сьөкыз изсьыс он нин мын:  
Медым сийөс чөвтны бокө,  
Колө аттө ыджыздын.

Вөсни вожнас, быттө киөн,  
Йөткыштчывлө бөрдигсор...  
Топөдөма изыс сийөс,  
Ачыс нитшсялөма, дзор.

*Валерий Вьюхин*

## **И. А. КУРАТОВЛЫ**

Аддза ме: сьөкыз овнысө кутшөм  
Ашөр гөлөса музакөд тэд.  
Абу дивө: ас олөмсө вуджис  
Тадз Россияса уна поэт.

Мед эз чөвт властьлөн кабырө рөкыс  
И дуэльөдз эз вайөдлы лөж,  
Но и сідз, чайта, вөлі зэв сьөкыз  
Шуан кыв лолад видзны нэм чөж.

Усть-Сысольск карын оланін стенид  
Эз Левицкий коддьөмьясыс видз,

Сөмын нинөмысь майшасьны тэныд —  
Восьтін сэк коми кывнымлысь мич.

Тайö мичлунсö йöзыслы сетін,  
Некод веськодьөн öнөдз оз коль,  
А öд музаяд Кебраысь петіс,  
Бытьö пармаысь медьюгыд ёль.

Сөстөм Эжва моз паськаліс сэсся  
И со горалö кымынөд нэм!  
А Левицкийыд... кольöма сэксянь —  
Лөктö вöчысьыд öні на эм.

Шу мый сьөлöмад и — сувтас паныд  
Наян синъяса яндысьтөм лов...  
Ылі лунвылын, жар Туркестанын  
Висьмин сьöкыда тэ и эн ло.

Абу вуза, но ас ногыс жугыль,  
Сотысь шондіысь муза эз сыв:  
Кусөм кодзувлөн бытьöкө югөр,  
Воис Комиöдз выль сьыланкыв.

Корсьны сійöс пыр көсйин ас шöрысь,  
Кöні ас му, ас грезд, коми ань...  
Тадз эз ло,  
Но и уна во бöрын  
Тэнад музаяд  
Медся на шань.

*Александр Суворов*

## **БИ ДА ШОМ**

Стен сайын ывла вылыс чөв...  
Том ань ас вольпась шөрын öзйö,  
А вылас сöмын вöсни шöвк,  
А лолас сöмын öти кöсийöм.

Тан ыджыдалö оз юр вем...  
Том аньсянь мужичöй тшöтш сотчö.  
И ставыс веськодь, көн мый эм,  
Мый абу сы пытшкын да орччөн.

Тадз вöлі, эм и лоö пыр...  
А коляс вой, и немтор шуны.  
Оз гуся шудыд кыссьы дыр,  
Кöть сійöс регыдөн он вунöд.

Öд вошлö олöма и том,  
Кор садьтöг юмов грекас вöйö...  
Но кусас би и коляс шом,  
Да нöшта ки пыдöс тыр пöим.

*Александр Алшутков*

## **ЮСЬЯС**

Сьöктаммöма енэжыс —  
Тайкö усьö,  
Лунвывланыö лэбöны  
Мудзöм юсьяс.

Чизыр тöлыс выліын  
Лёкысь тойлö,

Эновтöны тулысöдз  
Кöдзых Войыв.

Бордъяснаныс сьöкыда  
Шенасьöны,  
Вöртасланыс ньöжйöник  
Ылысмöны.

Дзоля чутö пöрöны  
Юсьяс сэни,  
Ловья визьöн йитöны  
Му да енэж.



## ЮРИНДАЛЫСЬ

### Коми му

1386-öd во	5
Емва дорын	7
Важся серпас водзын мөвпъяс	9
Кызьöd вояс	11
Ёма	13
Челядьдырся	13
Война кадся нянь	14
Ношульса тракт	15
Патефон	16
Йöра йылысь баллада	17
Ворсан керка	20
Войнабöрся нянь	22
Кык кыз	23
Кор петан гортысь	24
Чужан мулön сьыланкывъяс	25
Талунъяö видзöдлас	26
Войся кывбур	28
«Коми му! Мейн тэ...»	30
Лейтенант Ватаманов	31
Миян кад йылысь	32
Стефановскöй площадьвывса гырысь йöзлы	33
Коми нимъяс йылысь	34
Гöстьяс йылысь	34
Коми му	36
«Сыктывкар — менам мича мойд...»	37
Асья мөвпъяс	38
Вильгорт	39
Медся лунвыв сикт	40
Куим рöма флаг	41
Чужан кыв	41

### Эм сöмын тэ...

«Шуны сідзи, кыз мөвпала...»	45
Воис рыт	45
«Тані чöв, а öшинь сайын бушков...»	46
«Кымөр сайöd тöлысь кывтö...»	47
Туйö петигön	48

Сыланкыв . . . . .	48
«И бара сьакйö кöдзыд эзысь...» . . . . .	49
«Синмö шыбитчана öблика...» . . . . .	50
Васа нывъяс . . . . .	51
«Коді ошкö, коді кулитö...» . . . . .	53
«Видз вылын лысьтö мöсьясöс...» . . . . .	54
«Сыктыв бокин лежнöг дзоридз...» . . . . .	55
«Бара гылалöны коръяс...» . . . . .	55
Шуд . . . . .	56
«Сыктыв ю дорті ме муна...» . . . . .	56
Тöдса керка дорын . . . . .	57
«Талун ывлаыс гожся кодь шоныд...» . . . . .	57
«Козьналін мем видзöдлас...» . . . . .	58
«Ме öд век на тэон вися...» . . . . .	59
«Вильгорт сайын джуджыд чой...» . . . . .	60
«Мелі видзöдласа, шань...» . . . . .	61
«Но и сьölöмöс тэ косьтин...» . . . . .	61
«Кыдзи гажыд, сідз и ов...» . . . . .	62
Тувсовъя . . . . .	63
Зэра луно . . . . .	64
«Радейтчöмным миян абу гора...» . . . . .	64
Экспромтöн . . . . .	65
«Лöня восьлаламöй кыкөн...» . . . . .	66
«Талун бара асывсяньыс зэрö...» . . . . .	66
«Он нин звönит и он нин пырав...» . . . . .	67
«Куим во сайын югдін кыськö...» . . . . .	68
«Гöрд автобус карö муно...» . . . . .	68
«Зэв дженьыд вöлі сёрни тайö...» . . . . .	69
«Тэ меным кажитчылін, гожöм...» . . . . .	70
«Миян костын вöлі мый — оз вун...» . . . . .	71
«Менö тэ дорö век на кыскö...» . . . . .	71
«Ме тэныд эска, помтöг эска...» . . . . .	72
«Самолёт, самолёт, выліті тэ лэбан...» . . . . .	73
«Тэ юортін меным...» . . . . .	73
«Квайтöд судта. Дзескыд жыр...» . . . . .	74
«Век на ми тэкöд эскам...» . . . . .	75
Элегия . . . . .	76
«Вежöгты, эн вежöгты...» . . . . .	76
«Чуймöдö лёк ногөн воыс...» . . . . .	77
«Тэкöд аддзысьлі зэв важөн...» . . . . .	77
«Ме тэнö радейта...» . . . . .	78

## Лымъя саридз

«Югыд корьяса, ичот кызд выло...»	81
«Лосыд ягын...»	81
Батьолы	82
«Лымъя саридз, еджыд саридз...»	83
«Машина мыскö Сыктив ваон уличьяс...»	84
Пöрысь вöв	84
Мамöлы	85
«Ас сиктын быттьö югдö нимöй...»	85
Медводдза ытшкөм	85
Сыктив дорын	86
Петрöван	87
«Кöдзыд серти тöдам...»	88
«Ар менö чужан сиктын суис...»	88
«Эзысь кодзувьяс енэж шöрын...»	89
Печора вылын вуграсьöм	89
Асья котралöм	91
Велöдлісны мам да пöч	92
«Висьтав, мыйла, муса колип...»	92
Печора ю вылын ордйысьöм	93
Печораса речной училищесы курсантьяслы	95
Мича нывбаба	96
Шумсыыс воывлан пикö	99
Төвся рытö	100
Пармаын	100
«Эз, пöль-пöчьяс эз мунны мясянь ыло...»	101
Больничавын	102
«Юр ог жуглы...»	102
«Со лунысь-лунся гижöд пас...»	103
«Менам ёртъясöй...»	104
«Бара öзйö асья кыа...»	105
Тулыс	105
«Ме бара Гарьяын...»	106
«Ак, кутшöм асья вöрын...»	107
Эдвард Григ	108
Музейын	109
Асья вöт	109
«Тан сэтшöм лöнь...»	110
«Öти гозья йылысь...»	111
Понлы	112
«Талун тані ме пи и гöсть...»	112
Страдна кадö	113
«Оз пö радейтны комияс...»	115
«Кира Сергеевна! Видза оланнды!..»	116

«Уна йӱз пийн...»	117
«Ак, кутшӱм ӱдйӱ лӱбӱ кадӱс...»	117
«Талун комын градус кӱдзӱд...»	118
«Мича абу тӱ, ог тӱд...»	119
«Бать-мам керка пытшкын кӱдзӱд...»	120
Шуткаӱн сорӱн	121
Кыпӱдтӱм стрӱйба дорын	121
Аддзӱсьсӱм	122
ӱнӱя серпас	123
Жугыль да Илля Вась	124
Тима Веньлы	125
Кымӱрӱяс	125
«И сӱтчӱ нетшкысьлӱ и татчӱ...»	127
Театрын	127
Художник Александр Кочевлӱн паметьлы	129
Олӱс-вылӱс гажа колип	130
Карын нимӱяс йылысь	130
Сыктывкарын косялӱны керка	133
«Бара восьлалӱ тулыс...»	136
Сыктыв	137
«Но вот и ставыс...»	138
Пӱчлӱн кыв	139
«Век некор, некор, некор...»	139
«И луныс руд...»	140
«Кодӱяскӱд он лӱсяв...»	141
«Нӱмтӱ бергав...»	141
«Со и исковтӱс дженьыд гожӱм...»	142
«Кор муно олӱмысь поэт...»	142
«Войвыв муӱй...»	143
ӱртом вӱлӱкын	144
«Овлӱ: скӱрман, пузян, кусыд петан...»	146
«Ни водзӱ, ни бӱрӱ, ни бокӱ...»	147
«Йӱз муясӱдз нималӱ Усинск...»	147
Сыланкывӱяс чукӱртысьлӱн висӱт	147

### Балтикасянь Тихӱй океанӱдз

Чужан му	153
Красной площадь вылын	155
Морт	156
Войся вокзал	156
Море дорын	158
А. С. Пушкинлӱн медбӱрӱя асыв	159
«Ме тӱда: кадсӱ мем не венны...»	161

«Мыйся тайё СНГ?..»	161
«Бур али абу — сьёлөмөс эг өлөд...»	164
Илля Вась ордын	165
Хостаын рынок	167
Ялтаын сёр ар	168
«Февраль и Ялтаын февраль...»	170
Лиана и дуб	171
«Аддзёмаось югыдыслысь пом...»	171
«Быд мортлөн овлө сэтшөм кад...»	172
«Кодзувьяс, Галактика...»	172
XXI нэмся мортлы	173

### Тэ, менам кодзув (*вуджөдөм кывбурьяс*)

*Александр Пушкин*

Вакхическөй сьыланкыв	177
«Ылөдлас кө тэнө олөм...»	178

*Михаил Лермонтов*

И гажтөм и шог	178
----------------	-----

*Федор Тютчев*

«Век овлө көнкө аръядорыс...»	179
-------------------------------	-----

*Афанасий Фет*

«Вои чолөмөн тэ дорө...»	179
--------------------------	-----

*Сергей Есенин*

«Чужан муой! Вөт и вемөс...»	180
«Арся корйыс усьө увлань кытчөсюрө...»	180
«Вой нин воө, мем оз узьсьы...»	181
«Ытва. Лөнью төлыс...»	181
«Гумла сайын гора гузьөбөн...»	182
«Рышкыд сөчөньяс сёр вылынөсь...»	183
«Русь тэ менам, сьёлөмшөрөй...»	184
«Татшөм мичаяссө эг аддзыв...»	185
«Сьыв мем, чойөй, кыз тэ сөмын кужан...»	186
«Корьяс усьөны, корьяс усьөны...»	187
«Ме казтыла, мусаөй, өнөдз...»	188
«Тэныд, мусаөй, ме вөзья...»	189
Дорччысь	190
«Сьөд пратьөн паськалөма вөрыс...»	191
«Төлысь югөр муө усьө...»	192
«Ворс, тальянка, збоя, ворс, тальянка, гажөд...»	193
«Мичлунсө мегыр кодь енэж оз дзөб...»	193
«Тэ, менам кодзув, өзийы ылын...»	194

<i>Расул Гамзатов</i>	
«Джигитъяс, овліс, лөгасьлывлөмаось...»	195
«Водз вобись госьтяс оз пукавны дыр...»	196
<i>Николай Володарский</i>	
«Ме дорын орччөн...»	196
<i>Василий Журавлёв-Печорский</i>	
«Увтасіныс быттьо ыджыд тасьті...»	197
<i>Яакко Ругоев</i>	
Пыж вöчысь мастер	198
<i>Виктор Кушманов</i>	
Кыдз пу да из	199
<i>Валерий Вьюхин</i>	
И. А. Куратовлы	199
<i>Александр Суворов</i>	
Би да шом	201
<i>Александр Алшутов</i>	
Юсьяс	201

---

Литературно-художественное издание

**Тимин Владимир Васильевич**

**КРАСАВИЦА-ВЕДЬМА**

Стихи, переводы

На коми языке

Редактор *А. В. Тентюков*

Художник *А. М. Гаранин*

Художественный редактор *Г. Н. Шарилков*

Технический редактор *З. А. Поздеева*

Корректор *Н. Ф. Габова*

Компьютерная верстка — *А. В. Кетова, В. В. Осипов*

ЛР № 010039

Сдано в набор 15.02.96. Подписано к печати 30.07.96. Формат 70х90/32.  
Бумага офсетная. Гарнитура «Журнальная». Печать офсетная. Усл. печ. л.  
7,6. Усл. кр.-отт. 8,11. Уч.-изд. л. 8,43. Тираж 1000 экз. Заказ № 26 38  
Коми книжное издательство. 167610, г. Сыктывкар, ул. К. Маркса, 229.

Отпечатано в Кировской областной типографии.  
610000, г. Киров, Динамовский пр., 4.





**ВЛАДИМИР ТИМИН** чужліс 1937 вося июль 2-öd лунö Сыктывдін районса Гарья сиктын.

Помавліс Княжлогостын 8-öd класс и муніс велöдчыны Печораса речной техникумö. Сійöс помалöм бöрын уджаліс пароходьяс вылын.

Армияысь гортас воём бöрын помавлöма Сыктывкарын пединститут (заочной). Велöдчан воясö и бöрынджык уджавліс Коми научной центрлөн ИЯЛИ институтын (фольклор сектор), республикаса радионын дикторөн, Зеленеч сиктса школаын директорөн, Сыктывкарса телевидениеын старшой да главной редакторөн, Коми книжной издательствоын главной редакторөн, «Войвыв кодзув» журналса главной редакторөн. Öні В. Тимин уджалö гижысьяс Союз правлениеын председателёс вежысьён.

Тайö поэтической гижöд чукöрыс сёлөн витöд. Кывбурьяс сёлөн петавлісны и газет-журналясын да öтувья сборникьясын.